

سہ ماہی سرائیکی بہاولپور

ہٹن تھی فرید اشادول مونجھاں کوں نہ کریادول
جھوکاں تھیں آبادول ایہا نئیں نہ وہسی ہک منی

3

بیاد سید نذیر علی شاہ مرحوم

سرائیکی

جلد نمبر ۱۳ - اپریل تا جون ۲۰۰۲ء - شمارہ نمبر ۵۲

چیف ایڈیٹر (اعزازی) جاوید چانڈیو
ایڈیٹر سید دین محمد شاہ
معاونت محمد حیات چغتائی
رحیم طلب

ایہہ رسالہ حکومت پنجاب دے مالی تعاون نال چھاپیا گئے

مقام اشاعت: جھوک سرائیکی بہاولپور فون: 883990

قیمت فی شمارہ ۲۰ روپے سالانہ ۱۰۰ روپے

سید دین محمد شاہ ایڈیٹر، پبلشر، جھوک سرائیکی بہاولپور وں شائع کیتا

تندیر

۳	ترجمہ: سید دین محمد شاہ	القرآن
۴	چیف ایڈیٹر	اداریہ
۷	سید دین محمد شاہ	سین میڈے کون آکھ
۹	سید دین محمد شاہ	تکلف برطرف
		ہڈ ورٹی
۱۲	محمد اسماعیل احمدانی	یادیں دے کا کحل
		افسانے
۱۴	ارشاد تونسوی	مومن جودڑو
۱۸	اشوال	ابنارمل
۲۷	حفیظ خان	منگل دے ڈینہہ ناغہ ہوسی
		ڈراہے
۳۵	ڈاکٹر نصر اللہ خان ناصر	دریانویں دا انت صحرا
۴۹	ڈاکٹر محمد سلیم ملک	آچٹوں رل یار
		جنگ ورٹی
۶۸	سید محمد اعجاز شاہ	بالا - وسیب داونگارو
		پاکستانی ادب
۷۱	جاوید چانڈیو	خوشحال خان خٹک
		لسانیات
۷۷	سی شیکل / جاوید چانڈیو	مرکزی پاکستان دی سرائیکی زبان
۹۴	جاوید چانڈیو	پہلا مکمل سرائیکی قاعدہ

ہے ترجمہ: سید دین محمد شاہ

یٰبَنِی إِسْرَءِیْل اذْكُرُوا نِعْمَتِيَ الَّتِي اَنْعَمْتُ عَلَيْكُمْ
وَ اَنِّیْ فَضَّلْتُكُمْ عَلَی الْعٰلَمِیْنَ (۴۷)

English

O children of Israel, call to
mind My favour which I bestowed
on you and that I made you excel
the nations.

سرائیکی

او یعقوب دی اولاد، میڈے او
احسان یاد کرو جیڑھے میں تہاڈے اتے
کیتے ہم، اتے اے وی جو میں تہا کوں
سارے جہاناں دے لوکاں تے فضیلت
بخشی ہئی۔

سہ ماہی 'سرائیکی' تے سید دین محمد شاہ دیاں خدمات

سرائیکی ادبی مجلس بہاولپور ہک قدیم تے معتبر ادبی ثقافتی ادارہ ہے تے اینداترے ماہی آرگن "سرائیکی" وی ایس زبان دا مسلسل چھپن آلا قدیم ترین رسالہ ہے۔ ایس رسالے ۱۹۶۴ع کنیں ہن تائیں کئی دور ڈھن تے سرائیکی زبان دے بہوں وڈے وڈے لکھاری ایندیاں ادارتی ذمہ داریاں نبھیندے رہ گئیں تے کئی وڈے لکھاری ایندے ذریعے متعارف وی تھن۔ تقریباً پچھلیس چھو سالیں کنیں اساں وی ناں دی حد تائیں انہیں معتبر لوکیں وچ شامل تھی گئیں جنہیں ایس رسالے نال وابستگی راہیں کہیں نہ کہیں طراحویں سرائیکی زبان تے ادب دی خدمت کیتی۔ ۱۹۹۸ وچ سرائیکی ادبی مجلس دی انتظامیہ دی مہربانی جو انہیں اپنی ضرورت تے خواہش موجب راقم دا ناں ایس رسالے دے اعزازی چیف ایڈیٹر دے طور تے لکھن شروع کر ڈتا۔

پچھلیس شماریں وچ محمد حیات چغتائی ہوریں دا ہک مضمون 'ترے ماہی سرائیکی تے فریدیات' چھپیا جیندے وچ انہیں ایس رسالے دیں خدمات دے ہک خاص پہلو بارے تحقیق کیتی اے۔ ایس تحقیق وچ رسالے دے اچو کے دور دے حوالے نال انہیں اعزازی چیف ایڈیٹر بارے لکھیے جو جاوید چانڈیو دا آؤٹ:

۱۔ ایس رسالے دے مزاج وچ خوشگوار تبدیلی دا سوہنا حوالہ ہے۔

۲۔ رسالے دا معیار بہوں اچا کرن دا سبب ہے۔

۳۔ نفس مضمون دے نال نال غلطیاں توں پاک پر د ف باعث اطمینان بنے۔

۴۔ فریدیات تے نویں نروے اتے سبھ توں ڈیر مضمون چھپن دا سوب ہے۔

چغتائی صاحب دی اے تحقیق فقیر کیسے تشویش دا سوب وی ہے جو ایس معیار تے پورا لہن اتے ایندے سو جھلے وچ ابگوں تے ٹرن ہک بہوں اوکھا کم اے۔ پڑو جھی اہم گالھ اے جو جیہڑیاں تھولیاں بہوں تبدیلیاں مضمون نگار محسوس کیتین انہیں دا پچھو کڑا کٹر قارئین کوں معلوم نہ ہوسی جو اے تبدیلیاں کیوں آیاں تے جیہڑا کجھ نہ تھی سکھیا یا نہیں تھی سکھدا اوندے اسباب کیا ہن؟

اساڈی یادداشت تے شعور موجب ترے ماہی 'سرائیکی' تے 'سرائیکی ادبی مجلس' سید نذیر علی

سہ ماہی سرائیکی بہاولپور

شاہ کنیں سید دین محمد شاہ تائیں واسفر اے۔ ایں سفر دی سمت بارے تعین فقیر داکم نہیں۔ البتہ ایں گالھ وچ کوئی شک نہیں جو سید دین محمد شاہ صاحب ایں ادارے دے ودھارے سانگے بہوں محنت کیتی تے انہیں وچ سماجی تے ثقافتی ادارے چلاؤن دی خداداد صلاحیت وی ہے پئی۔ اتھاں چھڑا ہک رولا ہے جو اے ادارہ اصل اچ 'سرائیکی ادبی مجلس' ہے تے سرائیکی ادب نال شاہ صاحب داتعلق وی اتھلا ای ہے جتلا فقیر داباڈی بلڈنگ یا جوڈو کراٹے نال ہے۔

شاہ صاحب بہوں محنت تے محبت نال کم کریندن۔ سرائیکی زبان تے ادب دے فروغ سانگے مختلف سرکاری اداریں نال رابطہ کریندن، درخواستاں لکھدن، خط وٹھیندن، ادارے کیے گرانٹ گھنن دی جدوجہد کریندن، مختلف اخباریں رسالیں تے سرکاری تے غیر سرکاری مسودیں وچوں سرائیکی بارے معلومات کٹھیاں کریندن، انہیں دیاں فائلاں بٹیندن تے انہیں فائلیں وچوں سرائیکی زبان تے ادب دے ودھارے دے خواب ڈیکھدن۔ انہیں دے کجھ خواب پورے وی تھن تے کجھ انشاء اللہ پورے وی تھین۔ ایں سارے کم وچ انہیں دی خواہش نیک ہوندی اے پر انہاں دی وسیع المشرب تے ہمہ جہت شخصیت وانگوں انہیں دے کمیں دیاں وی کئی جہتاں ہن جنہیں دیاں حداں لامحدود تھیں دیندن۔ ترے ماہی 'سرائیکی' دے صفحات تے انہیں دیاں کئی سوہنیاں لکھتاں وی چھپین تے کجھ شئیں انہیں دین فائلیں وچوں اکٹھیاں وی چھپین جیڑھیاں ایں رسالے دے مزاج کنیں کجھ پروہریاں ہوں۔ سماجی ورکر داپلیٹ فارم تے علم و ادب دی دنیا علیحدہ علیحدہ مزاج رکھیندن۔ ہر کم دیاں اپنیاں حداں ہن پر شاہ صاحب دی ذات اپنیاں حداں کنیں وی باہر کم کرن دی صلاحیت رکھیندی ہے۔ ترے ماہی 'سرائیکی' دا کجھ حصہ اکٹھا وی ہے جیندی ترتیب تے تدوین داکممل بار سید دین محمد شاہ صاحب چنیدن۔

مثال دے طور تے ایں رسالے دے نائیل دے اندروں پاہروں، اگوں پچھوں جو کجھ چھپدے اوندے نال نہ اعزازی مدیر داتعلق ہوندے نہ اونکوں چھپن کنیں پیلھے پتہ ہوندے۔ شاہ جی ایندے کیے پریشان رہ دیندن تے اپنی زمیل وچوں کوئی نہ کوئی نویں شے لہے تے انہیں صفحیں تے چھاپی رکھدن۔ سرائیکی زبان دے سوہٹ، ترقی تے ودھارے بارے کوئی اشتہار بٹا گھنن یا کڈا ہن کہیں تقریب وچ گہل سرکاری افسریں، شاعریں، ادیبیں دے آٹوگراف یا دعوتی کارڈ دا عکس چھاپ ڈیندن، کڈا ہن کوئی نقشہ یا کتابیں دی فہرست ہندی اے یا ول کڈا ہن اپنا فوٹو چھاپن دی انہیں کوں چنگاں لگدے۔ انہیں دی فرمائش ہندی ہے جو لکھاریں دے فوٹو وی رسالے وچ

ہوئے چاہیدن۔ بہر حال انہیں تلکٹیں صفحیں وچ شاہ جی اپنی مدیرانہ آزادی دا بھرپور استعمال کریندن۔ فقیر دے نال کم کرن دے زمانے وچ انہیں کمال شفقت دا مظاہرہ کریندیں ہوئیں اخباریں وچوں تراشیل کارٹون چھاپن دی فرمائش نہیں کیتی۔ ہا 'ترے ماہی' کوں 'سہ ماہی' لکھواون دی فرمائش تے انہیں دازور رہ گئے۔

رسالے نال انہیں دی بھرپور سانجھ دیاں نشانیاں، انہیں دے مستقل سلسلے، سرائیکی وچ ترجمہ قرآن تے اردو وچ تکلف برطرف ہن جنہیں دے کمپوزنگ تے پروف دے مراحل اوآپے طے کر تے چھپائی کیتے ڈیندن۔ ایندے نال نال اوکڑاہیں کڈاہیں سرائیکی مضامین دی لکھدن۔ انہیں دی تحریر وچ شوخی، شرارت تے چونڈھیاں ہوندن۔ سرائیکی بہوں سوٹی لکھ سکھدن پر موضوع دا جہان انہیں دا اپنا اے۔ کڈاہیں کڈاہیں درخواستاں، اپیلاں یا خط دی شکل وچ وی کجھ نہ کجھ ٹوری رکھدن۔ سٹیج تے انہیں دے ہتھیں پیریں دی مومنٹ انہیں دی متحرک شخصیت دی نشاندہی کریندی ہے۔ ترے ماہی 'سرائیکی' وچوں انہیں دی متحرک شخصیت اپنا حصہ پورا کر گھن دی اے تاں او باقی کم اعزازی چیف ایڈیٹر تے چھوڑ ڈیندن۔ باقی مضمون کٹھے کرن، انہیں دے مسودے ڈیکھن، انہیں کوں کمپوز کراون، پروف ڈیکھن، نطقے لواون تے ول مجلس دی انتظامیہ دے حوالے کرن اعزازی چیف ایڈیٹر دیاں اعزازی ذمہ واریاں ہن جیڑھیاں کڈاہیں پوریاں تے کڈاہیں ادھوریاں تھیندیاں رہندن تے کڈاہیں اصولوں رہ وی ویندن۔

کجھ معاون مدیر رسالے نال ٹردے رہندن پر انہیں دی معاونت کیتے رسالہ سکدا رہ ویندے۔ خاص کر پروف تے نقطیں دے معاملے وچ کوئی ساتھ نہ نبھا سکھیا۔ اج کل سیں محمد حیات چغتائی ہوریں دی معاونت نال رسالے کیتے کجھ معیاری مواد تے مشورے دا سہارا مل ویندے۔ پر پروف تے نقطیں کیتے حالی تیں کوئی تسلی بخش صورت نہیں بن سکھی۔ ول وی چنگائی دی امید نال اپے حصے دا کم و س جوگا ہر کوئی کریندے۔ کیوں جو کم تاں سارا رضا کارانہ بلکہ 'اعزازی' ہے۔

ایں پھیرے اساں سرائیکی نثر (کہاٹیاں / ڈرامے) دے حوالے نال کجھ چون لکھتاں چھاپن دا وعدہ پورا کریندے پیوں تے نال نال لسانیات دے موضوع تے وی کجھ صفحات شامل ہن۔ ایں واری رسالے دے مختلف صفحیں تے دیوان فرید وچوں کافیں دی چون شامل ہے۔

(جاوید چانڈیو - اعزازی چیف ایڈیٹر)



سٹیس میڈے کون آکھ

(قسط دوم)

- ☆ دلشاد سکیں، چاچی ساڈی دا کیا حال اے؟
- ☆ شاہو، کچھ نہ پچھ، بس۔ اتھاوی دھڑپائی بیٹھی اے۔
- ☆ کیوں؟
- ☆ کوئی حور اسٹے کول کمرے وچ ذرا دیر چا لاوے، ہوں ویلے ہکل مریسی، اوکن تے مرگیوں۔ کہیں پٹ پے گیو۔ نکل باہر۔۔۔ ڈسوسیں! کہیں حور کون اجازت نی جو مسابگ چاٹے۔ رجھولاں سب پٹواتے رکھواڈتے نس۔ حکم اے جو خبردار کوئی اتھاں چھم چھم کرتے نہ ٹری کرے۔۔۔ یارو سینڈل جو نہ پاوٹ ڈھندی تھی۔ ڈٹھا ہوے سب حوراں پھنکویاں جتیاں پائی ودن۔
- ☆ ہئیں سکیں، اے تاں تاڈھی بھری۔
- ☆ ڈاڈھی نہ تاں۔۔۔ بہاولپور وی ساری عمراں ایویں بے مزہ کیتی رکھس۔۔۔ تاں اسٹے کول ماڈل ٹاؤن اے والی کوٹھی تے آندے تاں ہاوے۔
- ☆ جیاسیں، کئی وار۔
- ☆ اساں تہاڈی خاطر تواضع کریندے ہاسے، شربت پانی۔
- ☆ بے شک بے شک
- ☆ تاں اسٹے نوکرانی جیڑھی شربت، چاٹو وغیرہ دی گریے چا آندی ہئی، اوکوں خورنال کڈھایاں ڈٹھا ہوسی۔
- ☆ گالھ کرو

☆ تیلڈی چاچی اساڈے کمرے وچ ہمیشہ میلی تے کو جھی چھو کری خدمت کیتے ۛ ٹھیندی ہئی۔ لم
 وادوڑی۔ اکھیں وچ گیایاں۔ ہک دفعہ ہمسائی دی ستھری چھو کری آئی اساڈے گھر کہیں کم
 نال۔ اساں چا اکیا ’’بھلا تھیوی ہیں چھو ہر کنوں اساڈے کمرے دے شیلف تاں چھنڈ کو ا
 چا۔ متھے تے تیزی پاتے اکھیوس‘ نہ نہ تاں سائیکل کو پچ لواوٹ و پنجو‘ میں خود صفائی
 کر ڈیاں۔

☆ اتھاں بہشت وچ وی اوہا حالت اے؟

☆ الملک‘ اساں شرموں کو شرموں کہیں حور کوں پیار چا کروں۔ ڈیدھی بیٹھی
 ہوے! ہوں ویلے چھر کی کڈھوا ڈیسی۔ ’او بھلا تھیوی اساں تاں آپڑیں ڈنڈ ٹیسٹ
 پے کریندے ہاسے۔ اوند ا حکم اے خبردار سیں کول زیادہ دیر نہ کھڑیاں کرو۔ کہیاں،
 چوڑھا لگ ویندے دوے! ڈسو سیں جیندے جی تھیو سے۔۔۔

☆ ایں گالھوں اساں چنگے رہوے، نہ ڈال اے، تے نہ اے ٹنٹے ہن۔

☆ شاہو‘ اساں وی رستہ گول گھدے۔ پچھو‘ کیوں؟

☆ فرماؤ

☆ آساں حوراں کنوں سروچ تیل گھتویندے ہیں۔ یاں چاچی تیلڈی برا تاں منیدی اے
 پرچپ کرتے ڈیدھی اے بیٹھی۔ اساں وی کراڑ واکوں دھمکی ٹھیک ٹھاک ڈے
 چھوڑی اے۔ سیں میڈے کوں آکھ‘ اساں وی صاف صاف آکھ ڈتے جو سر
 وچ تیل دا رگڑا نہ لکیا‘ تان اساں ولدے گنجے تھی ویوں۔ ہونٹ اکھیندی اے اچھا
 مالش کرائی رکھو‘ پر گنجے نہ تھو اے۔

☆ واہ بھی واہ۔۔۔ اچھا سیں‘ میں چلداں۔ اجازتاں۔ ول ملوں۔ اللہ راضی۔

تکلف برطرف

رواں سہ ماہی میں بعض ایسے واقعات رونما ہوئے کہ تکلف کا ان سے برطرف ہونا ممکن ہی نہیں رہا۔ مثلاً 30 اپریل کو پاکستان کے صدر محترم جنرل پرویز مشرف کے حق میں ریفرنڈم برپا ہوا۔ اور 7 اپریل کو پاکستان کی تاریخ میں پہلی بار معیاری وقت ایک گھنٹہ آگے کر دیا گیا۔ ہماری پرویز مشرف صاحب سے بے تکلفی نہیں اس لئے صاف صاف بات کی تو برطرف ہونے کا حق محفوظ رہے گا۔ چنانچہ فی الحال درج ذیل بے تکلفی پر گزارہ کرتے ہیں۔

ہواصیوں کہ دو بے تکلف دوست آپس میں باتیں کر رہے تھے۔ ایک نے شرارتاً دوسرے سے کہا 'فرض کرو تم جنگل میں سے گزر رہے ہو۔ ٹھیک؟ اور جنگل بھی گھنا ہے۔۔۔ پھر پھر اچانک کہیں سے ایک خوفناک شیر جھاڑیوں میں سے نکل کر تمہارے سامنے آ موجود ہوتا ہے۔ ٹھیک! اب تمہارے لئے بھاگ نکلنے کا نہ وقت ہے، نہ راستہ۔ ٹھیک!!'۔۔۔ وہ دوست بولتا گیا، دوسرا سنتا گیا۔۔۔ 'پھر جناب' یوں سمجھیں کہ۔۔۔ قریب کوئی درخت و رخت بھی نہیں کہ تم اپنی جان بچانے کیلئے اوپر چڑھ سکو۔ اور مزے کی بات یہ ہے، کہ تمہیں درخت پر چڑھنا بھی نہیں آتا ہوتا! تو..... ایسی صورت میں تم کیا کرو گے؟'

دوسرے دوست نے کہا 'اس تمام صورت حال میں..... پھر میں نے کیا کرنا ہے۔ پھر تو سب کچھ شیر کو ہی کرنا ہوگا۔ ٹھیک؟ ملک کا بادشاہ ہو یا جنگل کا بادشاہ ایک ہی بات ہے۔ تڑپنا بھی ہمیں آتا ہے، تڑپانا..... بھی آتا ہے۔

ہائے ہئے 'کیا زمانہ تھا۔ آتا ہے یاد مجھ کو گزرا ہوا زمانہ! وہ ایک بے نظیر دور تھا' 1994ء کی بات ہے۔ حکومت وقت کو عوام کا بھرپور اعتماد حاصل تھا۔ حکومت کو عوام کی

بھلائی جو سو جھی 16 مئی کو اعلان ہوا کہ یکم جون سے ہفتہ میں دو بار تعطیل ہوا کرے گی۔ اُن دنوں ملک میں جمعہ کے روز ہفتہ وار چھٹی ہوتی تھی۔ اعلان کے مطابق اگر جمعہ اور ہفتہ کو اکٹھی دو چھٹیاں شروع کر دی جاتیں، جبکہ باقی دنیا میں اتوار کی چھٹی، تو اس طرح وطن عزیز باقی دنیا سے ہر ہفتہ تین روز کیلئے کنار ہتا۔ شکر ہے کہ حکومت کے اس فیصلہ پر عملدرآمد کی نوبت نہ آئی۔

تحفہً، اسی روز اس فیصلے کا اعلان بھی ہوا کہ گوشت کا ناغہ ہفتہ میں صرف ایک دن ہوگا۔ تاکہ غریب عوام جان بنائیں ان کی تندرستی میں تیز رفتاری سے اضافہ ہو اور وہ خوش رہیں۔ اسی تاریخی تاریخ یعنی 16 مئی 1994ء کو تیسرا فیصلہ یہ ہوا کہ ماہ اپریل اور ماہ اکتوبر میں ہر سال گھڑی کی سوئیوں کو ایک گھنٹہ آگے اور پیچھے کر دیا جائے گا۔ معلوم نہیں پھر کیوں اس پر عملدرآمد نہ ہوا۔

مگر اب 7 اپریل 2002ء سے کو قوم کی قسمت پھر پٹی ہے۔ اور معیاری وقت کے مطابق گھڑی کی سوئیاں ایک گھنٹہ آگے کر دی گئی ہیں۔ نوید یہ ہے کہ اس طرح عوام کو روشنی اور توانائی کا وقفہ زیادہ ملے گا۔ ان کی صحت پر بہت اچھا اثر پڑے گا۔ کارکردگی بہتر ہوتی، ملک میں خوشحالی آئے گی۔ قوم ترقی یافتہ اور مہذب کہلائے گی۔ مگر پاکستان تو جغرافیائی طور پر ایسے خطے میں واقع ہے جہاں پہلے ہی سارا سال وافر روشنی اور بے تحاشہ گرمی پڑتی ہے۔ پودے، چرند پرند ضرورت سے زیادہ تمازت سے عاجز آئے ہوئے ہیں۔ ہم نہیں سمجھتے کہ یہ کوئی دانشمندانہ فیصلہ ہے۔ اور پھر مشرق یا مشرق بعید کے کسی ملک میں ایسا نہیں ہوتا۔

شروع شروع کی بات ہے کہ ہم نے ایک دن 1:30 بجے ظہر کی نماز ادا کی۔ اس روز شاید ہمیں اذان سنائی نہیں دی ہوگی۔ بعد میں باقی کام کاج سے فارغ ہوئے تو اچانک ظہر کی اذان کی آواز..... ارے اتنی تاخیر سے یہ کیا مولوی صاحب سو گئے تھے! گھر والوں نے کہا۔ اذان تاخیر سے نہیں ہوئی، آپ نے نماز وقت سے پہلے پڑھ لی ہے۔ اب کے جو 1:30 بجتا ہے وہ پہلے وقت کے 12:30 ہوتے ہیں۔

یعنی آدھی رات بھی اب 12:00 بجے نہیں ہوگی۔ رات کو بچوں کو اگر کہیں کہ ایک بج رہا ہے، اب سو جاؤ، تو وہ یک زبان ہو کر کورس میں جواب دیتے ہیں، 'نہیں جی' یہ آپ مشرف ٹائم بتا رہے، ابھی تو بارہ بجے ہیں، چنانچہ اب ہم گھڑی کی سوئیوں پر وقت دیکھ کر ایک گھنٹہ منہا کر کے اندازہ لگاتے ہیں کہ کیا بجا ہونا چاہئے تھا۔

ہمارا یہ سہ ماہی مجلہ تاخیر سے شائع ہو رہا ہے۔ رنج تو ہے، مگر تعجب نہیں ہے۔ آپ اگر ایک سہ ماہی منہا کر کے پڑھیں تو یہ سراسر بروقت معلوم ہوگا۔
خیر جی! اس کا کوئی اور فائدہ ہونہ ہو ایک بات تو کھری ہے۔ کہ ہم ایک ہی جست میں بھارت کو پیچھے چھوڑ گئے ہیں۔ وہاں جب صبح کے 6 بجا چاہتے ہیں تو ہمارے ہاں 6:30 بج چکے ہوتے ہیں۔

آپس کی بات ہے، پھر آئندہ اکتوبر میں کیا ہوگا؟..... کیا ہمیں گھڑی کی سوئیاں دوبارہ As you were کرنا پڑیں گی؟ فوجی اصطلاحات اور اصلاحات ہیں دلچسپ!

یادیں دے کا ک محل

جامعہ عباسیہ (اسلامیہ) بہاولپور دے ہاسٹل اچ ہک شخص مہمان آن تھیا۔ کہیں طالب علم دا شیت عزیز با، میں جامعہ (اسلامیہ یونیورسٹی دی پیشرو) وچ انگریزی پڑھیندا اتے ہوسٹل وچ بطور نگران (اسٹنٹ سپرنٹنڈنٹ) دے رہندا ہم۔ او شخص دست شناسی چاٹدا ہا۔ میڈا ہتھ ڈکھ کے آکھئیں۔۔۔ قدرت نے تیڈا ناٹھ پانی نال گنڈھ چھوڑیے۔ توں ہک دفعہ پانی دی موت کنوں وال برابر فاصلے کنوں پچھوں تے ول آئیں مگر آخر کار تیڈا انت پانی وچ تھیونے۔۔۔ سوچیم۔۔۔ یا اللہ! کیا ایں ستلج، چناب، بیجنند، اباسین دی نگرانی وچ ہک دفعہ ولا چناں دریا دی روایت (دا حقیقی ڈراما) دہرائی ویسی۔ اے کیو پڈ دیوتا!! پاسا کر پاسا۔۔۔ ٹل ونج۔۔۔ مگر گالھ اچ کیسجھی نازو مانیت اے۔۔۔ دریا مو جاں۔۔۔ سیڑھ اچ بھاکل دے مزے۔۔۔ مولا، مولا اولمھ کڈاں آسی۔۔۔؟ خدا جانے اساڈی کہانی کون لوک داستان بناوٹ سا نگے (Legend) کوئی چنگا شاعر، ادیب، کہانی کار، لکھاری، لہاری، پھپھاڑی یا داستان گووی ہووے یا نہ؟ اتے ایں رومان زدہ داستان وچ ہیٹ، میٹھیں دے گھن، پکا کچا گھڑا، ران دا گوشت، لہراں، ہک پے کون سڈ۔۔۔ اتے سیڑھ اچ بھاکل دے مزے۔۔۔ والے نظارے وی شامل کیسے ویسن یا نہ۔۔۔ نائک ڈرامہ اتے فلم وی بنسی یا نہ۔۔۔ ول اوہٹ Hit تھیسے کہ فلاپ۔۔۔ یکتارے تے گلی گلی وچ فقیر یا لوک چمے نال۔۔۔ اندر دے رمز شناس سڈ مار آکھے جھل، جھڑ!! آوارہ سوچیں اتے ترسے تمنائیں دے مشکلی گھوڑے دیاں واگاں جھل۔۔۔ ہوئے مر کے ہم جو رسوا۔ ہوئے کیوں نہ غرق دریا وغیرہ وغیرہ۔۔۔ میڈی اوں ڈینہہ دی ڈائری وی پڑھدے جلو۔۔۔!!

۲۴۔ اپریل ۱۹۵۴ء

ہوسٹل جامعہ عباسیہ (بالمقابل شاہی توشہ خانہ)

..... دست شناس کوئی خداداد پتر اے جو اوندی ہر گالھ صحیح نکلے او خدا دے گجھ اچ، اوندے رازیں وچ، جہات نہیں پاسگھدا۔۔۔ مستقبل دی اونکوں کیڑھی خبر اے۔۔۔؟؟ اے تاں ریاضی دی شاخ کیلکولس Calculus دے اصول امکانات غالب (Laws Of Probabilities) دا مسلمہ اصول اے

سہ ماہی سرائیکی بہاولپور

کہ ہر قیاس، ننگا، گپ، گزپ، آپنے وچ سچ دی موجودگی دا پنجاہ فیصد امکان رکھدے۔ تہوں ایں
 دست شناس دی میڈے ماضی بارے ڈسائے ہوئے پانی والے تجربہ دی گالھ درست ہئی۔ البتہ اے
 مٹاپوی کہ اوں کہیں نہ کہیں ویسکھے کنوں میڈے ماضی وچ جھاتی ضرور پاگھدی اے کہ میں پانی دی
 موت نال آپنے پلین دے زمانے ہک ہلھیاڑ ورائند کر چکاں اتے کھٹ آیاں (۔۔۔ ویسے تاں بھاء
 وچوں اتے مینہ وانگر وسدیں کلاشکوف دیں گولیں وچوں وی صحیح سالم نکل آیاں) پانی والی موت
 دے پیریں دا کھسکار آئیں سنیا ہم۔۔۔ کہ میں پنج سالاں دی عمر اچ گھر دے پاسے والی کسی (ندیا۔
 آب جو) وچ لٹوہ گیا ہم اتے وڈی کوشش ترلے اتے گول پھول دے بعد کڈھ گھدا گیا ہم۔ مگر اے
 تاں جئیں دی روایت اے۔۔۔ میڈا ذاتی مشاہدہ۔۔۔ ایں سارے واقعہ دے بعد مادی جھولی وچ اکھ
 کھولیم تہ اوندے اکھیں کنوں وہندے نیرنگال دی 'آجھو' ہئی۔ جئیں موت دی چھل دی چڑھدی ویرکوں
 ٹھل گھدا ہا۔۔۔!!۔۔۔ سچند اں کہ اہا جیکر پانی والی کسی (ندیا) میڈے دریائے ہستی کوں نیستی دے
 مندر یا بحر ابدیت اچ وچ رلاوے ہاتہ ایں کائنات اچ امکانات دے پیچیدہ سلسلے دی کیڑھی اتے
 کتوں کڑی ترٹ پئی ہووے ہا اتے فطرت گل ہستی دی کیویں ازسرنو حنا بندی کیتی ہووے ہا.....
 مگر اے گالھ یقینی اے کہ اگر اے المیہ یا طربیہ۔۔۔! تھی گزرے ہاتہ نہ تہاں اے کتاب پڑھن
 دی زحمت وچوں لنگھئیے ہووے ہا اتے نہ میں خود نوشت دی اے آپنی صلیب چاتی ہووے ہا۔۔۔ لیکن جامعہ
 عباسیہ کوں اسلامیہ یونیورسٹی بننا ہا۔ سو بنی۔۔۔ ایندے وچ شعبہ سرائیکی کھلنا ہا۔۔۔ سو کھلیا کہ اے وقت
 دی ٹور دا اجتماعی تقاضا ہا۔۔۔ سو ہر صورت پورا تھیوٹا ہا البتہ پیت دے پندھ دی بجائے کوئی پیاسفر نامہ
 اتے 'چھولیاں' دی بجائے کوئی پیاناں پڑھایا تے پڑھیا وچ رہیا ہووے ہا۔۔۔ لیکن ایندے نال
 وہندے وگدے وقت دے پندھ دے دریا دیں چھولیں وچ کوئی فرق نہیں پوندا۔۔۔؟ باقی رہ گئی گالھ
 ۔۔۔ پانی وچ انت تھیوٹ دی۔۔۔ تہ سنیں کائنات دے والی۔۔۔ پانی کوں حیات۔ زندگی آکھئے۔ اَلْمَاءُ
 حَی "ول پانی نال انت تاں انت نہ تھیا۔۔۔ حیات جاودانی تھی۔۔۔!!

رانجھٹ جوگی آیم ویڑھے
 ہن وت سانوں کون نکھیرے
 تھیا فرید سہاگ سوایا
 رانجھٹ میڈا میں گھر آیا
 سرڈ نے مردے کھیرے بھیڑے
 پل پل پانہہ سراندپی ہے
 مولا جھوک نوں آن وسایا
 جیس کارن دل ماندی ہے

مومن جو دڑو

اوجھڑھے ویلے مومن دے ہٹے پہنچا تاں ڈو پھر ڈھلدے پئے من۔ اوں کوں مہ پار کرتے
 اوں لند منڈ چنڈ کنوں پہنچا ہا جیندے بارے اوں کوں پتہ لگے جو کوئی پکھی اوندے اُتے رات کوں آ
 بہندے اوند آ پٹا تجربہ ڈیئدا ہا جو یقیناً باز دے خاندان دا کوئی پکھی تھی سگھدے۔ باز پکڑن دا موسم
 گزر دا ویندا ہاتے ہن تائیں اوں کوں کوئی چھوٹا موٹا پکھی وی ہتھ نہ لگا جیندے نال لائنس فیس دے
 پیسے دی نکل آندے۔ ڈو ڈیئہ پہلے اوں کوں ہک آجڑی کنوں پتہ لگا جو مومن دے ہٹے کنوں جیڑھی
 وڈی ڈاہر پئی اے اتھاں ہک بھگا جنڈ کھڑتے اوندے اتیں ہک پکھی آ بہندے۔ اوں کوں شام ڈھلن
 توں پہلے اوں چنڈ تائیں پہنچا تاں جو اوں باز دے لاہن توں پہلے گاڑی اڈ گئے تے ہن مومن داٹھ
 ٹپ کے اوں جاہ تے چکن کیستے اوں ہٹے کوں سدھا پار کرکٹ دا خطرہ نہ گھداتے ہٹے دی کئی نال ٹرن
 پئے گیا۔ کیوں جو ترے میل لبے تے ہک میل چوڑے ہٹے کوں پار کرکٹ اتنا آسان نہ ہاتے نال ڈیئہ
 لاہن دا ڈروی ہا۔ او ایس پاسے پہلے کڈا ہن نہ آیا ہا پر اوں کوں بنی دے سچے بردا بہوں تجربہ ہا۔ ایس
 سال تاں اُکا بارش نہ تھی ایس واسطے رستے اچ اوں کوں بندہ کوئی نظر نہ آیا۔ رستے اچ ہک جاہ تے
 اوں کوں آجڑی ملے جنہیں کنوں اوں مومن دے ہٹے دا رستہ پچھیا۔ ہک ڈو دستیاں وی رستے اچ
 آیاں پر اتھاں کہیں آدم زاد دا پیرا کھرا نہ ملیا۔ اوں وی پوری شکاری زندگی اچ بنی تے اتنی گریہ تے
 خشک سالی پہلی دفعہ ڈھکی۔ بنی دیاں دستیاں ہمیشہ کنوں اینویں آندیاں پین جے وسو یا تھی گیا تاں وسوں
 تھی پئی لوک لڈتے بنی تے آگئے ناتاں اتھاں رہ گئے جتھاں انہیں مستقل روٹی پانی دے مسائل
 بٹائے ہون۔ اکیس اینویں کڈا ہن نہ تھیا ہا جو پوری دستی اچ کوئی بندہ نہ ہووے ہک ادھ بندہ تاں ہر
 دستی اچ رہندا پیا ہوندے۔ اچ تاں اوں کوں سارے سفر اچ اوہے ڈو آجڑی ملے اوکئی نال ٹردے
 ہونیں سچیندا ویندا ہووے جو ایس ہٹے دے بارے لوکیں اچ جیڑھے قصے مشہور ان اوہے کوں ڈکھ
 تے سچ لگن پئے گئے۔ آہن ایس ہٹے دے پٹھ ہک دستی آئی پئی اے۔ ہک رات وڈی زور دی
 اندھاری آئی تاں ٹہرتے دستی دے اُتوں آ پیا تے دستی ریت اچ پورتج گئی۔ کئی دفعہ لوکیں اتھاں

دول وجدے سنیے۔ کئی چند ہیڑو پے تے بھاہلدی ڈیکھ چکیں۔ اوں پیاں وی کئی باریاں جاہیں کوں ڈٹھا
 وی ہاتے انہیں بارے قصے وی سنیے پر اونکوں اولوکیں داواہم سمجھدا ہا کیوں جو اونکوں وی ایس علاقے اچ
 رلدیں ہوئیں ہک مدت تھی گئی اے۔ اپنی اتنی لمبی شکاری زندگی اچ اوں کئی ڈراکلیاں جاہیں تے
 کاپیاں راتیں گزاریاں ہوئیاں ہن اونکوں تاں کڈاہیں ڈکھالی نہ تھی ہئی۔ راتیں کوں کر۔ نہ، ہونیاں،
 لائے کئی قسم دیاں شکلاں بٹائی کھڑے ہوندن، کئی دفعہ ہلدے چلدے تے ٹردے نظر اندن جیڑو
 نیڑے دنجوتاں کوئی چال یا اک دا ہوتا کھڑا ہوندے۔ ایس توں علاوہ وی رات دے کئی فریب ان
 جنہاں نال راتیں کوں ٹرن آلیں داواہ پوندے۔ انہیں ساریں گالہیں دے باوجود اوں اتجھاں مہ
 پہلے کوئے نہ ڈٹھا۔ اے تاں لگدا ہا جیویں پچھا دھی پہاڑیں توں کوئی پہاڑی ترٹ تے میدان اچ اپنی
 ہووے۔ لمبائی چوڑائی توں علاوہ اوندی اچائی وی عام پے کنوں بہوں زیادہ ہئی۔ شاید انہدی ہیبت
 کوں ڈیکھ تے لوکیں ایندے بارے قصے مشہور کر ڈتن، اوں سوچیا۔ ویسے پے ٹرن دی گالھ تاں
 ٹھیک اے۔ ریت ہمیشہ آہستہ آہستہ اپنی جاہ چھڑیندی رہ ویندی اے تے پے کھسکدے رہ ویندن۔
 بھل اتنا وڈا ٹپہ ہکی رات ٹرتے کہیں وتی تے آپوے اے گالھ آسانی نال نہیں منی ونج سگدی۔
 بہر حال کوئی نہ کوئی گالھ تاں ہوسی جو اینکوں موئیں داٹپہ آہدن۔ اوں اپنے دل اچ سوچیا۔ ایسے گالہیں
 جیچند اجیڑو ہلے ڈواڈھائی میل داؤلا مارتے او پے دے ڈو جھے پاسو پچا تاں ہڈدی دیکر ہئی تے پچا دھی
 روہیں دے پچھا دیں میدان دو دگر دے پے ہن۔ پے دے ڈو جھے پاسو جے تاں نظر ویندی ہئی
 چٹیل میدان ہا جینکوں مقامی لوک ڈگرا آہدن تے ساری بنی ایہو جیئیں ڈگریں تے ٹہیں داناں ہے۔
 پے کنوں ترے چار فرلانگ دے فاصلے تے اونکوں اودرخت نظر آ گیا تے اوں پاسے ٹر پیا۔ درخت
 دے نیڑے ونج تے اوں ڈٹھا جو درخت کوں سیکے ہوئیں وی بہوں زمانہ گزر گیا ہا۔ منڈھ کنوں اندازہ
 تھیندا ہا جو کہیں زمانے وڈا درخت ہوسی۔ ہن بس منڈھ کھڑا ہا۔ منڈھ دے نال تازہ وٹھوں ڈیکھ کے او
 سمجھ گیا جو کیکھی دا حالی تاں ایہو ٹانواں ہے تے پکھی وی اونکوں قیمتی لگا۔ اوجلدی نال درخت تے
 چڑھ گیا جو ڈینہہ لاہن تو پہلے او گاری اڈتے این جاہ توں ہٹ ونج چاہندا ہا۔ درخت تے چڑھتے
 چارے پاسے دید بھنوائی اونکوں پے تے ہک بندہ اپنے پاسے لہندا نظر آیا۔ او اپنا کم مکاتے تلے اتھا تاں
 او ہو بندہ پیٹھ کھڑا ہوے۔ اونکوں جیرانی ضرور تھی پر اے گالھ ہوندے کیسے نویں نہ ہئی۔ نیڑے دی
 کہیں وتی داہوسی اوں سوچیا۔ اچاں ڈینہہ وی نہ لٹھا ہا۔ او اوں کنوں کچھن آلا ہا جو او پہلے الا پیا۔
 'اساں اتھا ہوں دے راہن آ لے ہیں'

’اچھا!... اوہی آ لے پاسے ٹر پیا۔ اوہندہ وی اوہندے پچھو پچھو ٹر پئے گیا۔

اتھاں راہن دی ہئی تاں کوئی صورت کائی۔ شکار دے موسم اچ اتھاں لوک ایں گالھ دی تاڑ رکھیندن۔ کوئی نہ کوئی شکاری آیا ای راہنڈے کیوں جو ایں علاقے اچ شکار بہوں زیادہ ہے۔

’اچ رات پئے دی وٹ نال گزارنی چاہیدی اے‘ رات کوں لڑی کنوں بچن کیئے ایہا گالھ اوکوں مناسب لگی۔ اوں پئے دی وٹ نال اپنا سامان رکھیاتے پئے دا جائزہ گھنن کیئے اوہی تے چڑھ گیا۔ اچاں اوڈو چار قدم چڑھیا ہوسی جو اوڈو ڈیس تائیں ریت وچ گھب گیا۔ ریت پہوں بھنبوی ہئی تے او جتنا زور لیندا ہاتا ریت اچ کھپدا اویندا ہا۔ ہن پچھی تے وٹن کیئے وی اوکوں ریت وچوں پیر کڈھن ضروری ہن۔ چنگیں بھلی مصیبت اچ پئے گیا۔ ’پتہ نہیں اے بندہ کیوں لٹھے؟‘ اوں دل وچ سوچیا۔ شاید اینکوں پتہ ہوسی جو کڈو لنگھن۔ ’بہہ کے پیریں کنوں ریت ہٹا‘ اوں بندے اوکوں مشورہ ڈتا۔ خیر او ریت تے بہہ تے کھپے ہوئے پیریں کنوں ریت ہٹاؤن لگا۔ ول بہوں مشکل نال اوں ریت ہٹائی تے زور لاتے ریت کنوں نکل آیا۔ اتنے تائیں سمجھ لہہ چکا ہا۔ اوں اپنا سفری بسترہ وچھا تے اوہندے اتیں کھاؤن پیوٹن دا سامان کڈھیا تے روٹی کھاؤن شروع کیتی نال آ لے بندے کوں صلاح ماری پراؤں آکھیا جو اوں روٹی نہیں کھاؤنی۔ اوں بندے نال زیادہ گالھ نہ کیتی۔ اوکوں پتہ ہا جو آنکھیں لوک شکاری نال ڈو چار روپے دی لالچ کیئے ٹر پوندن تے اوہندا اچھوٹا موٹا کم وی کر ڈیندے رہ ویندن۔

’اے وستی آلی گالھ کیوں اے؟‘ اوں وقت گزارنی واسطے نال آ لے بندے کنوں پچھیا۔

’اوں رات وستی اچ شادی ہئی‘ اوں بغیر کہیں ڈنگ ول دے قصہ شروع کر ڈتا۔ دولت خان پتی دار دی دھی دا مقدمہ خیر وڈے دے پتر نال پرنا ہا۔ بہوں مخلوق کانڈھی ہئی۔ وستی دے اُبھے پاسے آ لے میدان اچ ساری کانڈھ کٹھی ہئی۔ پھنڈراں کسدیاں پیاں ہن کانڈھ دی روٹی کیئے دیگاں وی اینہہ میدان اچ چڑھدیاں پیاں ہن جاہ جاہ تے بھاہ دے مچ بلدے پئے ہائن لوک ٹولیں اچ مچ پال تے بیٹھے ہن۔ کتھاں کتھاں جھمر دے پڑوی ہائن تے گاؤن شاؤن دیاں چوکیاں تے نو جوانیں دے تڑی تماشے دی لگے پئے ہن۔ ہک جاہ تے گسنی دا پڑوی لگا پیا ہا۔ میں اتھاں کھڑا ہم تے بکھو خان دا پتر رمضان میکوں لبھدا ہو یا آیا تے ہک پاسے گھن گیا جو تیڈے نال ہک ضروری کم اے۔ خیر میں اوہندے نال ٹر پیس۔ او میکوں ایں پئے نال گھن گیا اتھاں کچھ بے گھبرو وی کھڑے ہوون۔ اوں ویلھے ٹپہ وستی کنوں بہوں فاصلے تے ہا پیا۔ رات دا ایہو وی اھا ہوسی اچاں چندر نہی ابھریا تے اندھارے

سہ ماہی سرانیکی بہاولپور

وچ بندیں کوں سچاٹن دی کوشش کیتی تاں ہک بندہ سچاٹوں لگا۔ او پتی دار دولت خان دا بھتر بیجا ہا۔
 انہیں بندیں دے نال گھوڑے وی ہن۔ دولت خان دا بھتر بیجا تھولا جیہاں اگوں تے ٹرتے میڈے
 نیڑے آیتے آکھن لگا 'توں ساڈا ہک کم کر توں اپنی زال کوں شادی آ لے گھر بھیج کے کنوار کوں میڈا
 سنیہا بھجوا جو مزار خان پٹے دے پچھو میڈا انتظار کریندا کھڑے۔ بس اتنا سنیہا توں میڈا پچاڈے
 میکوں مزار خان دی نیت ٹھیک نہ لگی۔ اساں کمی لوک انہیں وڈے لوکیں دے نمک کھاڈے ہونن میں
 اے سنیہا کیوں پھیندا، بس اتھو ہاں کر کے میں واپس آ گیا تے دل اچ اے فیصلہ کینا جو بھانویں کجھ
 تھیوے میں اے سنیہا نہیں پچاؤنا۔

میں وستی دوول آیا۔ وستی اچ کاٹھ کوں روٹی وٹھیندی پئی ہئی۔ میں ٹڈاٹر دا ہک مچ دے
 نیڑے گیا تاں اتھاں بھنگ پیویندی پئی ہئی اتھاں سارے کمی کٹھے ہن میں وی پیالی لاوٹ کیتے بہہ گیا۔
 پیالی تے جیڑھے پاسے مٹھڑے آلیاں دی جھمر لگی پئی ہئی میں اوں پاسے ٹریا۔ ہن چندر چنگی طرح نکا
 آیا ہا تے میدان اچ چاندنی لہہ چکی ہئی۔ جھمروی وڈے زور دی لگی پئی ہئی تے نال مچ وی ہلدا پیا ہا۔
 میکوں تھولا تھولا پالا وی لگن پئے گیا تے میں مچ دے نیڑے بہہ تے جھمر ڈیکھن پئے گیا۔ اُبھی وستی
 دے پراہیں جھومریں کوں ایویں نچوایا جو ڈاڈھی چس آ گئی۔ میکوں بھنگ دا اثر وی تھیوٹ پئے گیا تے
 میں اتھاں بھاڈے نیڑے لیٹ بیگم۔ بھنگ ایڈی چڑھ گئی جو میکوں روٹی دا ہوش وی نہ رہیا۔ نندروچ
 میکوں اپنا ساہ تب تھیندا لگا۔ میڈی اکھ کھلی تاں وڈے زور دی اندھاری گھلی ہوئی ہئی تے میں ادھا
 ریت وچ پورتج چکا ہم۔ میں لکھ زور لاتے اتھن دی کوشش کیتی پر بھنگ میکوں بے وس کینا ہو یا ہا تے
 ول میکوں نندراوٹ پئے گئی 'سندے دے وے' اوں شکاری دو توجہ کیتی۔ شکاری آخری گالھیں نندرسچاک
 حالت اچ سنیاں سارے ڈینہہ دا تھکا ہو یا ہا۔

جیڑھے اوندی نندراکھڑی تاں کاٹھ ڈینہہ دا آیا ہو یا ہا۔ اوندے نال ای او ہے ڈو چھو ہر بھینڈاں
 چریندے اوندے نال کھڑے ہانن جہاں کوں اوں کل اجڑ چریندا ڈٹھا ہا۔ رات آ لے آدمی دا کوئی
 ناں نشان کائے نہ ہا آجڑی چھو ہریں کوں ڈیکھ تے انہیں کنوں پچھیا جو اے وستی پورتج وٹج ڈے قصے
 دا تھا کوں پتہ اے؟

پہوں پرانی گالھ اے۔ ساکوں تاں کوڑ لگدی اے۔ اے آہدے ہوئے ادا اپنے اجڑ آ لے پاسے ٹر پئے۔



ابنارمل

بل وٹہ چوکی نال نال باڈ ر دیاں پیاں چوکیاں اچ مرکزی حیثیت رکھیندی اے۔ بجنوٹ توں
رینال، رکن پور تیں روہی دا ایہہ حصہ اُچے اُچے بلیاں نال لیٹے ڈہراں اگوں ہرناں دی محدود
چراگاہ آن پگی اے۔

جیویں روہی توں بارش رُسدی ویندی اے اونویں اونویں اے نمائے وی گھٹدے۔ ویندن،
راتیں ڈہراں وچ لاہندیاں انہاں دیاں چوڑیاں اونویں نہیں رہ گیاں۔ ترہہ چاہی ورہے پہلوں
گالھہ اینویں ناہی۔ جیویں لوک ڈسیندے، کل تیں چک در چک دسوں دے نیڑے نیڑے ایہہ کھنکاں
چرن آن نکلدے ہن۔

’اوں تار دے پاروں تاں اچاں محفوظ اے‘
’اوہ کھاندے جو نہیں‘

’ہرن شودا نکھڑا پئے‘

گالھیں گالھیں وچ فیضی میاں آ پئے وائلڈ لائف لینڈ کروزر کوں بل وٹہ چوکی دے گیٹ اگوں آن
مرو کیا جیندے وچ اجنبی توں علاوہ اوہ پنچ ہن۔

’آؤ ذرا روہی داخلے داسیج کفرم کرائی چلوں‘

میاں جی گڈی دادروازہ کھلیندی آ کھیا:

’میڈا خیال اے، کرنل صاحب وائرلیس کرواڈتی ہوسی پرڈیزرٹ رینجرز دا انچارج ڈی ایس پی
رانا کمال انتہائی ابنارمل بندہ اے، آپنی بے ربط گفتگو اچ اُبھے دالماتے لے دا اُبھالائی رہندے۔
تساں سارے اوکوں مل تے خوش تھیسو‘

"He is really a Euphoric" ہک تاں ہرن بہوں گھٹ گئے۔ ڈوجھا ایس خطی شکار دی چس پھٹاڈتی
اے۔ پیا تاں پیا وائلڈ لائف داحکمہ وی بیگ صاحب ایس کنوں ڈردے۔ پچھلے ڈینہاں خود ایندے
افسراں کوں بدھ پلہاؤس اُتاں تیں فون کھڑکن تاں کتھائیں وچ جند چھٹی اے، ایہہ گالھیں

کریندے اوہ چوکی دے کچے کمریاں دوڑ پئے۔ فیضی میاں بلاشبہ بہوں چنگی ڈرائیو کریندن تے بہوں ساریاں ڈیزرٹ ریلیاں دے ونروں ہن۔ وڈے وڈے موٹے ٹائراں نال ایس کروڑرتے انہاں اچ ڈنہیں ڈراور توں بجنوٹ تائیں ڈرائیونگ دالمبازہ گھداہی۔ ہک سوٹاواہ دیہہ دی سپیڈ نال جیویں آکھو کیمپر لیہاں تے تردا ویندا ہو دے۔ چٹے چٹے بدلاں نال دور دور تئیں روہی جیویں ایس کروڑرتے چودھار پڑا پدھی آندی ہئی..... بے انتہا!

ویکم سر..... لال بگری دے ایس قالین دے آخر اچ، جیہڑا چٹے چوٹے نال لیکیا ہو یا با، ڈی ایس پی کمال انہاں داسواگت کیتا۔

ہندیس سیت ای ڈی ایس پی کمال جیویں اوں عینک آلے مرجیوڑے کوں تک گھدا جیندا ناں انہاں ساریاں اچوں کوئی وی نہی چاٹدا۔ پراوہ انہاں دے نال نال اینویں رہندا یا جیویں انہاں دا ہنراد ہو دے۔ دل آپ ای کھل کے آکھن لگیا، 'تسی مینوں اجنبی لگدے او' بغیر کہیں تعارف دے تھوڑی دیر بعد ولا الانا۔

'بولدے وی گھٹ او'

'نہیں صاحب ایہہ مردہ کفن پاڑ کے الیندے'

بیگ صاحب مذاق کیتا تاں پورا کمرہ جیویں کھل نال بھرتج گیا۔ اوہ سارے بہوں ڈنہاں بعد ہک ڈوجھے دا ڈردور کرن کیتے کھلے ہائن۔ اُچی اُچی ایس بے مہابا کھل پچھوں شاید اوں کوئی بد نظمی محسوس کیتی یا کلہا رہندیں رہندیں اتنی کھل دا عادی نہی رہیا۔ یک لخت ڈی ایس پی رانا کمال دی آواز اینویں اُبھری جیویں گھٹی وچدی اے:

'سن تری..... ری..... ری'

اینڈے نال ای اوہ سارے دے سارے یک دم چپ تھی گئے جیویں شکر اپھر گیا ہو دے۔

'لیس سر'

ہک سپاہی اندروڑ کے سلیوٹ ماریا

'چائے لاؤ' مختصر اردو وچ اوہ تھوڑا نہما تھی الایا۔ اوکوں آپ ای آپنے وچوں کیتھائیں ایہہ احساس تھی گیا ہا جو شاید اوں کوئی بد تمیزی کیتی اے۔

'نہیں نہیں، تسی ہسدے رہو..... ہسدے رہو' اتھاں ناں نہیں ہوندا بس حکم ہندے، ڈسپلن ہوندے 'میں پہلے او دھر تھروچ ساں، اُتھوں دے لوک وی بڑے نمائے ہن، بالکل انہاں چولستانیاں

طرحاں

رائہ کمال رلی ملی سرائیکی پنجابی وچ بنا کہیں ڈچک دے آپٹی گالھ جاری رکھی، تھوڑی دیر چپ تھیا تاں فیضی میاں وچوں پچھ گھدا

’کمال صاحب، وائرلیس مل گئی سی کرنل صاحب دی؟‘

’آہو..... اوں رجسٹر پھلیندیں بے دلی نال ولدا ڈتا جیویں اوکوں ایہہ مداخلت بُری لگی ہووے دت

آپنے مونہہ سرائی لاوٹ پے گیا، ایہہ روہی وی تہا ڈی اے‘

’ایہہ ہرن وی تہا ڈے اولاد نیں میاں جی‘، کرنل صاحب بھلے کیہ آکھیا ہوسی..... بڈھا کھوسٹ ریٹائر

ای نہیں ہوندا‘ ایہ گالھ اوں اتنے اعتماد نال کیتی جیویں کرنل صاحب اوند اقریبی دوست رہیا ہووے۔

’پچھلے دورے تے آئے سن میں اونہاں نوں آپنے ہتھ نال آلو دے چس کھوائے پر خوش نہیں سن

ہوئے۔‘

’چس کھا کے مٹی کہیں خوش تھیوٹا ہا۔‘

بیگ صاحب ہو لے جیہیں زبان چولی، پرواہ بے خطر الیند ارہیا، وانڈ لائف دی لائف دشمن دعوت

اے تیکر انہاں نوں نہیں سی بھلی۔ میاں جی ٹسی وی تاں اتھے سی..... بار بار کرنل صاحب اوس دعوت دا

ذکر کردے رہے سو طرحاں دے پکوان، ہرن، نیل گاں، تلور، تتر، بھٹڑ سمجھو ساری روہی ذبح ہوئی پئی

سی۔‘

’ایہہ شاعری دی گل نہیں متاں سمجھو، شادی سی اتھے بجنوٹ‘ تے نال ای اوہ کھل پیا۔

’تسی وی تاں شادی تے آئے او..... ہے نامیاں جی؟‘

’میاں جی توں علاوہ ٹسی ساریاں نال میری پہلی ملاقات اے پر ایس ڈبل کراس نوں میں چنگی

طرحاں جانداں‘ اشارے نال، اندھاری چنڈ وچ اوہ ڈرو خان آلے پاسے مخاطب تھیا جیہڑا کافی دیر

توں لگن دی کوشش اچ بتلا پیٹھا ہا۔ اُتے جیکوں میاں صاحب ڈراور توں بجنوٹ آندیں کھیر سردے

ٹو بھے توں کروزر وچ نال پلہا گھدا ہاتے ایہہ روہی دا چپہ چپہ جاندا ہا۔ ناں داتاں پتہ نہیں پر سارے

ایکوں سارا رستہ ’ڈرو خان‘ آہدے رہے۔ جھٹ جب کے ڈی ایس پی ولا اُہریا، ’ادھے ہرن روہی

دے ایس مردود مار مکائے نیں۔‘ اجنبی سمیت ساریاں اوکوں ہک دفعہ ولا غور نال ڈٹھا۔ جتنی دیر

میاں صاحب کھیر سر آ لے ٹو بھے تے رُکے رہے اوہ مسلسل روہیلیاں نال الیند ارہیا ہا..... ’ٹائر تاں

ڈیکھو ایندے!‘ آپٹیاں ٹولھیاں پانہیں کھول کے جیویں اوں اوں ٹائراں کوں تھپہ مار کے ہوں

بندہ ماہی سرائیکی بہاولپور

ہوں، کیستی۔ پورا جہاز اے، نہیں نہیں اسمان توں لتھا چٹا تھ اے کوئی..... بس ایہہ بادشاہواں کول ہوندن۔ جیون شالا ساڈے بادشاہ! تاں فیضی میاں اوکوں اُنکَل دے اشارے نال چُپ کر اڈتا ہا۔
 'ایہنوں روہی دا پتہ نہیں سی لگنا چاہیدا، فیضی میاں گالھ بدلن کیستے اجنبی نال ہمکلام تھئے۔
 'کمال صاحب چنگے شاعر وی نیں تُساں وی سنیے شاعری کریندے او؟' اپن دے نال ای اوہ شاعری آ لے پاسے رڑھ پیا، پتہ نہیں کتھوں کتھوں ٹوٹیاں پُڑیاں اچوں اوں آپنی ہک نظم کڈھ سٹائی۔
 ایہہ پتہ نہیں مینوں اک ماہیا اے جاں نظم اے نکلے ہک ولوں۔ ٹسی سمجھدے او ناں ہک کیہ ہوندے؟'

جی با..... جی ہا..... ہک سارے کاف کھڑا کر کے یک زبان تھی لانے، جیویں جان پئے چھڑواوٹن چاہندے ہوں۔ 'اوس مینوں اک پتر لکھیا ہے، میرے بچے بھی مینوں لکھدے رہندے نیں، ول سو جاہیں تے تھ مار کے آپنے کھیسے وچوں اوں گھسے گھسے شیشیاں والی ہک عینک، جیندے فریم دا عمومی رنگ کالا ہوندے پر ایہہ براؤن ہانک تے چڑھائی آتے رُک رُک کے پڑھن لگ پیا۔
 'باپو'

اسی نکھرن لگے آں
 سانوں ساڈا متھا چم کے
 ودیا کر'

اگے پتہ نہیں کجھ ہو روی سی

لے نہماں ڈونگھیاں لائناں پچھوں نظم دا اصل تاثر ایہو ہا باقی دے وزن اوزان توں بے نیاز اوں بیاں وی کجھ نظماں سٹائیاں تے نال ای عینک دے شیشے اُتوں ڈیکھ کے آکھیس، 'کرنل صاحب وی سنی سی' ہس کے آہدے سٹ بڈھیا..... توں اے ریٹائر کیوں نہیں ہوندا؟ میں وی ہس کے جواب دتا، "I am here to save my dear deers" اوں اپنے انگریزی دے ایس مکمل جملے وچ 'ڈیر' دے استعمال تے دا دطالب نظراں نال اجنبی دوڈٹھاوت آپنی کمزور کھاڈی آپنی سکی چھاتی نال لا کے ڈاڑھی تے ہتھ پھیر کے آکھیس، "I know English"

'ایہناں پکھیاں پرندیاں نوں، ہرناں نوں ودھنا چاہیدا اے ساڈے توں دور جا رہے نیں جتھوں ول کسے پچھاں نہیں پرتا، اوہ مسلسل آپنی بظاہر بے ربطی وچ جیہڑی وچوں وچوں کتھائیں انتہائی گہرے ربط اچ ہئی وت ہرناں آ لے پاسے ٹھل پیا۔ اجنبی اوندے کمرے وچ لگے فوٹو بڈھا رہیا۔

ہک فریم وچ کیا ہڈے جو ہک پاڑا اے ہیکوں مولے تازے کتے ای کتے بھنھوڑی پنن تاں پہلی
دفعہ بلا کہیں بھجک دے اوہ رانا کمال نال مخاطب تھیا، 'تساں فوج ایج کیوں آ گئے او؟'

"Good question"

'جوانی ایج میرا تا، وی بالکل تیرے وانگوں سی! اوں خوش تھی کے اجنبی کوں آ پٹیاں اکھیں وچ بھر کے
ڈنھا۔ مولے مولے چٹیاں آ نیاں نال سرے بھریاں اکھیں، جیویں کوئی ہرنی بھل کے اوندے ماہ
تے پھوڑ گئی ہو دے۔'

'میں کنڈیاں نال پیار کرداں' اجنبی دے سدھے سوال اگوں بظاہر ایس بے ٹکے جواب تے سارے
کھل پے

'مینوں لگدے جیویں اتھے میں ہرناں نوں بچاؤن آیا ہواں'

'میں اک فوجی آں پر میرا کوئی دشمن نہیں'

'سوائے اوس دے جیہڑا ہرناں نوں ماردا اے'

'کیوں میاں جی؟'

'واقعی..... واقعی نو ڈاؤٹ!'

ہن سارے رکو اہیں ایس بورما حول دے باہروں آؤن پئے چاہندے ہن پر اوہ چپ نہ تھیا الیندار ہیا
..... الیندار ہیا.....

'میرا میٹرک دا استاد کہند اسی کمالیا توں تقریر اچھی کر لیندیں۔'

'میں کوئی ملاں تاں نہیں'

ہک واری وت اوں اجنبی کوں ڈیکھ کے دہرایا

'تسی مینوں ہو ر لگدے او'

اجنبی اوندے نال الاؤن ڈاؤر کیتا پر بیگ اوکوں ارک مار کے روکیا جواتھاں چپ ای بھلی اے تے
نال ای ہو لے جیہاں گر کیا، بھینٹ پاڑا..... ایندی تاں شکل وی تیڈے نال حیران گن حد تاں ملدی
ہے..... صرف ڈاڑھی دا فرق لگدے۔'

'اچھا سائیں اجازت گھنوں۔' میاں جی اٹھے تاں نال ای سارے اٹھی پئے۔

'مینوں پتا اے..... تسی بجنوٹ شادی تے آئے او'

'اتھے گاؤن والے وی ہوسن۔ مینوں گاؤن بہت چنگا لگدے'

سہ ماہی سرانیکی بہاولپور

’شراب اک دفعہ میں وی پیتی سی‘

’بیویں وچوں اوکوں ایہہ یقین ہووے جو ایہہ سارے وی پیندے ہوسن۔
’ہاپو۔ آپ کدھدا سی‘

’بے بے نوں ماردا سی مینوں یاد ہے پر ناس نہیں سی کھاندا۔ میں وی نہیں کھاندا حالانکہ پردادے توں
اسی مسلمان آں۔ میرے باپ داناں کبیری۔‘

’بھگت کبیر نہیں!! اوہ کھل پیا جیویں بھگتی بارے وی اوکوں ڈھبگ ساری سُدھ پدھ ہووے۔ ایں
دوران کھڑیں کھڑیں وی اوں ڈھیر سارا لاگھدا سوائے اجنبی دے باقی تقریباً‘ سارے نڈھال بن
جوڈاڈھا میسج کنفرم کراوٹ آئے ہا سے وت اوہ ٹردیں ٹردیں آکھن لکیا،‘ روہی دی چپ مینوں بڑی
چنگی لگدی اے!‘

’صبح میرے کول چاء پی کے جاٹاں۔‘

’اچھا فیر۔ آؤ میاں جی۔‘

’مینوں پک اے‘

’اسلحہ تاں ایس سوہنے لینڈ کروزر وچ ہونا اے؟‘ جیویں کروزر دے گرد چکر لیندیں ایہہ آخری گالھ
اوں کہیں بے اعتباری وچ آکھی ہووے،‘ کناسٹروک اے؟‘

"4000 cc"

’فیضی میاں تقریباً خاموش ولداڈتا اوہ آپٹے ڈند لگیندیں کھلیا جیویں سبھ چاٹدا ہووے تے نال ای
آپٹے ٹسکو بے اجنبی دے مونڈھے تے ہتھ رکھ کے آکھئیں،‘ توں رانا ایس؟‘

’جواب دے انتظار دے بغیر وٹیا سٹیا ایہہ اشلوک، خاص اجنبی کیستے ہا،

’رانا جی ہم تو گووند کے گن گاسوں‘

’میراوی اتھوں دی سی۔‘

’ایہہ گالھ اوں اتنے یقین نال کہتی جیویں میرا بانی خاص بجنوٹ دی رہوٹ آلی ہووے۔

’اس جگہ دے ہرن میری امان وچ نیں یا میں انہاں دی امان وچ آں۔ مینوں نہیں پتہ پر ایہہ روہی
میاں جی شہاڈی اے، ایہہ ہرن وی تہاڈی اولاد نیں۔‘

’ایہہ گل فیر آکھ دتی اے چلو کوئی گل نہیں۔ اوں انتہائی کلبی کلبی مونجھ نال ہتھ ہلایا اتے سارے چوکی
دے باہروں نکلدیں ای کھل کنوں بڈ گئے۔

‘تو ہاں..... تو ہاں!’

کیا شے ہے..... ایہہ ڈی ایس پی کمال! روہی دی شام برباد کر ڈتی اس، اللہ گالس۔
چوکی توں اٹھ ڈہ میل دور کروزر دیاں ہیڈ لائٹاں آن تھیاں تاں ’ڈبل کراس‘ اکھ جھمکن دی دیراچ
باندرواگوں کیمپر دی چھت تے ہا، وڈے روشنی دے دائرے نال جیندا کنٹرول ہن ’ڈبل کراس‘
دے ہتھ ہئی۔ کروزر اگاں روانہ تھئی تاں ریپیٹر لوڈ کریندے ہوئیں ’عدومیاں‘ جیہڑے ولایتی جین دی
تنگ پتلون پاء موٹے انگریزی ہیٹ دے نال سفر دے دوران چپ چاپ میاں صاحب دے نال
اگلی سیٹ تے بیٹھے ریہے ہن، پتلون دی بیلٹ نال لڑکی سٹیل دی چھوٹی کہاڑی..... جیندے دستے
تے Made in USA لکھیا ہویا ہا انہاں دے خاص شکاری ذوق دی نشاندہی پئی کریندی ہئی۔ فیضی
میاں توں پچھن لگے ’کتنے مارن؟‘
’بس یک ادھ‘

’سفر دے دوران اُچا اُچاراک، سنن توں علاوہ ایہہ انہاں دی کل گفتگو ہئی۔
’اوہ وی نر! میاں صاحب سمیت سارے جیویں ایہہ گالھ اجنبی کون پئے سنویندے ہوون، ’تساں تاں
آکھیا ہا شادی تے پئے ویندے ہئیں؟‘ اجنبی تھوڑا تنکھا الاٹا تاں میاں جی اوکوں ترسلی ڈتی: ‘Yes my
dear آئے تاں شادی تے ودے ہئیں پر Hunting دی آپنی ہک تھرل اے جانی..... مادی بالکل
نئے مریندے۔‘ بھاویں اجنبی مطمئن نہ تھیا وت وی ساہ جھٹ کے وسمیا وسمیا پیٹھیا رہیا تے آپنے دل
وچ مسلسل ایہو آہدار ہیا، اللہ کریسی نظر نہ آسن..... اللہ کریسی نظر نہ آسن!
لائٹ دے فلڈ توں گھبرا کے اجنبی تھک نگلیندیں ولا ترسلا کیتا، ’مادی کون نہ مرا ہے یا‘ ایہہ گالھ
تقریباً اوں روندیں آکھی۔

’روندا بیٹھیں!‘ شیر میاں اوندی حالت ڈکھ کے پچھیا، ’کتھائیں ایہہ ڈی ایس پی رانا کمال ٹیڈ اسکا
تاں نہیں..... ہیں ووئے؟‘

’بزرگاں وچوں ہے سہی کوئی رشتہ‘ اجنبی سادگی نال جواب ڈتا۔
’ہکو جنم جو تھیا اوپرے ہووٹ دا‘

’حالیں ایہہ گالھ اوندے مونہوں نہی نکھتی جو ہک وڈے ٹپے توں تردا ہویا لینڈ کروزر پیٹھ ڈھروچ اتھا۔
اوندہا نہہ درمیک تھیا۔‘

’اللہ معاف کرے‘ اوندے مونہوں نکھتا۔

سہ ماہی سرانیک کی بہاولپور

پُپ پُپ پُپ اوائے الساریاں جیویں شوکدے ہونئیں اوندے مونہہ تے ہتھ چاڈتا۔ مادی
تاں بھج پئی نرا تھائیں گردن چا کے کھڑیں کھڑیں تکیا جواتی روشنی کتھوں آگئی اے آپ اللہ سائیں
نوری نور مادی دوروں اوکوں تھوڑاڑک کے سڈیا۔ حالیں اوں بھچن دا اڑکیتا ہی باجوفا تھیا، فٹک
زمین تے پھر کٹ پئے گیا۔

مبارکاں مبارکاں مبارکاں

سارے زور دیاں چھوکاں کرن پئے گئے۔ ایہہ خوشی بھی یا غمی اوکوں نہیں پتہ جو اوندیاں لتاں
وی اوندے دل وانگوں کنیدیاں پین۔ کوئی پکھی اوندے سردے اتوں 'چاکیتم'، 'چاکیتم' کریندیں
ہوئیں انگھے ہرٹ وانگوں اوندے سنگھ وچوں کوئی آہ نکھتی اے جیہڑی روہی اتوں تردی، تھر اتوں
پکراندی، سمندر تائیں اوندے اندری اندر ویندی لاہندی اے۔ ڈو جھے لمحے ای اوہ ڈی ایس پی
کمال وانگوں آپے قبیلے دے باہروں ہا۔

جتنی خوشی اتے تھرل نال اوں ڈبل کر اس یکپ دی چھت توں لہہ کے ہرٹ کٹھا اوندے راہیں
جیرانی دابا عث ہا۔ کوئی ڈرو بندہ وی اینویں تھی سگھدے؟

ایں سارے منظر پچھوں اوکوں ایوں لگیا جیویں پھر کدے ہوئے ہرٹ دیاں ڈواٹھیں، کمال
دیاں اکھیں وچوں تھیندیاں اوندے متھے نال کتھائیں چمڑ گیاں ہوون۔ انہاں اگلی ڈار وچوں وی
ہک ہرٹ ماریا۔ پہلے تاں 'وسو آ لے ڈہراچ عدومیاں انہاں ہرٹاں کوں بھجوا بھجوا کے مزے گھدے
اتے انت آخر آ لائروٹ ماریا گیا۔ 'ایندے حالی سنگ وی نویں نویں پئے نکلدن!' شیرمیاں تھوڑے
پشیمان تھئے۔

'مادی تاں ناہیں مادی تاں ناہیں؟' ہتھ وچ وڈے پھل آلی چھری نال ڈرو خان
جیویں اجنبی کوں چڑاون کیتے اچا اچا زور وار کریندیں بھجیا۔ 'اللہ اکبر اللہ اکبر اجنبی کوں اینویں
چاپیا جیویں ابھر دے پورے چندر پچھوں اوہا کوئی اڈیل پئی ابھر دی اے۔ اونویں دی اونویں
اندھارے جنگلاں وچوں، ترے ہزار چار ہزار سال پرانے سر بلند ٹپیاں پروں آوازاں
پنیاں آندیں۔

ڈماڑا کا، ڈماڑا کا، ڈماڑا، ڈماڑا کا

اسمان تینں کوئی مچ ہے، جیندے چوگرد اوندے وڈے گھوڑے پئے بھیندن، نیزے بھالے، ہوکراں
چھوکاں نچدے ٹپدے انہاں جانگلیاں نال جنگ دا دول اوندے پیراں وچوں، دل وچوں تھیندا

سانگاں دیاب آیاں تے کھڑا نچدے، انہاں ساریاں وچوں کتھائیں اوہ پہلا انکاری تاں نہیں،
جیکوں اوہ اقبیلہ جنگ تے شکار تے ویندیں کمزور اُتے بیمار سمجھ کے تریمتیں نال چچھاں وستی چھوڑ گئے
’نامرد مویا‘

’نہیں..... نہیں! اوہ بک بہادر مرد اے۔ آپ جیہاں بندہ مار سگدے ہرٹ مار سگدے!‘

'ڈماڑا کا، ڈماڑا کا، ڈماڑا، ڈماڑا کا، ڈماڑا کا..... ڈماڑا، ڈماڑا، ڈماڑا کا'

اوندے اندروں کوئی غبار جیہاں اُتاں آندا اٹھدے اونداسر بھوندا پئے..... بھوندا پئے..... ہانہہ پھردا پئے، پھردا پئے وت اوہ سارے پُرکھ اوندے گھوڑیاں نال ہوا تھی گئے ہودن، اوہ گم سم پیٹھیا رہیا.....
 ڈرو خان ڈوہیں ہرن کوہ کے کردزارچ اوندے پچھوں آن لڈن..... اجنبی انہاں دے کھراں کوں
 ہتھ لالا کے ڈہدے جیہڑے اچاں تئیں تتے ہن..... ڈی ایس پی کمال دیاں بربط جاحیں اتی تردا
 ہو یا، 'باپو ایس نکھرن لگے آں سانوں ساڈے متھے چُم کے ودیا کر!'

اوہ سچیندا رہیا..... سچیندا رہیا..... وت باوجود لکھ سریر دے اوں ایں قیمتی لینڈ کروزر دے وچ ای چھنڈ کر ڈتی اوکوں حالیں وی ایہہ سدھ نہی پئی پوندی جواہرہ Killing انازل اے یا اوندی اسی !!!



اُج سہج کنوں اکھ پھر کے وو
 روہی گل پھل نال سنگاری
 باد شمالی لڑ کے وو
 رُت آئی کر تُرت اُپاہل
 بارش پُر کے پُر کے وو
 آپے منڑی راحت رُٹھڑی
 وحشت ڈوں دل سُر کے وو
 کجلے بادل لَسڑیاں کالیاں
 ہک ویرن پئی گُر کے وو
 سوہنے سانول پیتاں پالیم
 جی مُسکے دل مُر کے وو

کریار اسماں ول آنون دی
گزری ڈکھ ڈوہاگ دی واری
مُد مستانی ڈینہہ ملہاری
کیتی بھاگ سہاگ اُتاول
کن مرن کنیاں رم جہم بادل
سدھڑی تھئی دل قسمت پُٹھڑی
سوٹنی موسم روہی وٹھڑی
ٹھڈڑیاں ہیلیاں پورب والیاں
سینگیاں سرتیاں نوں خوشالیاں
آپے یار فرید سنبھالیم
خٹیں سنجری ختی ٹالیم

سہ ماہی سرائیکی بہاولپور

منگل دے ڈیہ نہہ ناغہ ہوسی

نفس احمد فوٹو گرافر ہا..... عام تام فوٹو گرافر..... تحصیل دروازہ لنگھ کراہیں، تے والی مسیت دے نال جھک بازار دی نکرتے ہک کئی جی دوکان داساد مراد فوٹو گرافر..... پوری دوکان اچ پاہوں کیتے ڈوں سٹول ہن ہک تے خود پاہندا تے بے تے اوجیندا فوٹو چھکیندا..... ڈوں ترے فریماں اچ نمونے دیاں تصویراں..... ہک پرانے ماڈل داکیرہ تے پردے دے پچھوں بنائے گئے سٹودیو اچ ڈوں لایٹاں..... نفس احمد دی کل دوکان۔

دوکان اُتے دوکان دے سائز دا ہک چوہارہ، جیندیاں پوڑیاں پاہرتھی تے لنگھدیاں ہن، نفس احمد دی دوکان دا جائگہ..... ایندے اچ ہک کھڑا ہک چھوٹی جی پھٹیاں دی میز تے ڈوکرسیاں آمون سامیں لاتھیاں ہن۔ کمرے دی نکر اچ لوہے دا ٹرنگ جیندے اتے ہک ترماؤ گلاس تے کٹورا..... ڈوں پرچ پیالیاں تام چینی والیاں..... ہک چھپی اچ تاؤنگ تے ہک شیشے دا پرانا پھلدار گلاس۔
ڈو جھی نکر اچ..... ہک لکڑی دی دیوار گیر..... جیندے اُتے ڈوں ادھورائے شلوار قمیض سوٹ ٹنگے ہوئے۔

نفس احمد فجر دی نماز پڑھ تے حاجی گاموں دے چادے کھوکھے تے ونج پاہندا..... ہک چا دی پیالی تے سکا پاپا..... اوندا ناشتہ تے ول دوکان کھول تے بہہ راہوے ہا۔ دوکانداری کوئی ایڈری خاص ناں ہی۔ پرٹاواں ٹاواں گا ہک اوندا کم چلائی راہندے..... فحرتوں ڈوپہار، تے ڈوپہارتوں شام تھی ویندی..... ناں اوکجھ کھانداتے ناں کہیں نال لیندا..... مغرب ویلے دوکان بند کرتے نورو تنور آلے کول ہاں جھل کرے ہاتے ولدا حاجی گاموں کنوں چادی پیالی پیندا پوڑیاں چڑھ وے ہا..... تے ول آندی فجر اوہاروٹین..... ناں کہیں نال دوستی ناں دشمنی چوہارے کوں تاکیاں ڈھگ ہن، پر کھل دی کہیں ناں ڈٹھی ساونڈ دی برسات ہووے یا بدرادی اُکرس..... لگدا جوان ساہ ای نہیں گھندا ہنسیجٹاں کتھ رہ گیا۔

ہا..... ہفتے اچ ہک ڈیہ نہہ او..... تلے لہندا ای ناں ہا، منگل دے ڈیہ نہہ..... دوکان دے دروازے تے

چنے روغن نال لکھیا ہویا ہا..... منگل دے ڈینہہ ناغہ ہوسی۔ اچ تاکیں ناں کہیں پچھیا تے ناں اوں ڈسیا
 کہ چھنی منگل دی کیوں جمعہ یا اتوار دی کیوں نیں..... پرکون پچھے تے کیندے کنوں پچھے..... اوں تاں
 ناں الیند اتے ناں ولد اڈیندا..... بس ہا ہوں کر چھوڑے ہا..... آخر بازار اچ بیٹھا ہا..... جتنے منہ امتیاں
 گاہیں.....

کوئی آکھے اللہ لوک ہے..... جوانی اچ دنیا چھوڑ کر اہیں عشق حقیقی دی منزل دا پاندھی تھی گئے پر ربو
 گرد اور آہدا..... جوان کو ضرور کیمیا دی ٹھڑک ہے..... چنے اچ تاں لگدے کامیاب تھی گئے پر پیلے کوں
 حالی دیر ہے

ملاں ہک تک کوں پورا یقین ہا کہ ایہہ بد بخت کافر کر توت ضرور کالے علمیں دا محبتی ہے بازار اچ ایندی
 دوکان تے رہائش..... ڈوبائیں باعث فساد تے نحوست ہن۔ پر لوک ایں گالھوں ملا ہک تک دی گالھ
 تے یقین ناں کریندے کہ نفیس احمد بیچ اچوں چار نمازاں دی پڑھدا ہا تے کالے علم دے شوقیناں
 طرحاں میل دا مندھیا ہویا وی ناں ہا.....

ٹینک دھرتی ساڑ..... آکھن کوں تاں سبزی فروش ہاتے ریڑھی تے ہوکا ڈے کر اہیں گلی گلی سبزی وچیندا
 ہا..... پر ہا غضب دا کا پٹ تے بھج دے دامیل..... آنکھی شوشنی چھوڑے ہا کہ بھارے لمبے فائر برگیڈ
 ای ناں وسما گئے..... ایندا آکھن ایہہ ہا کہ میسے نوٹو گرافر..... کوں اینویں ناں سمجھو..... جوان جہان
 ہے..... ایڈے اڈے ضرور دالیندا ہوسی..... دل راز داری نال ڈند جھپڑ تے ہو لے جیا آکھے ہا
 'ایندی دوکان اچ ضرور گجھی پوڑی ہے..... جیندے نال بندہ اتے تلے تلکائی راہندے۔'

پر ایں ساری ٹوہ تے چوس دے باوجود تاکیاں دے دیکھیاں اچوں ناں کہیں کوں کیمیا دی تھالی کٹھالی
 نظر آئی..... تے ناں نفیس احمد توں علاوہ کہیں ڈوجھے وجود دا ناواں کچھاواں۔

ہک ڈینہہ اوکھ تھی گیا، جیڑھاناں تھیوٹا چاہیدا تھیا ایں کہ منگل دے ڈینہہ سویرے سویرے ملاں ہک
 تک آپنے ٹرینی ملا کوں نفیس احمد دوپٹھیا کہ جج دے پاسپورٹ واسطے مولوی صاحب دا فوٹو چھکنے۔ بھلا
 منگل دے ڈینہہ نفیس احمد دوکان کتھوں کھونے، اوں تاں چوپارے دا درکھولن توں وی انکار کر ڈتاتے
 اندروں کھڑے کھڑے نکلے ملا کوں ٹور چھوڑ لیس..... نکا ملا ای گھٹ کاٹنا ہا..... اوں وی چنگا چوکھا مریج
 مصالحہ لا کر اہیں..... جتنا بکھا سگدا ہا، اتنا ای وڈ ملا کوں ونج بکھایا۔

ملا ہک تک ناں ہک بٹھاناں بیا..... ڈاہ بار ہاں طالب بچے کھپے لا..... نفیس احمد دی دوکان دے ابگوں
 ونج کھڑیا..... مولی صاحب دا جلال ڈیکھ کے آندے دیندے وی چودھاروں مہور چہ لاتے کھڑ گئے
 سہ ماہی سرائیکی بہاولپور

نور و نور کوں چھنڈا ماریا، پلدا یاں چو یاں ہاہروں کندھیاں تے پرانے دے نال سیک کچ کراہیں
 کوکڑواتے آن کھڑیا..... ٹینک دھرتی ساڑ کوں تاں اللہ موقع ڈیوے، نفیس احمد انویں کا سنا بھاندا
 با..... معاملے دی سٹ گٹن ملی تاں سبزی وی ریڑھی کوں ہک نکرے لا، پانی دا تر کا کرتے..... ادھ پسی
 آخری پوری نال کچ..... کیا تھئے کیا تھئے کریندا..... ملا ہک نک دے نال ونج کھڑیا۔

ملا ہک نک تاں پہلے بکھیا کھڑیا با..... چوئیں ٹینک سور چھوڑی..... ول کیا با..... ترے چار چھنڈے
 پوڑیاں چڑھدے چو پارے ونج پنچے..... تے دردیاں چو ہلاں ہلا چھوڑیونے۔
 نفیس احمد و پلایا تھلایا ہر نکلیا..... مجمع تے مجمعے دارنگ ڈھنگ ڈیکھ کراہیں راہندا ساہندا ادھر تیج گیا۔
 'ایہہ سب کیا ہے'

'کوئی ڈسے ایس شیطان مردود کوں کہ ایہہ سب کیا ہے' جوش کنوں ملا ہک نک دے آہنے باہر تے
 اچھن آئے تے تے کچیاں واچھاں اچوں جھگوں واہوں لگ پیاں۔
 'تساں کاوڑ ناں کروئیں..... ایس کافر کتے کوں یس ڈسینداں جوئیں ہوئیں دی نافرمانی تھیندی
 کیویں ہے..... ایہہ آکھ کراہیں ٹینک پوڑی اتے ڈوں ترے پلانگاں ماریاں تے سدھا نفیس احمد
 دے گروان اچ بت ونج تھیا.....

'شکل مومنناں تے کرتوت کافراں..... ذرا میٹھے دی شکل وی تاں ڈیکھو..... پناہ پاڑ کہیں جا
 دا..... کتوں دی بلا کتھاں آڈھی، کوڑے کلیم بھرتے لکھاں دی دوکان ملی بیٹھے۔ فراڈیا..... فوٹو
 چکھیندے..... مورتاں بنیندے تے اووی مسیت دی چھاں تلے..... ٹینک نفیس احمد دے گروان کوں
 بی وی چھک ڈتی تے گھلیندا اہویا پوڑیاں توں تلے مولوی صاحب دے سامنے آن کھڑیا..... ڈکڈے
 کمبدے، پیٹے فوٹو گرافر کوں سامنے ڈیکھ تے مولوی صاحب دے بت اچ تھڑکاٹ پئے گیا

'آخر میں کیٹا کیا ہے' نفیس احمد دے سنگ اچوں الا دی بجائے گرگاٹ نکلیا۔ 'اچھا..... تیں
 کیٹا کیا ہے..... من مچالا پیابندے شودا..... سیں حکم کرو پروتھے میڑھے آلی کار پھے ناں چھوڑاں تاں
 میڈر آناں وٹا ڈوائے..... ٹینک نفیس احمد دے گروان کوں پیا ای وٹ چاڑھیا تے کھڑنلا تھی گیا.....
 حاجی گاموں اگوں ودھیا کہ نفیس احمد دا گروان چھڑاوے..... پر ملا ہک نک دے رتے آہنے ڈیکھ
 کراہیں اتھانیں کھڑ گیا.....

'نا فرمانی کریندے..... بائیں..... سیں ہوئیں دی نافرمانی کریندے..... اوں ٹکے ٹکے
 دے بندیاں دے فوٹو چھیکسیں پیٹھا کرتوتی کہیں جادا..... تے سیں ہوئیں دا جج پاسپورٹ پیابندے

تے ایہہ کھلا دلا آبدے جواج منگل ہے..... دوائے پلائی ملن آندی ہئی منگل کوں ٹھہرکی آ..... ٹینک نے نفیس احمد کو جھنجھوڑ ڈالتے پیادی چھرتیج گیا۔

’پر میں منگل کوں ناغہ کرینداں‘..... نفیس احمد دے سنگ اچوں ول گرگاٹ نکلیا، گالہ سٹائے ذرالاٹ صاحب دی، منگل کوں ناغہ کرینداں..... ناں جمعہ ناں اتوار..... نانی دا ختم ڈواوٹاں ہوندی منگل کوں، سب سمجھدے ہیں، میڈیاں چالاکیاں دشمن دے جاسوس آ، شریقاں دے علاقے اچ بد کرداری کریندیں دچھر کہیں جادا..... ناں رن ناں کن..... تے ڈوں ڈوں جنیں ملی پیٹھے..... بوتیاں دا وپاری، ٹی بی دی بیماری.....‘

ذلت دی انتہا تھی تاں..... نفیس احمد دیاں بنجر قدیم اکھیں اچوں پانی سم آیا..... پر زبان گنگ دی گنگ، ایں کنوں پہلے کہ اوکھ پولٹ دی کوشش کریندا، ٹینک نے کچی جھنجھوڑ، دھک کے پاسے ماریا۔ ڈھاندا تاں شاید، سر پڑتج پوندا، پر حاجی گاموں کوں خدا تو فیتھ ڈتی، اونے ڈھاندے نفیس احمد کوں با تھاں تے جھل گھدا..... پر پولیا اووی کجھ ناں..... بھلا پو لے کون! جیڑھا پو لے کافر دی موت مرے نفیس احمد دی حالت ڈیکھ کراہیں مولوی ہک ٹک دی کاوڑتاں کجھ کجھ مٹھی تھی گئی پر ٹینک کوں کون جھلے..... آنرہ ساہن وانگوں دھرتی تئی کھڑا ہا۔

’حاجی صاحب..... اینکوں آکھو، دوکان کھولے تے حضرت صاحب دافوٹو چھکے..... ہیندے اچ ایندی خیر ہے..... ناں تاں ایندی دوکان اچ آلودتاؤں نیں و تپے تاں ٹینک پیو دا ای نیں.....‘ حاجی گاموں..... اکھیں بھرتے نفیس احمد ڈوڈھا..... پر پولیا کجھ ناں..... ’میں کیوں کھولاں دوکان..... انج میڈا ناغہ ہے‘..... نفیس احمد حاجی گاموں ڈوڈھا تے جھکی جھوٹ چا گھٹنیں۔

’ٹھیک ہے..... ایہہ ایویں کا سنا منیسی..... بھئی جوانو..... نورودے تنور اچوں چوانتیاں کڈھو..... تے لاؤ بھائیں نافرمان دی دوکان کوں..... کرڈیوساڑتے سوا‘..... ٹینک دیاں گجکاراں جھلیندیاں ناں پیاں ہن..... ایں کنوں پہلے کہ طالب نورودے تنور ڈوڈھکدے، مولوی صاحب زوردا کھنگو راماریا مجمع اتھائیں جھلیج گیا..... مونڈھے تے پئے چار خانیاں والے رومال دی ہک کئی مولوی صاحب تلوں تے گھیلی؛ کچیاں دا چھاں اچوں وانہدی جھبک پونجھی تے پو لے ’حضرات! صبر تے تحمل کنوں کم گھنو..... غلطی ساڈی ہئی..... جو اساں ایں بے مرشد ابھاڑی کوں تقسیم توں بعد مسیت دی چھاں تلے پیشہ کفر دی اجازت ڈتی کہ اللہ راسی سر لکائی پیارا ہسی..... پر ایندا

سہ ماہی سرائیکی بہاولپور

کردار مشکوک ایندی عبادت ڈکھاواتے ایہہ لعین اناں کماں اچ ملوٹ اے جیڑھے اشرف کون
زیب نہیں ڈیندے ایس ساڈی جادا کوڑا کلیم بھریا اسماں چپ رہیو سے اپنی جا کون رندی
بازی دا ڈاٹنایا، اسماں چپ رہیو سے، ایس اچ ساڈا فوٹو چھٹن کنوں انکار کیئے، اسماں ول وی چپ
ہے اسماں چاہوں تاں ٹینک جیہے مجاہد ایس لعین کون ساڈتے سوا کرڈیون پر اسماں خدا کون جواب
ڈیونے اسماں ایس بد بخت کنوں فوٹو چھکواون گناہ سمجھدے ہیں لعنت بھجیندے ہیں، ہن جنگ
ہوسی قانونی جنگ ہوسی، اتھ اوہو راہی جیڑھا فرما نبردار تے اشرف پیشہ ہوسی.....

مولی صاحب، مونڈھے دے رومال کون چھنڈک تے، مونڈھے تے سٹیا تے ولد امیت دو
ٹریا طالباں نے زندے باد دے نعرے لائے تے پچھوں ٹرپے باقی دا مجمع تماشا ڈکھ کر ایس
ایڈے اڈے کھنڈ پنڈ گیا پدھر وایلا تھیا تاں ٹینک ولد انیس احمد دے سر آتھیا بچو تیڈی
فوٹو تے میں ساویاں تو ریاں نیں لٹکایاں تاں آکھیں ٹینک پیوانیں
منگل گزریا، پدھر گزریا تے نمیس وی گزر گئی نفیس احمد ناں تلے لاہٹاں ہاں تاں لٹھا، لاہندا
تاں کیویں لاہندا، کیا منہ ڈکھیندا اوائے پوائے کون کہ ذلت ایس طرحاں وی مقدر بندی ہے کیتیاں وی
تاں ہر کوئی چیندے، ناں کیتیاں دی چاونی تے اووی ایس طرحاں بڈ مرٹ ہا، بیا کیا ہا.....

آخر کئے تک بند تاکیاں اچوں ساہ گھندا جیندا جی ہا ڈھڈتاڑے نال لگیا تاں جمعے
دی سویر کون حاجی گاموں دے کھوکھے تے آن بیٹھا حاجی گاموں اٹھی تے ملیا بھاکل ای پاتس
..... پر چپٹے چپٹے تھے نفیس احمد کون جوڑ نہ سگیا نفیس احمد دیاں ہنجواں ای تر میاں پر اندر دے لمبے
ہے اچے تھی گئے چاہ دا گھٹ ای بھریس، پر ہاں چریندا، زیرہ دکھیندا، جے تیں گیا ڈلیکاں پیندا
گیا.....

چوتھے ڈینہہ دکان کھلی پر ایس حد تیں کہ نفیس احمد کرسی گھیل کر ایس بہہ تھیا، چھنڈک
پھوک کنیں کرنی ہی لٹھہ اٹپدا، ایویں ڈیدھا جیویں شیر باغ اچ ڈوں مونہاں وچھایا چھی جنگھاں
والا باندر بیٹھا ہوئے، نفیس احمد جھکی جھون گھت ذرا پرو بھرا تھی بیٹھا
ہک لحظہ گزریا ڈوں ترے بندے کھٹے دکان اچ آوڑے
'نفیس احمد تیڈا ناں ہے'.....

.....

'جیا میڈا ناں اے'.....

'ایہہ گھن، اتھ اگبوٹھا لا.....'

میں ہاں دستخط کرینداں..... پر ایہہ ہے کیا؟
 بی بخش عرف نینک تیڈے تے دعویٰ کیجے..... ایں دوکان تے چو بارے دی ملکیت دا..... میں مہینے
 دی باہوی کوں پیشی ہے اتھ، اتھ دستخط کر.....
 نفیس احمد چپ کرتے دستخط کر ڈتے

بیلف کنڈولائی تے ٹینک چھاں کوں وٹ ڈیندا اندر آوڑیا.....
 'اتھ رکھساں نوکرا آواں دا..... اتھ گھوپی، سامنے مٹراتے تیڈی کرسی آلی جاہ تے کدو..... تے بچو
 توں..... توں تاں ہک بھونی دی مار ہیں، نکل ہیں نکل..... پہلی پیشی دعویٰ ڈگری کرویاں..... ٹہری
 بدھ پہنہ..... نفیس احمد ٹرٹر ڈیہدار ہیا..... تے ٹینک آ مرادے سوچ سوچینداں..... کھلاں کھلدا.....
 باہر نکل گیا۔

کچھ ڈیہنہ پنے گزرے..... ولدا مینگل دا ڈیہنہ، نفیس احمد داناغہ..... دوکان کوں تالا،
 چو بارے دیاں تاکیاں بند پر دروازہ بند نہ رہ گیا..... بیچ پولیس آلے دڑ دڑ کریندے اتے چڑھے تے
 ایں کنوں پہلے کہ نفیس احمد خود دروازہ کھولے کنڈی ترٹ کے تلے آڈھنی تے پنجے شیر جوان نکلے جئے
 کمرے دے اندر..... پوٹاں دی ٹھک ٹک نال نفیس احمد داکھاٹ آپٹی جاتے..... پر پھٹیاں دی
 چھت دے تھرکاٹ کوں کون جھلے..... لکیا جیویں چڑی دے آہلنے اچ جھر بلے پہنہ گئے ہون۔

شیر جواناں..... چو بارے دی ولی ولی پھرول چھوڑی..... اندروں لبھٹاں کیا ہانہ چھوہر نہ
 چھوہر..... وارلیس کیا اتھاں تاں ریڈیو تک نہ با..... چاندی داما شہ نہ سونے دی رتی..... چرس
 شراب دی بو خوشبو کیا افیم دی کئی گول گول پگھر وپانی تھی گئے..... کچھ ہتھ نہ آیا تاں آنے پئی، پوے
 تھئے نفیس احمد کوں گچی توں آجھلیو نیں..... ہک گھوگھا پاڑھیاتے ڈو جھوٹ کے ترے چار گھسن وکھیاں
 اچ چھنڈک چھوڑے..... نفیس احمد درد کنوں ڈوڑا تھیا تاں ہک مرڑیا ترڑیا کاغذ تلے ڈھنے پیا.....
 پولیس آلے کاغذ چاتاتے حالی اوندے وٹ کڈھیندا ای پیا ہا کہ نفیس احمد جھٹی ماری تے کاغذ دے
 تولے تولے کر ڈتے..... کاغذ دے تولے کیا تھئے..... شیر جواناں نفیس احمد دی او آتھر چھنڈ کیجی کہ اللہ
 دی امان..... کاں کوڑا کرتے تھانے چا گئے تے کہانی کیا پئی کہ ایہہ میسٹا فوٹو گرافر دروازے بند کر
 تے شریف زادیاں دے ننگے فوٹو بنیندے..... نفیس احمد ڈاڈھا چکیا رڑیا کہ اوفو ٹوتاں ہا پر ننگانہ بالیکن
 ایں گاہہ دا کیا جواب ڈیندا کہ ننگانہ ہاتاں پھاڑیا کیوں!

حاجی گاموں ہک دفعہ ول پکریا..... ضمانت کراتے ترے بھنے نفیس احمد کوں گھر گھن آیا

سہ ماہی سرانیکھی بہاولپور

دوکان تاں کھل گئی پر نفیس احمد بند تھی تے رہ گیا..... سارا ڈینہہ دوکان اچ بند تے ڈینہہ لٹھے چو پارے
 اچ..... چاہ دے ٹائم حاجی گاموں، چا بھجوا ڈیندا تے روٹی مانی نورودے تور توں آویندی..... گاہکی
 تاں پہلے ٹاواں ٹاواں ہی پرہن تاں کم اصلوں منج تھی گیا، کوئی رلد اکھلد آن ای وڑ دا تاں دوکان
 تے دوکاناردی حالت ڈیکھ کراہیں اوں ادھر تیج ویندا..... پر روزی رب ڈیونی، کوئی حیلہ وسیلہ تھی ای
 ویندا۔

نک ڈینہ سویرے سویرے سائیکل رکشہ نفیس احمد دی دوکان اگوں آ رکیا ایہہ حالی چاء ای پیندا
 بیٹھا کہ کالے برقعے آلی چنگی چو کھی نینگر دوکان اچ آوڑی، منہ تے ہک پلہ تاں ہا پیا پر اندر کیا ہی.....
 سب کجھ صاف نظر داپیا ہا..... اتھ بھلا ٹینک کتھوں چکدا، اونے لوٹی اچ ہتھ پسا..... ریڑھی تے پئی
 سبزی تے پانی دا چھنڈا ماریا تے جندو کھیر ڈہی آلے کوں اکھ مریندا نفیس احمد دی دوکان دے نکر
 آلے شیشے دے پچھوں پرو بھرا تھی تے کھڑ گیا..... ایں طرحاں کہ اوکوں کوئی نہ ڈیکھے تے او سب کجھ
 ڈیکھے۔ زنانی آئی تاں فوٹو چھکواوٹ واسطے..... پر جس ویلے نفیس احمد کوں ڈٹھس تاں ڈہدی رہ گئی
 جیویں بختیندی پئی ہووے، نفیس احمد تاں جھکی جھوڑی گھستی بیٹھا ہا..... زنانی سچاٹیا..... برقعے دا پلو چاتا
 کجھ یولی نفیس احمد چھر کی بھرتے اتوں تے ڈٹھاتے چاء دی پیالی ہتھ اچوں ڈھے پئی..... وبل تے
 کھڑا تھی گیا۔

ٹینک کوں ڈوہائیں دیاں شکلاں تاں نظر دپاں پیاں ہن..... پر کیا الیندے پن، کجھ نہ پتہ
 لگدا ہا..... ڈوہائیں دیاں اکھیں اچوں..... ہنجو ہر پُر واہندے پے ہن..... نفیس احمد دے چہرے تے
 اینویں رونق ول آئی..... جیویں اچ جوان تھیا ہووے..... ہا ہونٹ پلھاوٹ دا ہوش نہ رہیا کھڑے
 تڑے ای گاہیں تھیندیاں رہیاں..... یکدم پتہ نہیں کیا گالہہ تھی نینگر ای دھاں مارا مار تے روڈن لگ
 گئی تے نفیس احمد صدے کنوں گنگ تھیا..... لولہیاں وانگوں کرسی تے دھپک تھیا..... آہنے پیٹے ہوئے
 منہ کھلیا ہویا، ہنجو گلہاں توں واہندے ہوئے جھولی اچ ڈھاہندے پے ہن..... نینگر کجھ دیر تاں نفیس
 احمد دے سامیں کھڑی روندی رہ گئی، ول پتہ نہیں کیا تھیا ڈوہائیں ہتھاں نال گلہاں توں واہندے
 واہندے ہنجو پھیندی..... پلہ منہ تے سٹیندی، تکھے تنکھے پیر چیندی دوکان اچوں نکل گئی۔

نفیس احمد کجھ لکھنے توڑیں ہکا ہکا..... نیر ویندا رہیا..... ول اٹھیا تے سل داٹوٹا چا کراہیں
 پاگلاں آلی کار دوکان اچ پئی ہر شے کوں بھن تر وڑ ٹوٹے ٹوٹے کر ڈٹس..... دوکان دے پاروں سہ
 تماش بین، منہ منہ دیاں گالھیں..... حاجی گاموں بھجدا آیا تے آتے نفیس احمد کوں ولڑھ گیا، ڈاڈھا

اوکھا قابو کرتے گھیل گھال چوہارے تے گھن گیا..... جنون تاں لتھا پر نفیس احمد چھاؤ چاماری..... حاجی گاموں میت، سبھے بچن دشمن پچھ پچھ تھک پئے پرناں تاں اوندے منہ اچ زبان تے ناں چہرے تے چاٹ سچاٹ۔ سمجھ لتھا..... تاں حاجی گاموں ای درو لا پوڑی لہہ آیا۔

اگلا ڈیہہ چڑھیا..... تاں لوکیں ڈٹھا کہ دوکان تے چوہارہ ڈوہیں کھلے چن پر نفیس احمد ناں تلے ناں اتے..... کینے گولٹا تے سنبھال کھیں لاوئی، گا لہہ ایہا بلی کہ نامراد، وچھڑی معشوق کوں کیا مائے..... چیتا ونچا منہ کر گئے۔ ایں توں پہلے کہ نفیس احمد لوکاں کوں بھلدا..... ڈاکیا ہک لفافہ چا حاجی گاموں کول آیا..... اوں کیا پڑھنا ہا، ڈاکیے لفافہ کھولیا۔ کچھ سرکاری کاغذ تے ہک رقعہ لاتھا ہا..... ڈاکیے اتے تلے ڈٹھا.....

دکھیں نفیس احمد خط لکھے..... نفیس احمد داناں سن، نال دے دوکاندار جھم تھے تاں ڈاکیہ خط پڑھن بہہ گیا۔

حاجی صاحب!

جڈن خط تھا ڈے کول بچسی میں شاید ایہہ دنیا مکلا چکیا ہوساں..... کیوں جو ہن تا نگھ نیں رہ گئی..... اگست ۴۷ء دے ترے تھکھے منگل کوں میڈی شگفتہ نال شادی ہئی..... شگفتہ میڈی منگیندی ای ناں ہئی بلکہ میڈا سب کچھ ہئی..... پر ایہہ منگل ول نہ آیا، فساد کیا تھے، کانوکان تھی گئے، ناں مویاں دا پتہ ناں جیندیاں دا۔ میں اتھ آ پہنچیا تے ویہہ سال ہوں منگل دے انتظار اچ کاغذ تے بخان آلی دے نقش لکیندے گزار ڈتے..... شاید جیون دا بہانہ بنیا راہوے ہا پتہ اوں ڈیہہ شگفتہ دی چھوٹی بھین نوٹو چھکاؤں کیتے دوکان اچ نہ آندی..... پہلے فسادیاں تے ول آ پیاں نے ڈوہا سیں، بھینیں کوں رنڈی بنا چکے پلہا ڈتے تے اووی شہراچ۔ حاجی صاحب اونختیں والی اگست ۴۷ء دے ترے تھکھے منگل دی تا نگھ تنگھیندی، ایں دنیا توں لڈ گئی، پر منگل، نہ اوندے کیتے ناں میڈے کیتے..... ول جی تے کیا کرنا..... ایں رقعے دے نال دوکان تے چوہارے دی ملکیت دے کاغذ ہن..... مولوی صاحب کوں ڈے چھڑائے، میں وقف کیتے خدا واسطے، میت دے ناں

فقط

نفیس احمد



دریا نوں دا انت صحرا

کردار:

- ☆ مہر خدا بخش
- ☆ جموں مور
- ☆ کریم نعلی
- ☆ رجموں موچی
- ☆ خیر و سلہ بند
- ☆ کسان موسیٰ بکروال
- ☆ مائی کمل - مہر خدا بخش دی ڈال
- ☆ ڈاکٹر
- ☆ زیو - مہر خدا بخش دی دھی
- ☆ مراد - مائی کمل دی بھتیجی، زیو دی ماسی
- ☆ فضل - زیو دا منگیندا

(بیک گراؤنڈ وچ اُنھیں تے ہوا دی اواز)

(گھنٹیاں دی صدا)

تریہہ کوں چاتے اجڑ پئے

سکھ دے ٹو بھے گولٹ

ریت دی چادر تان کراہیں

سُتے پئے ہن ٹو بھے

سُکے پئے ہن ٹو بھے

گاؤن: کراں چٹھیاں روز روانہ

(بیک گراؤنڈ وچ گویں دے چرٹ نال ہلکی ہلکی گھنڈ تے گھنڈیاں دیاں اوازاں آندیاں پٹن)

مہر خدا بخش: بھرا، السلام علیکم

جموں مور: وعلیکم السلام، ست بسم اللہ آئے دے سائیں، آؤ پتھاری تے بہو.....

مہر خدا بخش: مہربانی سیں..... میڈاناں مہر خدا بخش اے۔ چولستانی تھیندا ان۔ ستلج دے کنڈے تے مال گھن آیاں، چرٹ کیتے۔

جموں مور: میں مسکین کوں جموں مور سڈیندن۔ سندھ ستلج دریاواں دے مور..... بھرا پانی پینو؟

مہر خدا بخش: جی بسم اللہ..... کیوں نہ، سیں، اساں روہی دے واسی ہیں۔ تریہہ ہوئے تے بھانویں نہ ہووے پانی پیوٹ توں انکار گناہ سمجھدوں۔

جموں مور: سچ آکھے دے، پانی حیاتی جو تھیا۔

مہر خدا بخش: ہیں کیتے تاں مل مہانگا تھی گئے (ٹھڈا ساہ بھرتے) نہ زمین تے ڈسدے، تے نہ آسمان توں دسدے، پورے ترے سال توں چولستان اچ مینہ نہیں وسیا، نہ گھانچے، نہ پیوٹ جو گا پانی۔

جموں مور: ساگی حال میڈے ایں سوہنے ستلج دا ہے۔ آپ ریت دے کفن پاتی پے۔ خودی گھٹ گھٹ پانی کوں سکدا پے۔ جگ دی تریہہ کیا لہیے۔

مہر خدا بخش: کا کا جموں مور، دریا وچ تاں پانی کیشی، تباڈی گزران کیویں تھیندی ہو سے۔

جموں مور: (ٹھڈی آہ بھرتے) ہا..... ہا۔

ہا سے تاں جگ دسدے ہا سے

اچ لوک کریندے ہا سے

کڈا ہیں اسماں مور دریا نواں دے پونگ سڈ پندے ہا سے۔ دریا نواں دے بادشاہ..... سندھ تے ستلج دے مالک۔ ساڈیاں پیریں دیاں تلیاں پانی تے ریت دیاں عادی ہن۔ اج پکی زمین تے پیر رکھیندوں تاں ہاں وچ سو سو تیر پڈ ویندن، کتھ پانی تے جھوٹے کھاندے پیرے ساڈے، تے کتھ اے درد کشالے۔

مہر خدا بخش: کا کا جموں مور، سیانا بندہ ہیں، ذرا سوچ آں..... بھانویں تساں، تے بھانویں اسماں آپاں مارے ہوئے تاں دریا نواں دے ہیں، ساکوں صدیاں پہلے ساڈا ہاکڑا ریت اج دفن کر گے تے تساں کوں تساڈے ستلج پانی توں باہر کڈھ سیٹے.....

جموں مور: سچ آکھی جیویں پیا..... ساڈے وڈے اہدن..... مدتاں پہلے اسماں ستلج توں سندھ تے، سندھ توں بیڑے ٹھیل تے سلمان بادشہ دے ملخ تیں پچدے ہا سے۔ اتھوں دے کپڑے، رنگ، موتی، مڑ کے تے ہار سنگھار دیاں چیزاں چاتے گھن ویندے ہا سے، اج چھوٹیاں چھوٹیاں ٹوکریاں بدھ تے زمیندارں دے دیرے چا ویندوں، تے ڈو چار سیراٹا منگ پن آندوں۔ اے ہے ساڈی گزران۔

مہر خدا بخش: اسماں وی ستلج دی تانگھ تے روہی توں ٹرے ہا سے۔ تریہہ توں ادھامال مر گیا تے ول ایں پاسے بھنوں جو اسماں تے ساڈا مال ڈھانڈا ستلج دا پانی پیسے، پراوتاں خود ریت و ریت اے۔ جموں مور: بس ایہ وقت وقت دی گال اے۔ کڈا ہیں ہاکڑہ ہووے تے بھانویں ستلج، انہاں دیاں وادیاں دے قصے الخاں ملخاں وچ مشہور ہن۔

مہر خدا بخش: جی آ، صدیاں پہلے ہاکڑہ ایں دھرتی دا سنگار ہا۔ ہاکڑہ دے جنگل جیلے بھلو بھل اج ڈکھ سارا چولستان تے تھل۔ سچ آہدن سیانے، تھل کرن دریا۔

جموں مور: پر بختیسی والا۔ مونجھانہ تھی وقت کہو جیہانی راہندا۔ ڈکھ دے اے ڈیہ نہہ وی نہ رہسن۔ اسماڈے پیر فرید سنیں نے ہیں کیٹے آکھے:

ہن تھی فریدا شاد ول مونجھیں کوں نہ کرید ول
جھوکاں تھیں آباد ول ایہہ نہیں نہ وہی بک مٹی

مہر خدا بخش: اچھا کا کا جموں مور

جموں مور: وے دولا، کیڈے ویندیں؟ اے ڈکھ اسماڈا ہک بیا سنگتی ریموں موچی آگے مہر خدا بخش: بس یار روح ہی آن رلیا تے قید دی مک گئی۔ تیکوں پتہ ہے کل زور دی بارش تھی گئی ہے۔

اساں کل آ پنے وطن روہی ول ویسوں۔ کھوہ دی مٹی کھوہ کوں ٹھہندی اے۔

جموں مور: کجھ دیر تاں ہئی بہہ۔ تیکوں اپنے یاریں دی ٹولی ملاواں۔ اے ڈیکھ ہک بیا جٹی آ گے کریمین نھلی..... آ یار کریمین آ بہوں، اساں سارے یار، کوئی تیلی اے کوئی سلھ بند اے، ساہاں تھپندے، کوئی راہی واہی کریندے، اساں مدتاں توں اپنی ہک ٹولی بنائی ہوئی اے۔
کریمین نھلی: بس اینویں، دل پر چاؤں کیستے..... ناک کھیدوں۔ یاری باشی اچ مہر آ..... چھوڑ روہی، اساڈی ٹولی اچ رل ونج۔

(سیھ کھل پوندن)

کریمین نھلی: گوئیں دی فکر نہ کر۔ جیڑھیاں پنج گن او اساں ڈوڈیہہ اچ وچ وٹاتے کھاپی ویسوں تے ڈکاراں نہ ڈیسوں

رحیموں موچی: اے تاں شغلی اے، مذاق کریندا بیٹھے۔ اساں اپنا دل پر چاؤں کیستے یا کہیں یار دوست دی خوشی ہووے تاں اتھاں اساڈی ٹولی ناک کھید دی۔ اساڈے تماشے ڈیکھ تیکوں مزا آ ویسے۔
کریمین نھلی: مزانہ آوے تاں پیسے واپس۔ چلو سیھ گائیں واپس۔

رحیموں موچی: دوئے توں اساڈے پردیسی بھرا دیاں گوئیں تے اکھ کیوں رکھی بیٹھیں۔

کریمین نھلی: یازا اے اسا کوں چنگا لگے۔ ہن کیستے مشکری پیٹھا کرینداں، دلبر پیہہ، اچ ساڈا نواں تماشا ڈیکھ.....

رحیموں موچی: کیوں جموں۔ اچ کوئی نواں کھید بیٹھوں

جموں مور: یارو..... نواں کجھ نی ہوندا، تے نہ اساں کجھ نواں بیڈوں۔ کھیل تاں پہلے تو بنیا بنایا ہوندے، اساں تاں بس اپنے اپنے وقت تے سوانگ بھرتے، اوں وہندے وگدے ناک اچ شامل تھی ویندوں۔ اساں کیڑھے باغ دی مولی ہن، ناک داقصہ تاں کوئی بیا لکھدے۔

خیر و سلھ بند: (کھلدیں ہوئیں) بھرا جموں مور، اصل گالھ نہ منیں، جو ساڈے سارے ناک توں گھڑیندیں۔

جموں مور: وے بختارو۔ ایہوں تاں اصل بھلیکا ہے..... اساں وچوں کوئی ساہاں تھپندے، تھیرا اے کوئی چٹا اے فصلاں رہندے، کوئی بکریاں چریندے، کوئی محنت مزدوری کریندے، اساں کون اوں ایرے غیرے؟ نہ، سکیں نہ۔ انسانی وسیب اوں، پورا انسانی وسیب وہندے، دریاں آلی کار۔
وقت دے نال نال اگوں تے وہندا ہو یا وسیب..... ویلے دے پیڑے نال ازلاں توں وہندے

Change Over

(وقتے وقتے نال اٹھیں دے بڑکن دیاں اوازاں امیاں پنن)

مہر خدا بخش: بھلا تھیوی آواں پیا۔ ہک مہمان وی نال اے

مئی کل: سدا آؤ۔ دھی آ، سرتے بوچھن رکھ

مہر خدا بخش: اوسیں ڈاکٹر صاحب آؤ پے۔ اساں غریباں دے ویڑھے قدم پاؤ۔ ست بسم اللہ جٹن

آون اکھیں ٹھرن.....

ڈاکٹر: جی بڑی مہربانی۔ شکریہ۔

مہر خدا بخش: ڈاکٹر صاحب، اے میڈی ڈال کل مئی اے۔ تے اے کبھی دھی زیو۔ ایندے نال میڈی

زال دی بھنچی، یعنی بھین دی دھی۔ زیو ابا۔ بھج تے ڈاکٹر صاحب کیستے موڑھا چا آ۔

زیو: نہیں آئی ابا۔

مہر خدا بخش: بہو ڈاکٹر صاحب اینکوں اپنا گھر سمجھو۔ بھلا تھیوی زیو دی اماں۔ اے جانوراں دے

ڈاکٹر ان۔ خشک سالی توں جانوراں اچ جیڑھیاں بیماریاں پے گن اوند اعلیٰ کرن آ لے ہن۔ چنگے

بھلے مانس ہن۔ وڈے خاندانی لگدن۔ بھلا تھیوی۔ جلدی نال ڈاکٹر صاحب کوں ہک گلاس لسی داتاں

ڈے۔

ڈاکٹر: بس بس مہر صاحب، آپ تکلیف نہ کریں۔ اس کی ضرورت نہیں ہے۔

مہر خدا بخش: دے سیں اساں روہیلیاں کوں نہیں چاٹدے۔ اساں کنوں کوئی پانی منگے تاں اساں کھیر

یعنی ڈدھ پلیندوں۔ اے تاں چھڑی لسی اے اتے کیڑھا شہراے جو ڈدھ تے لسی وی اتھاں مل وکدی

ہو دے۔

ڈاکٹر: ویسے مہر صاحب یہاں ہزاروں جانور ہیں اگر یہاں کا دودھ کسی طرح شہر میں بک سکے تو آپ

لوگ بڑی رقم کما سکتے ہیں۔

مہر خدا بخش: دے سو ہٹیا، بھلا ڈدھ تے پتر کوئی وچیندے، جو اساں وپچوں، اتھاں کھیر وچین گناہ

کجھیا ویندے۔ بس ہن بارش دے بعد گھانکٹن شروع تھی گے ول ڈکھائے ہر پا سے کھیر ہی کھیر ہو سے

ڈاکٹر: دو تین روز پہلے تو بارش ہوئی ہے، اتنی جلدی گھاس بھی نکل آئے گا۔

مہر خدا بخش: بادشاہ اور وہی وچ بارش تھی و نچے تاں دھرتی وچو گھا اینویں نکلی دی اے جینویں ناگ دے منہ وچوں زبان نکلی دی اے تے گھا اتنا کولا تے نرم ہوندے جو ساڈا جانور ڈنداں نال اینکوں نہیں پھکیند اچپاں نال چہیندے۔

زیو: (لاڈلے) ابا ابا میڈی لیلی کئی ڈیہاں توں بیمار اے ڈاکٹر صاحب کوں آکھ اینکوں دوائی ڈیون۔

مہر خدا بخش: ڈاکٹر صاحب، زیو میڈی لاڈلی دھی اے، تے ایں دی لاڈلی لیلی، کسی ڈاکٹر: اچھا اچھا، میں دیکھتا ہوں، ادھر لائیں اسے

زیو: ڈاکٹر صاحب، اے اپنی ماکیتے منجھی اے۔ ترہہ کنوں ایندی ما مرگئی ہئی۔ شودی یتیم تھی گئی اے ڈاکٹر: مہر صاحب انداز آخشک سالی سے کتنے جانور یہاں مر گئے تھے۔ اخبار میں تو آیا تھا کہ کوئی جانور نہیں مرا۔

مہر خدا بخش: دے سیں سینکڑاں ہزاراں مرگن۔ اساڈا لکھاں دانقصان تھی گے پر کون باجو اساڈی سنے ہا۔ نہ گھانہ پانی، اساں قیامت ڈنھی اے۔ اساڈی کیوں پرواہ ہے۔ ڈاکٹر: مگر بعد میں حکومت نے بڑی امداد بھیجی اور امدادی ٹیمیں بھی بھیجیں۔

مہر خدا بخش: بہوں دیر بعد۔ کوئی پچھلے چار سال توں بارش نیں تھی۔ ہر طرف سوکاہ ہئی۔ اوں ویلے دی حکومت سستی پئی ہئی۔ اے تاں بھلا تھیوے اجوکی حکومت دا جیساں اساڈی ہر طرح نال مدد کیتی۔ اساڈے فوجی بھرانواں نے تان رات ڈیہ نہہ ہک کر ڈتا، اساں تک پانی تے باقی سامان پچاؤن، ورنہ اساں مر گئے ہاسے۔

کمل مئی: ابا ڈاکٹر صاحب، پہلے اساں گھٹ گھٹ پانی کوں سکدے پے ہاسے، اساڈا مال اساڈیاں، اکھیں دے سامنے ترہہ کنوں مرد اپیا ہئی پر بے وس ہاسے۔

زیو: شودی میڈی لیلی، کسی دی ماوی ہناں ڈیہاں پاک پاک تے مر گئی۔

مہر خدا بخش: ڈاکٹر صاحب، ساڈے ہک رشتہ دار دیاں ہک ڈیہ نہہ وچ ۰ ۷ گویں پانی دے بغیر مر گیاں ہن۔

ڈاکٹر صاحب: مہر صاحب آپ صحیح کہہ رہے ہیں، میں نے تو یہاں آکر دیکھا ہے کہ یہاں لوگوں کے بڑے بڑے مسائل ہیں۔ اگر آپ لوگوں کو سہولتیں ملیں تو چولستان پورے ملک کی گوشت اور دودھ کی ضروریات پوری کر سکتا ہے۔

مہر خدا بخش: بھولے بادشہ پہلے اسا کوں تساں شہری بھرا انسان تاں سمجھو۔ کجھ حق اسا کوں دی ڈیو چولستان صرف شکار تے زمیناں الاٹ کراؤن کیتے رہ گئے۔

ڈاکٹر: بلکہ میں تو سمجھتا ہوں کہ آپ لوگوں کا حق سب سے زیادہ ہے، یہاں پینے کا پانی، سرکیں، سکول، ہسپتال، سب کچھ ہونا چاہیے۔

مہر خدا بخش: (ٹھہکا رامارتے) اونال نہ نیوے، آکھے مہری اٹھ تے پھساں، دے سائیں تساں شہری اسا کوں جاہل سمجھدو، اساں ایس ریت وچ رہندوں پر، اساں وی علم دی قدر چاندوں، اتھاں سکول ہوندا تاں خدادی قسم میں اپنی زیو کوں ضرور پنج جماعتاں پڑھیندا۔

مسی: ابا اساں اتجھے گالہے کینی۔ سا کوں پتہ ہے جو علم زیور ہوندے، اساں پیر فرید دے مرید ہیں۔ دین تے علم دی قدر چاندوں

مہر خدا بخش: سئیں علم سو جھلا ہے، اسا کوں وی ایس سو جھلے دی لوڑ ہے پر اسا ڈی طرف کوئی ڈیکھے تاں زیو: ڈاکٹر صاحب، ڈسونا میڈی کسی کوں کیا تھے؟

ڈاکٹر: تمہاری کسی کو کچھ نہیں ہوا۔ اس کو کھلا و پلا و خود بخود ٹھیک ہو جائے گی اور یہ بچی کیا بنا رہی ہے۔ مسی: ابا اے میڈی بھیڑ دی دھی اے۔

زیو: میڈی مسات اے۔ ماسی دی دھی (شرارت نال) مسات مٹھی ذات، گلڑ کوہ تے نکوں رات۔ مسی: اے میڈی کول سلائی کڑھائی سکھن آندی اے۔

مہر خدا بخش: میڈی زال ایس کم دی وڈی ماہراے، ابا مراداں اے اندروں موڑھا ذرا ڈاکٹر صاحب کول چا آویں تاں۔

زیو: اچھا ابا میں چا آئی آں نہیں۔

مسی: اے ڈیکھ مہراے ڈیکھا، اے جانمازاے، ایندے اتے شیشے داکم تھیسے ول ڈکھائے انسان دی دیدنہ ٹکسے اتھاں۔

مہر خدا بخش: ڈیکھو ڈاکٹر صاحب

ڈاکٹر: واہ کیا شاندار کام ہے

مہر خدا بخش: (اپنی بیوی سے) بھلا تھیوی ذرا اندروں سلائی کڑھائی دے کم والے نمونے چاتے ڈاکٹر صاحب کوں ڈکھا۔ ڈاکٹر صاحب، اے ڈیکھو۔

مسی: اینکوں آہن کچا ناکا، اے سوئی دے تروپے نال و نچ پوٹیاں بندن سیں تے اے ڈیکھو اے

ڈاکٹر: واہ ہنرمندی کا شاہکار ہیں یہ چیزیں۔ اگر یہ دستکاریاں شہروں میں پہنچیں تو لوگ دم بخود رہ جائیں فطرت کی گود میں پلنے والے ہنرمندوں کو سلام، مگر کتنے افسوس کی بات ہے کہ ہینڈی کرافٹس کا محکمہ ان دستکاریوں سے غافل ہے۔

مہر خدا بخش: سب ہر شے توں غافل آکھو۔ اسا ڈیاں رسماں ریتاں، وس وسیب، رہن سہن، شادیاں پر نے، سب کجھ نو یکلہا ہے۔ ڈاکٹر صاحب ڈیکھو تاں سہی۔

مہر خدا بخش: اے تاں کم تھیوئے سیں ایندے اُتے
مئی کمل: اے ڈیکھو مہر، اے ڈکھاؤ انہاں کوں، اے ڈیکھو

ڈاکٹر: بے شک آپ نے صحیح کہا، میں تو قلعہ ڈیر اور کودیکھ کر دم بخود رہ گیا ہوں۔ کیا اس کی شان ہے جیسے صدیوں سے کوئی جنگ جو سراٹھا کر میدان میں کھڑا ہو۔ دن کو اس کی عظمت اور ہیبت دیکھنے والی ہوتی ہے۔ رات کو یہ محبت اور رومان کی علامت نظر آتا ہے اور چاندنی رات میں جیسے جادو کا کوئی محل فضا میں تیر رہا ہو۔ انسان اسے دیکھ کر مسحور ہو جاتا ہے۔

مہر خدا بخش: سچ آکھے دے، اے قلعہ ڈیر اور ہاکڑہ دا ماٹن ہیوے۔ ایں جیہاں کہیں تھیوئے۔ اسا ڈے وڈکے آہدن ہزاراں سال پہلے جیڑھے قافلے ہڑپہ تے ملتان توں سندھ ویندے ہن تاں، ہیں راہ توں گزر دے ہن تے ڈر اور دیاں فصیلاں دی چھاں تلے آن بہندے ہن۔ ایں اپٹیاں اکھیں نال انسانی سفر دے رنگ ڈٹھن۔

ڈاکٹر: بلکہ یوں کہیں کہ یہ انسانی تہذیبی ارتقا کا محرم راز رہا ہے اگر یہاں سیاحوں کو اس طرف متوجہ کر لیا جائے تو بے شمار رقم کمائی جاسکتا ہے۔

مہر خدا بخش: پر کون کرے ایہہ سب کجھ۔ سٹو اسا ڈیاں بھیڈاں دی اُن نال اُن دے کارخانے چلدن تے اسا کوں ایندی قیمت کیا ملدی اے، نہ بچھو۔ بس اللہ سیں روزی ڈیندا پئے تے گزارا چلدا پئے۔

ڈاکٹر: اچھا مہر صاحب کل صبح اپنے جانور لے آئیں تاکہ ہم ان کو حفاظتی ٹیکے لگا سکیں۔

مہر خدا بخش: جی آ، سارے ڈر اور وچ اطلاع کر ڈتی ہئی، سب اپنا اپنا مال گھن آسن۔

ڈاکٹر: بس میں چاہتا ہوں جلدی جلدی یہ کام ہو جائے۔

مہر خدا بخش: کیوں، گھردی مونجھ لگ گئی اے۔ میڈا آکھا منو تاں اتھاں کپکے ٹک ونبجو

ڈاکٹر: مگر مہر صاحب، میں تو صرف ایک مہینے کے لئے آیا ہوں۔

سہ ماہی سرانیکسی بہاولپور

مہر خدا بخش: چلو ایہہ وی شکر ہے کوئی آیاتاں سہی

ڈاکٹر: یہاں آنا تو میری زندگی کا ایک یادگار واقعہ رہے گا۔ مجھے یہاں کی ثقافت کو دیکھنے کا موقع ملا ہے یہ علاقہ تو عجیب و غریب ثقافت کا امین ہے۔

مہر خدا بخش: اجاں تاں اسا ڈے پر نے تے شادی دیاں رساں ریتاں نیں ڈٹھیاں۔ ڈاؤن ڈاؤن۔ ہنہ اتھاں شادی جاری رہندی اے۔ جھمراں، سہرے، ویلاں، بس بک عجیب سماں راہندے۔
مسی کل: ابا بک بک زانی کون سینکڑاں سہرے یاد ہن۔ اتجھے سوادی جو مزا آونجے۔
(سہرے دا فلیش)

مہر خدا بخش: ڈاکٹر صاحب کل اتھاں میڈے بھترے دی شادی اے۔ جج اتھاں میڈے گھر آتے۔ تاں اسا ڈی شادی ڈکھائے، میں تاں کون گھن آساں۔
ڈاکٹر: مگر میں تو اس شادی میں مدعو نہیں ہوں

مہر خدا بخش: (حل تے) دے بھولے بادشاہ اے صحر اے، اینویں اسا ڈے دل دی فراخ ہن اتھاں اے فرق کوئی نیں کریندا پیٹھا، بے شک تاں نیندرا نہ ڈا ہے۔
ڈاکٹر: نیندرا، نیندرا کیا ہوتا ہے؟

مہر خدا بخش: نیویندرا جیکوں آبدو، کچھ پڑے لکھے ایں کون پنڈانی سمجھدے، پر چھو کیوں۔ شادی اتے تھے ڈیون جائز ہن قیمتی قیمتی، پر نیندرا نقدی دی صورت وچ، پہلے توں وصول کیتی رقم، شادی والے بھرا کون کٹھی واپس مل دیندی اے تے شادی دا سارا خرچہ نکل آندے۔ ڈسوائندے وچ کیا برائی اے۔
پتہ نیں کچھ لوکاں کون اے رسم کیوں بری لگدی اے۔

ڈاکٹر: چلیں ٹھیک ہے میں ضرور آپ لوگوں کی شادی میں شرکت کروں گا۔ اچھا اب میں پتا ہوں۔
مہر خدا بخش: چلو سمیں، میں تاں کون مہور آواں۔

(change Over)

(سہرا گاداں دا فلیش)

زیو: ڈاکٹر صاحب، ڈاکٹر صاحب، میڈی کسی کون کچھ تھی گے۔ اے مردی پئی اے اینکوں پھاگھنو۔
ڈاکٹر: کس نے کہا ہے کہ یہ مردی ہے۔ اسے کچھ بھی نہیں، پریشان ہونے کی ضرورت نہیں دیے اے ہوا کیا ہے؟

زیو: ڈاکٹر صاحب، اے بے زبان اے، کیوں ڈے جو اینکوں کیا روگ اے۔ تاں ڈاکٹر او، خود

کیوں فی بجھ سکدے۔

ڈاکٹر: اری بیوقوف اسے کچھ ہو تو میں جانوں
زیو: اے جڈاں مرویسے، دل تساکوں پتہ لکھے۔ اسماں روہی دے لوک اینویں چپ چاپ تے روگب لا
تے مرویندوں۔

ڈاکٹر: اچھا مجھے معلوم نہیں تھا۔

زیو: چلو ہن تاں پتہ لگ گے۔ کچھ دوا دارو۔

ڈاکٹر: اچھا ایک بات بتاؤ سچ سچ دوا تم کو چاہئے یا تمہاری بکری کو

زیو: (شرمیںدیں ہوئیں) اسماں ڈوہیں کوں.....

ڈاکٹر: جانتی ہو میں ڈنگر ڈاکٹر ہوں اور صرف جانوروں کا علاج کرتا ہوں، اب بتاؤ

زیو: چلو دوانہ سہی، کچھ تسلی تاں ڈے ڈیو

ڈاکٹر: بالکل تسلی رکھو، تمہاری اس لاڈلی سسی کو کچھ نہیں ہوتا میرے ہوتے ہوئے، میں اس کا ذمہ لیتا
ہوں۔

زیو: پکا ذمہ..... یا..... کچا ذمہ؟

ڈاکٹر: بالکل پکا ذمہ..... اب تو خوش ہو

زیو: بہوں خوش، اتنا خوش، جیویں آج روہی وچ ساوٹن دامنہہ وس پیا ہووے۔ جیویں ٹو بھے تار متار

تھی گے ہوون۔ ریت دے تلے ہاکڑ اول ویہہ پیا ہووے

ڈاکٹر: ارے یہ کیا چھوڑ گئی ہے پگلی، اد ہو، پوری اور رومال

(Change Over)

(بدلیں دی گاج داتاثر)

مراداں: زیو لگدے آج ول مینہ وسے۔ بدل آیا ہو یا اے

زیو: پتہ نی کا کی اے بدل وسداوی ہے یا کینا۔ کئی بدل اتجھے وی ہوندن جیڑھے وٹن وساوٹن دی

بجائے ہک ہک ہنجوں روا کے اگوں تے لنگھ ویندن (بیک گراؤنڈ وچ گھگھودی آواز)

مراداں: اڑی اڑی اے کیا، خیر تاں اے میکوں ڈس کیا گالھ اے، میں تیڈی سپیلی وی ہاں

زیو: بس، خیر ہی تاں کینی (منجھی تھی تے) توں اے ڈس اسماں روہی دے لوگ انس، وفادے اتنے

پیاسے کیوں ہوندوں، اسماناں تے اڈدے بدلاں کوں اپنے دلاں وچ وساکھندوں.....

سہ ماہی سرانیکی بہاولپور

مراداں: اڑی پگی، تیڈا دماغ خراب تھی گے، میں سمجھ گئی ہاں ساری گالھ گالھی، اوپر دیسی ہے اج ہے کل کیناں ہو سے ول کیا کر یسیں۔

زیو: بس میکوں نی پتہ جو میکوں اے بھائیوں لگی اے، میں حیران تھیندی ہم جواکاں دے پونے کوں بھالائیں بغیر خود بھالگ ویندی ہے۔

مراداں: چری اتجھے خواب نہ ڈکھ، آپاں روہی دے لوک ہیں، دل وچ اتجھے باغ بغوچے نہ پال۔ اپنے نصیب وچ پانی، سکھ تے چھاں کینی

زیو: توں اونکوں نی چانڈی، اوتاں کہیں تار متار و ہندے دریا والی کارڈ سدے، اونکوں ڈکھ تے روہی داہرڈ کھ بھل ویندے ہو سگدے اساکوں قسمت آن ملایا ہووے

مراداں: چری، بھلا روہی تے دریا نواں دے میل دی کڈا ہیں تھئے، کتھہ ازالاں توں ترسی روہی، کتھہ تار و تار دریا۔

زیو: کیوں کیڑھا دریا ریت دے بغیر ہوندے، بھانویں دریا دے تل ہوون تے بھانویں کنڈے، ریت ہر جا ہوندی اے، مراداں

مراداں: او پگی، تیں اوندے اگوں کوئی گالھ تاں نی کر ماری؟

زیو: تو باں کر بابا، میں شرم کنوں مرنہ پوواں، اے تاں بس تیکوں ڈس بیٹھی ہاں

مراداں: ہا خیال کریں متاں کجھ آکھ بہیں

زیو: نہ بابا نہ میڈی تو باں زاری سودار تو بہ زاری

مراداں: اوڈ کیکھ تیڈا منگیندا آندا پئے فضل

زیو: میکوں نی بھاندا، مویا فضل

مراداں: پہلے تاں ڈاڈھا بھاندا ہئی۔

زیو: چل موئی۔ (بیک گراؤنڈ وچ ڈھول تے شرنا دی اواز)

فضل: ادی مراداں کیا حال اے تیڈا تے تیڈی سہیلی دا

مراداں: بھرا میں وی خوش، تے میڈی سہیلی وی خوش، کیوں زیو، چپ کیوں ایں

زیو: تے کیا کراں ایندے آون تے سہرے گاواں

فضل: توں کیوں گانویں سہرے۔ تیڈے میڈے سہرے تاں جگ گاسے

زیو: ونج ونج، شیشہ ڈٹھی

فضل: شیشہ ساٹنے تان کھڑے، کیا کیا دیکھاں۔ ادی مراداں اے گھنوجلیبیاں، چٹن پیر سیں دے
 میلے تے گیا ہم اتھاؤں گھن آیاں
 مراداں: ایں جممرات میلے کیویں بھرے
 فضل: ڈاڈھا بھرے، روہی وچ جیویں بہار آگئی ہو دے۔ لکھاں لوک ہن ایں واری، بازاردی ڈھیر
 گبن تے میلے تے رونق دی واہ واہ ہئی۔

مراداں: اساں تان ستویں میلے تے دیسوں۔ چاچا، ماسی، زیو تے میں
 فضل: میں چٹن پیر سیں دے دربار تے منوتی من آیاں۔ دل دی مراد پوری تھئی تان اگلے سال انشا
 اللہ اپنی کنوار نال اتا گھٹا ڈیساں۔

مراداں: (کھل تے) اچھا میں سمجھ گئی، تو کیزھی منت من تے آئیں۔
 زیو: مراداں اینکوں آکھ فکر نہ کرے۔ ایندی اے مراد پوری نہیں تھیندی
 فضل: چلو ڈیکھ گھنسون

مراداں: دے کنجوس مکھی چوس، میلے توں کجھ گھن وی آئیں کہ کینا۔
 فضل: اے گھن، بیڈی سہلی دی لیلی کیتے پگانی، دل کر لسی تان خود پاوے چا، تے اے تسان ڈوباں
 کیتے چاندی دے چھلے۔ میں انھیں کوں پانی پلاوٹن پیاوینداں۔ پرادی مراداں، زیو کوں ڈس ڈے
 پردیسی داکوئی وساہ نیں ہوندا اے تان اڈو دے پکھیاں دی کار ہوندن، اچ ایں اسمان تے کل اوں
 اسمان تے

(بیک گراؤنڈ وچ والکن دی آواز)

(Change Over)

(بانسری بیک گراؤنڈ وچ)

زیو: ڈاکٹر صاحب، ڈاکٹر صاحب، کتھ او

ڈاکٹر: ارے زیو، تم اتنی گھبرائی ہوئی کیوں ہو، خیریت تو ہے

زیو: آپ، تسان..... میڈام مطلب اے..... اچ ویندے پیو۔

ڈاکٹر: آج نہیں ابھی، بس میں نکل رہا تھا۔

زیو: پر کیوں، کیوں، کیوں ڈاکٹر صاحب

ڈاکٹر: بھی میں صرف ایک مہینے کے لئے چولستان آیا تھا اپنی ٹیم کے ساتھ۔ اپنا کام مکمل کر کے واپس جا

سہ ماہی سرانیک کی بہاولپور

رہا ہوں۔ میری ذمہ داری اب ختم ہو چکی ہے۔

زیو: ڈاکٹر صاحب، تمہارا آکھیا ہئی، میڈا پکا ذمہ

ڈاکٹر: کس چیز کا پکا ذمہ، مجھے جو ذمہ داری سوچی گئی تھی وہ میں نے پوری کر دی۔

زیو: تمہارا کچھ وی پورانی کیتا، اپنا پکا وعدہ دی۔

ڈاکٹر: دیکھو زیو میں بچہ نہیں، میں تمہارے جذبات سمجھتا ہوں۔ مجھے تمہارے جذبے کی قدر ہے مگر یہ سب ممکن نہیں۔

زیو: کیوں اسماں روہی دے واسی ایڈے برے ہیں۔

ڈاکٹر: کس نے کہا ہے کہ تم برے ہو، تمہارے جیسے مخلص، محبت کرنے والے اچھے لوگ تو شاید کہیں ملیں۔

صحرا کی وسعت کی طرح تمہارے دل بھی بڑے ہوتے ہیں۔

زیو: نہ ڈاکٹر صاحب، اسماڈے نماٹے دل بہوں چھوٹے ہن، ایڈے وڈے ڈکھ نیں سہہ سگدے

ڈاکٹر: اسی لئے تو پہلے دن سے تمہارے جذبات کو سمجھنے کے باوجود میں نے تمہاری طرف کوئی پیش

قدمی نہیں کی۔ زیو میری بات کو سمجھو ہم دونوں دو مختلف دنیاؤں کے لوگ ہیں۔ ہماری ثقافت رہن

سہن، طرز زندگی، سب کچھ جدا ہے۔ تم میرے ساتھ دو قدم بھی نہیں چل سکو گے۔ تم ریت پر چلنے کی

عادی ہو۔ ہم پکی سڑکوں پر چلنے والے لوگ ہیں۔ تمہارے اور میرے درمیان ریت کی دیوار حائل ہے

زیو: واہ..... ریت دی کندھ وی کوئی کندھ ہوندی اے بھلا جیراھی پار نہ تھیوے۔

ڈاکٹر: یہ سب اتنا آسان نہیں۔ تم میرے بارے میں کچھ بھی نہیں جانتیں۔ میری مجبوریوں، میرے

مسائل، کچھ بھی نہیں۔

زیو: میں تاں بس اتنا جانتی ہاں میڈی روہی وچ ہک بختیں والا بدل آئے تے بن و سے واپس ویندا

پے۔ ہک بندہ جیڑھا دل کوں دریا والی کار لگدا ہئی اندروں اوہ وی ریت و ریت ہئی۔ اسماں ریت

دے واسیاں دامقدروں ہمیشہ ریت رہندے، تے ریت دہسے۔

ڈاکٹر: نہیں نہیں، ایسی مایوسی کی باتیں نہ کرو۔ ہماری حکومت صحرا کے لئے بڑے بڑے منصوبے بنا رہی

ہے اب یہاں ٹر بائیں لگیں گی۔ سڑکیں اور سکول بنیں گے۔ ہسپتال قائم ہوں گے صحرا کا نقشہ ہی بدل

جائے گا۔

زیو: ڈاکٹر صاحب کیا فائدہ۔ صحرا، ریت دا اے سمندر کڈا ہیں ختم نہ تھیے، لکھ پانی آونے پر اچڑے

دلاں وچوں ملی سندی ریت کون کڈھیے۔ روہی باہروں اٹھی تے اسماڈے اندر آن ہسے۔ اسماں

اینویں، ہمیشہ ریت دی قید و ج رسوں۔ نخی دریا دی ساکوں کجھ ڈسین تاں ڈکھ دی ریت دیاں
 سوغا تاں ڈسین (رودن پئے دیندی اے)
 ڈاکٹر: ہرگز نہیں۔ مایوسی کی باتیں نہیں کرنی چاہئیں۔ اچھی لڑکی، تم ہمیشہ مجھے یاد آتی رہو گی میری
 مجبوریاں مجھے واپس لے جا رہی ہیں۔ مگر یہ ہو سکتا ہے کہ اس جانے والے کا دل یہیں کہیں تمہارے
 پاس رہ جائے۔ پگلی، تیرا صحرا تو میرے خون میں سرایت کر گیا ہے۔ ویسے ہو سکتا ہے کہ کبھی یہ مسافر
 پر دیسی پھر تیرے صحرا میں پناہ لینے چلا آئے۔ کبھی یہ تیرا دریا خود بھی صحرا بن جائے۔



دل آنویں آ گل لاناویں دے	اج مانگھ مہینے دی ناناویں دے
موسم گل پھل دی من موٹنی	رُت رنگیلی تے ساعت سوٹنی
سانول صحن سہاناویں دے	مُد مستانی ڈکھڑیں کوٹنی
کجلہ سرخی مانگ بٹیندیاں	سیاں ناز نواز کریندیاں
میں گھر وی پوں پاناویں دے	چیتر سہیندیاں ور گل لیندیاں
ڈکھڑی روندیں عمر گزارے	مٹھڑی روپ انوپ وسارے
آندیں نہ مڑ جاویں دے	سوہٹا ڈے کر کوڑے لارے
سس ناناں لاوم جھیرے	کھیڑے بھیڑے رکھن بکھیڑے
تتڑی نوں نہ تاناویں دے	چاک مہیں دا آ وڑ دیڑھے
مہٹیں ہاپ کریندیاں بردیاں	سیاں جگتاں نوکاں کردیاں
نہ دھوتیں لاج لجاویں دے	مل ماہی ہٹن بھٹ گھت سردیاں
طعنے مارم خلق سبھوئی	توں بن میرا ہور نہ کوئی
لگڑی توڑ نبھاویں دے	روز ازل دی تیری ہوئی
چولی چنڑی لیر کتیرے	سلاہوں بھنڑا اکھیاں نیرے
اڑے زخم مٹاویں دے	لوں لوں سیڑھاں لکھ لکھ چیرے
پاجھ برہوں دے، کل گل کوڑی	نینہ فرید فقر دئی موڑی
دل نوں داغ نہ لاناویں دے	مردیں جیندیں نیویں پوری

آچٹوں رل یار

کردار:

سانول	:	ویہہ پاوی سال دانینگر جوان
حُرمت	:	ستاراں اٹھارں سال دی نینگر چھو ہر
خدا بخش	:	سانول داپیو
شاڈاں	:	سانول دی ما
اللہ رکھیہ	:	حرمت داپیو
نذیراں	:	حرمت دی ما
	:	وستی دازمیندار
	:	کچھ بیان آوازاں

بھلا منظر

1 دول وچدا پے تے دول دی تال او ہے جیندے ذریعے بندے کٹھے رل تے کم کریندن، کہی
مریندن تے ہک پے توں اگیتے نکل ویندن۔ پانی چلن دا شور، لوکیں دیاں آوازاں جیرھیاں
پانی دا بند ہدھن ویلھے سنیندن]

کئی آوازاں: بھجیں بھجیں بھجیں، آویں آویں آویں۔ ایڈوں ول، اوڈں ترپ۔ پھٹے ڈے پانی
دے اگوں، کہی دالپہ سٹ، اتھاں اے ڈلھ سٹ۔ او جوار دا گنڈھا ڈے ونھے تے، کہی دے لپے
رکھیندا ونج اُتے۔

خدا بخش: یار اللہ رکھیہ! اوڈا زور اے پانی ارج، مونھا ہدھیندا نی پیا۔

اللہ رکھیہ: آخر نہر ترٹی اے خدا بخش! کوئی محول تھوڑی اے

خدا بخش: اینکوں نہر تاں نہ آکھ اللہ رکھیہ اے تاں شاخ اے نکی جہی

اللہ رکھیہ: پر خدا بخش اسیڈی وستی کون پوڑن کیتے تاں ڈھیر اے

خدا بخش: ہایا راسیڈے تاں گھرای کچے ان

اللہ رکھیہ: جے پانی ہیں زور نال پہہ گیا وستی وچ تاں مٹی دیاں کندھاں کھڑسن چوکی دیر

خدا بخش: کھڑسن سوآ۔ گوڈیں بھر نہ آن ڈھسن۔ جینویں آپاں زمیندار دے اگوں۔۔۔۔۔

اللہ رکھیہ: چپ چپ خدا بخش اوڈیکھ زمیندار آندا پے گھوڑی تے

[زمیندار دی گھوڑی دے ہنہناون دی آواز آندی اے تے ولا گھوڑی دی ٹپ ٹپ

دی آواز مائیک دے قریب آویندی اے]

خدا بخش: سلاں والیکم سائیں زمیندارا!

اللہ رکھیہ: سلاں والیکم سائیں زمیندارا!

زمیندار: او بابا! اے نہر کینویں ترٹی اے؟

اللہ رکھیہ: سائیں پتہ نی کہیں تر وڑی اے یا خبر اے آپے ترٹی اے

زمیندار: آپے ترٹی ہو سے۔ کوئی تر وڑے کیوں ہا۔ آپ پڈ سے یا آپنی فصل بڑیے۔

سہ ماہی سرانیک کی بہاولپور

اللہ رکھیہ: با سائیں اے تاں ہے۔

زمیندار: ولا کیا کیتی کھڑ وایکوں پدھن دا۔

اللہ رکھیہ: سائیں! وتی دے سارے بندے کٹھے کرا یوں۔ ڈیکھو لگے پن پدھن اچ [باشو، باشودی آواز]
خدا بخش: سائیں! اللہ کر یسے پدھج ویسے جلدی

اللہ رکھیہ: سائیں! جوان کمیندے تاں ڈاڈھے پن۔ ہک پئے توں ودھتے لپے مریندے پن۔

خدا بخش: اسیڈی وتی دے نینگر بلائیں جوڑاں سائیں بختیں آلا میلے ای تاں ایسے مار آندن۔

زمیندار: خدا بخش! تیڈا پتر سانول وی بگھرو جوان تھی گے۔ ڈیکھ لپے جھکا مریندا پے تے پرے ستیندا پے

اللہ رکھیہ: سائیں! ایندا پتر کوڈی اچ ای میلہ مار آے۔ کہیں کوں نہ وٹھن ڈتا

خدا بخش: میڈا پتر تیڈا غلام اے سائیں! تیڈے دریں تے پلدا پے

زمیندار: شابش جوانو شابش۔ ہمت کرو پانی دازور ترغداودے۔ ہن مٹی جمدی ویندی اے تلوں۔

پانی اونکوں نی چھکیندا پیا۔ مونھا مٹی نال بھریندا پے۔ بس تھوڑی دیر کماؤ چا

خدا بخش: جوان جیرھے جگرے نال کمیندے پن اللہ رکھیہ! میڈے گھر گڑھو دے ہاتاں مٹھے چاول

پکاتے کھوانواں ہا انہاں کوں۔

اللہ رکھیہ: گڑھ میں ڈینداں خدا بخش! پرول آکھسیں کوئی چاول وی ڈیوے ہا

خدا بخش: ہا دا غریب جو تھیم

زمیندار: اچھا بابا! میں کھویاں چاول۔ بن پدھتے آونچہ جو دیرے تے

[گھوڑی دے ٹرن دی ٹپ دی آواز آندی اے۔ ایندے وچ ٹریکٹری آواز

ضم تھی ویندی اے]

خدا بخش: اوڈیکھ اللہ رکھیہ! بشیرے دا ٹریکٹری آگے

اللہ رکھیہ: خدا بخش! میں کمال کیتے۔ ٹرالی اچ سلھیں وی چائی آئے

[ٹریکٹر۔ ٹرالی تے سلھیں کوں ڈیکھتے سب کوں نواں جوش آویندے تے او

کٹھے رل تے 'جھولے لال' دانعرہ مریندن]

خدا بخش: ہن پانی کوں بھجن نہ سے ڈیندے اساں

اللہ رکھیہ: ہن بن پدھجے ای پدھجے

خدا بخش: ہن مٹھے چاول کھاؤں ای کھاؤں

ٲو؇ها منظر

اللہ رکھیے دا گھر۔ گنوں دی رکن دی آواز آندی پی اے ایندے وچ پکری دی میں
میں دی رل ویندی اے۔ مکالمیں اچ کھائیں کھائیں کاں دی آواز دی آونچے ا

نذیراں: حرمت دا پوآ پہنچ گیا ہن؟

اللہ رکھیے: کیوں نہ ہد عیجے ہا بیس ویلھے میں اللہ رکھیے جیہا بندہ اٹھاں ونج کھڑے

نذیراں: پر اے ولادلا ترٹ کیوں ویندے۔ چنگی طرح کیوں نی ہدھیندے؟

اللہ رکھیے: [کھل تے] چنگی طرح ہدھن؟ ڈیکھ نذیراں! جے ہر سال کھائی تھیندی رہے، شاخ دی بھل
صفائی ہووے تاں تل اچ مٹی ناں جے، پانی اُتے نہ چڑھے، بھکاں نہ ڈھن تے پانی وی نہ ترے۔

نذیراں: ول تاں بھل صفائی کرنی چاہیدی اے ہر سال

حرمت: [چوڑیں دی کھڑکن دی آواز] بابا! روٹی کھاسو؟ چا آنواں؟

اللہ رکھیے: نہ دھیے زمیندار دے دیرے تے مٹھے چاول کھا دن سے ساری بکھ لہے گئی اے

حرمت: اچھالسی دا کنگا پی گھنو، لون آلا۔

اللہ رکھیے: مٹھے چاول کھاتے لون آلا کنگا پیووں؟ اصلوں کملی دھی اے اسیڈی

حرمت: ول کیا پیسو؟

اللہ رکھیے: اچھا پتر پلا ڈے لسی، پر پانی ڈھیر نہ سٹیں اوں اچ

حرمت: نہیں پلیندی آپ لسی [ویندی اے]

نذیراں: حرمت ہن سیانی تھی گئی اے۔ حرمت دا پو

اللہ رکھیے: ہا ڈٹھانہ ہاوی حرمت دی ما، مٹھے دے بعد لون پلیندی اے۔

نذیراں: تاں تاں گنڈھ چا ڈیندو گالھ کوں۔ میڈا اے مطلب نی۔

اللہ رکھیے: میڈی گالھ دا کوئی مطلب وی ہوندے

نذیراں: جوان دھی کے تائیں پلھاسگدوں گھراچ؟

اللہ رکھیے: اُساں ماواں وی عجب روح ہوندو

نذیراں: او کیوں؟

اللہ رکھیے: پہلون پیارناں پلیندو دھیریں کوں ول پچھوں لگ پوندو جو کڈھوں انہاں کوں گھرتوں۔

نذیراں: کیا کرتے زمانے دی ٹور جوائیوں ہے۔ نا تاں ہاں دے ٹوٹے ٹکپ تے کون ڈیوے ہا دیں کوں۔

سہ ماہی سرانیککی بساوا لپور

اللہ رکھیہ: بھلا تھیوی! گالھ تاں لاٹ کیتی

نذیراں: ول کیا سوچی حُرمت دا پو؟

اللہ رکھیہ: کیا کیتے؟

نذیراں: حُرمت کیتے!

اللہ رکھیہ: میں تاں کچھ نی سوچیا۔ جے توں سوچی پیٹھی ہو ویں تاں ڈس۔

نذیراں: میں سچیندی آں۔۔۔۔۔

[حُرمت آندی اے تے نذیراں آپنی گالھ اتھاہیں چھوڑ ڈیندی اے]

حُرمت: اماں! کیا سچیندے وے ٹساں؟

اللہ رکھیہ: پتر! تیڈی ماکوں پتانی کیا ہاں سوچاں ان۔ لسی اچ دیر کیوں کر ڈتی؟

حُرمت: بابا آپنی لسی اچ مکھی مؤ کی کھڑی ہی۔ شریقاں دے گھروں گھن آئی آں اے لسی۔ ہیں سانگوں دیر تھی گی اے۔

اللہ رکھیہ: [ٹالٹ کیتے جو حُرمت اتھوں چلی ونچے تے اوزال نذیراں نال خلاصی گالھ کر گھنے] اچھا پتر جے اتنی خدمت پی کریندیں پیودی تاں ول۔۔۔۔۔ [سوچ تے] تھے تے انگاروی رکھ ڈے۔ تل دا پانی بدلیں چا۔ جنگلی طرح دھوتے۔ شابش [حُرمت ویندی اے]

اللہ رکھیہ: ہا ول کیا آہدی پی ہانویں توں، نذیراں؟

نذیراں: میڈا خیال اے جو سانول کینویں رہے حُرمت کیتے۔ اوندی ماشاداں میڈی بھین اے۔

شاداں میں کنوں چار ڈیہاڑے وڈی اے۔ اسان بھینیں رل پوسوں تاں موئی مادا ہاں ٹھر پوسے۔

اللہ رکھیہ: پر گالھ بھینیں دی نی۔ سانول دی اے

نذیراں: سانول میڈا بھینیا اے۔ آکھیے اکھوائے اچ اے شرم لحاظ آلا چھو کراے۔ نینگر جوان اے۔

غریب داپال اے سرسٹ تے گزار ویسے۔

اللہ رکھیہ: بس ایہا 'غریب داپال' اے آلی گالھ اوکھی اے۔

نذیراں: او کینویں؟

اللہ رکھیہ: ڈیکھ حُرمت دی ما! اے گالھ اے وپاردی۔ جیس ویلھے دھی بھین دارشتہ کریندے ہوں ویلھے

ہک ہک گالھ گنتی پوندی اے پورا سارا بننا پوندے۔

نذیراں: سارا؟

اللہ رکھیہ : اونویں تاں سائول دا پو خدا بخش میڈا سبکتی اے۔ چنچ پٹ کٹھے مریندوں۔ پر اوں کئے زمین دا ہک مرلہ کینی۔ گھرای پے دی زمین اچ بٹائی پیٹھے۔ کل کوں زمیندار اونکوں اٹھا چھوڑے جینویں پیرنٹ ماچھی دی مڈی چوا چھوڑی ہس راتورات۔ تاں اسیڈی دھی تاں رُل ویسے نہ درد رتے۔ میکوں ایہا گالھ ڈریندی اے۔ میں ہن ساگوں اے ڈھک نی بھریندا۔

تریجھا منظر

1 زمیندار دادرہ۔ ریڈیو دچدا پے تے عطا اللہ عیسیٰ خیلوی دا ڈو ہڑہ چلدا پے۔ زمیندار حقہ بیٹھا پیندے | خدا بخش : سائیں بختیں آلا۔ زمیندار سائیں۔ سلام تھی گیا۔

زمیندار : آ خدا بخش آنگھ آ۔ اوڈے پرے نہ بہہ۔ میڈے پیریں نال بہہ لتاں گھٹ بیٹھا خدا بخش : [خوش تھی تے] جیا سائیں اول حاضر۔ پیرد گھیر وچا۔ [لتاں گھٹن بہہ ویندے] زمیندار : کیویں آئیں خدا بخش؟

خدا بخش : بس سائیں توے کوں سلام کرنا ہا۔ اسیڈے تاں ماپیووی تئساں او۔ جیرھی لوڑ تھیندی اے بھنے آندوں تئساں ڈے، مُنڈ بھ قدیم دے جُجے تے جو تھیو سے۔ اسیڈے سرتے تو ایڈا ہتھ نہ ہووے باتاں پتے نی کتھاں دھکے ودے کھاندے ہووے ہا۔

زمیندار : ہوں

خدا بخش : سائیں میں ہک عرضی چا آیاں۔ بے بیج پوے تاں میں لکھ کھٹیا زمیندار : آکھ

خدا بخش : سائیں میں تو ایڈے چار ایکڑ رہیندا کھڑاں ڈھوری آ لے ہر ہمیش اوں اچ فصل رہینداں، ودھینداں، پلینداں، کھاد، بچ، سپرے، ہل، پانی، دروگڑا، کہیں شے اچ کمی نہ رکھیندا۔ زمیندار : بابا! اے تیڈا فرض اے، ولا حصہ وی تاں گھن ویندیں توں۔

خدا بخش : جیا سائیں۔ میڈے اُتے کرم کریندو۔ میکوں مُٹھ دا نیں دی ڈے ڈیندو۔ میڈے پال کھاندن۔ توے کوں دعائیں ڈیندن

زمیندار : میں تیکوں سب توں چنگے ایکڑ ڈتم۔ کئی بندے زور لائی کھڑن جو اے ایکڑا سیکوں ڈیو۔ پر میں انہاں کوں ہانم کریندا۔

خدا بخش : بختیں آلا۔ میڈے تاں ماپیووی تئساں او۔ میکوں تاں پاٹاں اے تئساں تے۔ ہن میں اے عرضی چا آیاں جو پھٹیاں وڈیاں تھیاں آندین۔ انہاں کوں کھاڈ ڈیونی اے۔

سہ ماہی سرانیک کی بہاولپور

زمیندار: ہاڈے نہ کھاؤ۔ سچیندا کیا و دیں؟

خدا بخش: جیسا سائیں اول حاضر پر کیا کراں کھا دیکھتے پیسے نی بندے پے۔

زمیندار: ڈیکھ بابا! اے میڈا ذمہ کوئے نی

خدا بخش: جیسا سائیں! سچ فرمائے وے۔ پر بے کربو چا مہربانی۔

زمیندار: کیا دی مہربانی؟

خدا بخش: آپٹے منشی کوں آ کھو چا میکوں کھا دیاں پوریاں چواڈیوے ول پھٹیں تے میں اول حاضر۔

سب توں پہلوں کھا دے پیسے رسے ساں۔

زمیندار: اے میں نی کر سگدا

خدا بخش: بے تھی و نچے مہربانی

زمیندار: [چڑتے] کیونویں تھی و نچے مہربانی۔ اچ میں تیکوں پوریاں چواڈیوے کل بخشو آ ویسے، میکوں

کھا دے، پی فجر پیرٹ آ ویسے، کر مونگے، جعفر، دینو بگھا۔ میں کینہہ کینہہ کوں نہ کریاں۔ نہ بابا نہ۔

اے اپناں آپ کر۔ کھا آ پے پابھانویں ڈھور، پچٹناں پووی، وچ۔ پر پھٹیں کوں کھا دے۔

خدا بخش: سائیں! میں ڈھور کیونویں وچچاں؟ ڈھورتاں میں ہال دی شادی کیتے رکھی کھڑاں۔ ہیں

سیالے سانول دی شادی تیار اے۔ سانول توڈا غلام اے توڈا بانہاں اے۔ ہیں درددا پلایا اے۔

زمیندار: پھٹیاں پلیسیں تاں ہال دی شادی وی کریسیں۔ بے شادی کرنی اے تاں ڈاہ دی جاہ تے

وہہ پوریاں پاتاں جو چار پیسے وچ پوون تے شادی دا پور بھگتا و نچے۔

خدا بخش: ہیں سانگوں میں عرض بیٹھا کرینداں سائیں کوں

زمیندار: توں ولا ولا عرض نہ کر۔ میڈا جواب اوہوای۔ ہٹ ویندا ڈیکھاں تیکوں

خدا بخش: تے سائیں بے کھا دے انتظام نہ تھی سگھے میں کنوں ولا؟

زمیندار: ول رہی نہ سکانویں۔ ویلھے تے ڈسانویں میں اے کپاہ کہیں بے کوں ڈے ڈینواں

خدا بخش: سائیں اے تاں ظلم تھی ویسے میڈے اُٹے

زمیندار: اے ظلم توں آپ کریسیں

خدا بخش: اچھا سائیں میں زال دیاں مرکھیاں گلوینداں چا۔ کھا دے پیسے وی بن دیں تے سپرے

وی تھی ویسے۔ اللہ سائیں رنگ چالاتا کپاہ کوں تاں سارے بگتھے سوچ ویں۔

چوتھا منظر

اور توں پکی چل دی آواز آندی پی اے۔ سانول آٹے کھیت اچ کھی نال پتہ
کھڑا نہلیندے۔ کھی مارٹ نال 'ہا، شو، ہا شو' دی آواز آندی پی اے تھک تے
سای کڈھن ہندے تاں پرے کنوں کوئی زنانی آندی نظر دی اس]

سانول: اللہ نہ بھلاوے تاں ایہا ہے حرمت [گیرے دے گھوکن دی آواز آندی اے] سانول آج
تاں قسمت سانگا پی بندی اے۔ اچ حرمت نال کھل تے گالھ کرینداں۔ پتہ نی میڈی زبان کوں کیا
تھی ویندے جو حرمت دے اگوں گالھ نی نکلی منہ توں۔ [گیرے دے گھوکن دی آواز آندی
اے] میں کنوں اے تاں گیرے وی چنگے جو پچیندن، آکھ چھڑیندن۔ ذرا رانی نی رکھیندے۔ شرع
دی گالھ اچ کیا شرم۔ آوے حرمت ڈیکھ میں کیوں وچن پے وینداں دول آنگے۔
حرمت: [کھل تے] مسات سلام تھی گیا

سانول: میں وی کیرھی ویل دا سلام چائی کھڑاں۔ مسات مٹھی ذات کیتے۔ کیڈے بھلیے و دو
حرمت: بابے سائیں دے روٹی چائی ویندی آں او پھٹیں اچ دروگڑا بیٹھا ویندے
سانول: اچھا اے روٹی بابے سائیں کیتے چائی ویندیں۔ میں سمجھیا میڈے کیتے چا آئیں
حرمت: تئساں منہ دھو بہو۔

سانول: ول ایڈوں لنگھی کیوں ایس؟ ولا کیوں ماری؟ رستہ تاں پروں ویندے۔ کھوہ آ لے پاسوں
حرمت: اسیڈی مرضی۔ اسماں جیڈوں لنگھوں۔ توں جھل سگدیں اسیکوں؟
سانول: نہ سائیں نہ۔ میڈی مجال اے تو اکیوں تاں سرکاری ای نی جھل سگدی
حرمت: اچھا توں نی جھلیندا؟ تاں ول ویندی پی آں میں

سانول: نہ نہ نہ۔ میں جھلیندا پیاں۔ کھڑکھڑ میڈی گالھ سن اے سرتے کیا چٹی و دیں؟
حرمت: مٹی دی مٹکی اے۔ کمبھار کنوں گدھی ام

سانول: اوتاں میکوں وی نظر دی پی اے پر اے ڈس ایس وچ پانی اے یا لسی اے؟
حرمت: لسی اے بابے ہو ریں کیتے چائی ویندی آں

سانول: ہک گلاس میکوں ڈیسیں لسی دا؟
حرمت: توں کیا کریسیں؟

سانول: ہتھ منہ دھو یاں۔ گہلی لسی کیا کریندی اے؟ پیساں بیا کیا کریساں؟

سمہ ماہی سرانیکی بہاولپور

حرمّت: [لسی گلاس اچ پاوٹ دی اواز] اے گھن لسی میں تاں لکھی ہیں ساگوں آں جو تیکوں لسی دا گلاس پلائی ونچاں

سانول: گاوی لسی وی کیا عجب شے ہے ولا ہووے وی تیڈے ہتھ دی سواد آدیندے [یکا یک نظر پوندی اے] اے انگل کوں پٹی کیوں بدھی؟ خیر ہے؟ [پریشان تھی ویندے] کیا تھیے؟ کیا تھیے؟ ڈس حرمّت: چرخہ بیٹھی کتیندی ہم تکلہ لگ پے رت دیہہ پی اے ہیں ساگوں پٹی چا بدھی ام سانول: بھالا چرخے کوں۔ تیں کیرھا ڈاج جوڑا اے چرخے نال

حرمّت: ڈاج تاں سانول میڈا بنیا پے۔ اُبھے دے کھیس، لے دے تھاں، سلماں ستارے آلے کپڑے، رنگیلی کھٹ، بابا آہدے میں شہری میز کرسیاں وی گھناڈیاں۔ وستی اچ بجلی آونچے تاں میں پانی ٹھدا کرن آلی مشین وی گھنساں۔ جیں اچ برف چا آندی ا۔ تے چیزاں جو رکھو امان رکھیاں رہندین۔

سانول: اے کمال اے مشین وی۔ ول ہن دیر کیا شے دی اے شادی اچ؟ حرمّت: دیر تیڈے پاسوں اے سانول! میڈا مایو سمل بدھی بیٹھے انہاں داوس چلے تاں میکوں اچ ای ٹور چھوڑن

سانول: اچھا! ول میں پٹھاں مایو کوں رشتے سانگے حرمّت: ایہا گالھ میں پَر، پرار دی سندی آندی آں تاں کنوں سانول: گالھ تیڈی وی ٹھیک۔ اے پر میں کیا کراں۔ ڈرتھیندے تیڈا بابا نہ نہ کر چھوڑے حرمّت: کیوں؟ بابا کیوں نہ کرے؟

سانول: تساں امیر لوک او۔ توئیڈی آپنی زمین اے آپنی فصل۔ آپنی۔۔۔ حرمّت: توں اینویں گالھ نہ ودھا۔ میڈی اماں وی تاں ہے آخر او تیڈی ماسی لگدی اے۔ او سمجھا ڈیے سارا دادھا گھاٹا بابے کوں۔ توں پٹھ مایو کوں [گیرے دے ولا گھوکن دی اواز آندی اے] اے گیرا بیٹھا کیرھے لکرتے ہے۔ میں ڈیکھاں تاں ہی [دید چاتے ونیس دے ڈہدی اے تاں نظر سمجھتے پوندی اے۔ پریشان تھی تے] ہائے میں مرگی سمجھ سرتے آگے میں حالی روٹی نی پچائی بابے کوں! سانول توں ہیں گالھیں داگھوڑ۔ میکوں گالھیں لواڈتی تے بابا اوڈے بگھا بیٹھا ہو سے۔ میں ویندی آں سانول: ونجو سائیں ونجو رب دی امان اچ ہوو۔۔۔ اے گلاس چائی ویسویا میڈے مایو چائی آون ٹام کوں [پلٹ تے گلاس گھن گھندی اے]

بینجوان منظر

[رات کوں عشاء دا ویلھا اے۔ دتی اچ پچپ اے۔ اللہ رکھیہ تے اوندی زال
نذیراں گھر پیٹھن۔ حرمت گھر دے چھوٹے موٹے کم و دی کریندی اے۔ دتی
دے جو ہڑتوں مینڈک دے ٹراوٹ دی آواز آندی پی اے۔ پرے توں کہیں
ترپدے پاندھی دے ڈوہڑے سنیدن۔ اوندی آواز آندی پی اے پر لفظ سمجھنی
آندے۔ یکا یک گلی دا کتا بھونکن پے ویندے]

خدا بخش: پچپ اوئے [مائیک توں پرے] سنجیندا نہیں۔ لنگھن تاں ڈے اسیکوں۔ میں خدا بخش آں
میڈے سائیں اللہ رکھیہ دانگتی۔ شاداں! توں پرے تھی متاں وات مار گھنے تیکوں۔
شاداں: ہیں موئے کوں بدھنی چھڑیندے

نذیراں: [مائیک دے نال] الاتاں میڈی بھیٹ دا اے [کتے دے بھونکن دی آواز]
اللہ رکھیہ: حرمت! دھرک دھی اے ماسی کوں گھن آ۔ متاں کتا جھٹی مار گھنے۔

حرمت: [حرمت دھرکدی ہوئی ویندی اے۔ کتا اونکوں ڈیکھتے لیٹن پے ویندے] ماسی میں ایندی
گئی تے پیر رکھیندی آں تاساں لنگھ چلو۔ [ذرا جیہا وقفہ]

خدا بخش: وو دے بابا! گھر آ لے بیٹھو۔ ستے تاں ناو دے پے۔
اللہ رکھیہ: آ خدا بخش آ، لنگھ آ۔ کجھی جلدی کون سمھدے

خدا بخش: سلام علیکم اللہ رکھیہ!

اللہ رکھیہ: وعلیکم سلام خدا بخش! ایڈے پہا اے پی کھٹتے۔ اوں کھٹ دا پاوا بھنا پے۔
خدا بخش: کینویں بھنے پاوا؟

اللہ رکھیہ: کل جیرھا مینہ ویسے۔ ایہا کھٹ ہر پی ہئی تیڈی بھجائی نذیراں توں کھٹنی چوی تاں
کندھی نال لاکھڑائی اس پسی جو ہے تاں آپے زور توں پاوا بھن چھوڑ لیس۔
نذیراں: آندیں میڈیاں شکایتاں لاوٹ پے گیو۔ انہاں کوں پلہاؤ تاں سہی، آ۔ ادی۔ آ۔ ایڈے
بہہ۔ میڈے نال۔ سانول بھڑاے؟

شاداں: اللہ دا احسان اے۔ حرمت دا کیا حال اے؟ بیمار جو ہئی؟

نذیراں: نہ ہن تاں ٹھیک اے۔ گھر واکم کار کریندی ودی اے۔ اچ ڈو پھریں کوں روٹی دی چاگی ہئی
بابے ڈے۔

شاداں: ڈاڈھی سیانی دھی اے۔ اللہ نصیب چنگا کرس

نذیراں: ہا بھینٹ۔ مایو دیاں تاں دعائیں ہوندین

شاداں: [خدا بخش نال] سانول دا پیو آ کر گالھ

خدا بخش: توں کرنہ گالھ۔ سانول دی ماتوں ایں۔

شاداں: گالھ جوانیں دی اے۔ جوان کریندن

اللہ رکھیہ: میاں کیجھی گالھ اے؟ بچھارتاں تاں نہ بھناؤ۔

خدا بخش: سائیں! اساں ہک وڈا کم آئے بیٹھوں

اللہ رکھیہ: جی ڈسو [لجھ اچ ذرا جی اجنبیت آویندی اے]

خدا بخش: ادا میکوں لمبی گالھ تاں فی آندی ماسٹر صاحب آنگوں۔ گالھ اے ہے جو سانول نیلگر جوان

تھی گے۔ اسیڈی دھی حرمت دی سیانی تھی گی اے۔ اساں آئے تاں ہیں رشتے واسطے بیٹھوں۔

اسیڈی عزت کرو چا۔

شاداں: سانول تو ایڈا بھنجا اے۔ حرمت میڈی بھنچی اے۔ ادی نذیراں سندی بیٹھی ایں؟

نذیراں: ہا ادی

شاداں: میں تے نذیراں بھینٹیں اوں، آپت اچ رل پوسوں تاں ہاں ٹھر پوسے اسیڈا۔ کیوں ادی

میں سچ آہدی آں نہ؟

نذیراں: ہادی [چپ تھی ویندی اے فضا اچ بے تکلفی دی جاہ تے سنجیدگی آویندی اے تے فضا بو جھل

تھی ویندی اے]

شاداں: بسم اللہ۔ ہا کرو تے گڑ وٹڈوں

خدا بخش: شاداں توں گڑ چائی آئیں نہ

اللہ رکھیہ: سائیں تو ایڈا آوٹ برحق اے۔ تاساں جو گالھ کیتی اے ساری ٹھیک اے۔ پر چھڑی گوں

مینہ دا سودا جو کر تیجے تاں وی سو گٹری کریندی اے۔ اے تاں رشتے دا معاملہ اے۔ ایں وچ تاں

ہک ہک گالھ گنتی پوندی اے

خدا بخش: توں گرن۔ سوداری گرن۔ پر چنگی گرن

شاداں: ادا۔ اساں وڈی جج نال آئے بیٹھوں

اللہ رکھیہ: خدا بخش جینویں توں گالھ سدھی سویں کریندیں اینویں ول پھیر میکوں وی فی آندے۔ میں

بندہ آں وکھری تائپ دا۔ کم دی گالھ بک منٹ اچ مکا چھوڑینداں۔

خدا بخش: ہا بھراڈ سوناں | امید نال | مکا وناں ایہا گالھ
اللہ رکھیہ: خدا بخش سبگ آلی جی رہی گالھ کیتی۔ اے نی تھی سکدی
خدا بخش: او کیوں؟

اللہ رکھیہ: گالھ اے ہے جو بندہ دھی دا سنگ جو ڈیندے تاں اگوں پچھوں سچیندے۔ وادھا گھاتا
ڈب دے۔ تیڈا حال اے ہے جوتا میں کئے زمین دامر لہ کائے نی۔ نہ کھوہ، نہ باغ، نہ فصل۔ زمیندار
دے بختیں تے فصل رہیدیں۔ جیس سال تیکوں زمیندار زمین نی ڈیندا تازی مزدوری کریندیں
جی رہی کڈا ہوں گی کڈا ہوں نہ گی۔ تیڈا تاں گھرای پے دی زمین تے ہے۔ کل کوں او اٹھا چھوڑے
تاں میڈی دھی تاں رُل گی نہ۔ میں اونکوں کتھاں لبھے ساں؟ خدا بخش سبگ آلا ورقہ پھاڑ سٹ اے
نی تھی سکدا

اندیراں چپ بیٹھی رہندی اے۔ شاداں رووٹ پئے ویندی اے۔ اوندے

ڈسکارے تھوڑی دیر چلدے رہن [

خدا بخش: نہ روشاداں۔ نہ رواٹھی چلوں۔ اللہ سائیں چلی گئیے

چھینواں منظر

[زمیندار دا بیوب ویل چلدا پئے۔ اوندے چلن تے پانی دے وہن دی آواز آندی پی اے۔ زمیندار
موڑتے بیٹھے چھا]

خدا بخش: سائیں بختیں آلا سلام تھی گیا

زمیندار: آ خدا بخش آ

خدا بخش: سائیں میں آپ حاضر تھیواں ہا۔ پر کم اچ اتجھا رُدھارہ گیاں جو ویلھ نی ملی۔ شام کوں
سائیں دا بندہ آیا ہا جو سائیں سڈیندے پن۔

زمیندار: [رکھائی نال] ولا شام گی، سویرگی، ہن ڈوپہریں کوں آن کھڑیں۔ اتجھا وڈا آدمی بن گئیں
توں۔

خدا بخش: [زمیندار دے بدلے ہوئے تیور ڈیکھتے پریشان تھی ویندے] سائیں میں تو ایڈا غلام آں
تو ایڈا نمک کھانداں۔ تو ایڈے دریں تے پلداں۔ اے پانی کتھاں لگا کھڑے بورنگ دا؟

زمیندار: اوندے سوال کوں نظر انداز کرتے [کپاہ کوں کھاڈتی؟

خدا بخش: کوئے نہ سائیں۔ پیس دا انتظام نی تھی سگیا۔ زال دیاں مڑکھیاں چا گیا ہم گلاوٹ، پراگوں سار آکھیں اے سارا کھوٹ اے کجھ نہ وئیے۔ پیا کوئی رستہ وی نظر نی آندا۔

زمیندار: ہن کیا رستہ ڈیکھسیں، کپاہ کوں پھل بگ بگن لوکیں دیاں کپاہیں گوگڑے چائی چن بخشو، مینا، پیرٹ ڈوجھی دفعہ کھا دیندے پن، توں حالی سمبر داودیں۔ تیڈی کپاہ دھرتی اچ پی اے۔ ہن کھا دے آوی گی تاں کہے کم دی۔ ویلھا تاں گزر گیا۔ نقصان تاں تھی گیا۔

خدا بخش: [کوئی جواب نس بندا] جیا سائیں حق اے

زمیندار پچھلے سال تاں سپرے اچ دیر کر ڈتی ہی۔ فصل کوں کیڑا کھا گیا ہا

خدا بخش: [مچل تے] نہ سائیں نہ۔ میں سپرے تاں کیتی ہم پر شاید دواڈ و نمبر دی ہی۔ اثر گھٹ کیتا ہس پیس داروں

زمیندار: [ہوں غصے آ لے انداز اچ] تیڈے پتر کوں آکھیا ہم دیرے تے چھٹکا مریندار ہے۔ ڈو چھاڑے نس مار یا چھٹکا۔ اونکوں پتہ نی کیا دی تری آگی اے۔ جڈاں ڈیکھو میلے تے تیار اے۔ نہ کم دا نہ کار د دشمن اناج دا۔

خدا بخش: سائیں تو ایڈا غلام اے۔ اسیکوں تاں تو ایڈا آسرا اے۔

زمیندار: کل وستی آ لے تیڈی دھاں چا آئے ہن جو توں پرنا لہ اتھا ہیں لئی کھڑیں۔ مینہ وسے تاں پرنا لے دا پانی گلی اچ تھی کھڑے جیرھا لنگھدے او ہوڈھہ پوندے۔

خدا بخش: بختیں آلا میں پرنا لہ کتھاں چا ونچاں؟ ہر کہیں دے پرنا لے گلی اچ لگے کھڑن۔ گامو، بخشو، شہر، ہر کہیں دے پرنا لے۔۔۔

زمیندار: [اوندی گال ٹمک تے] بابا میں تاں کنوں تنگ تھی گیاں توں چا مڈی بستر اتے نکل اتھوں۔ میڈی جان چھوڑ۔ کوئی پیدا درگول۔ لڈا تھوں۔ بھج ونج۔ فخریں میں تیکوں وستی اچ نہ ڈیکھاں۔ سُن گدھی۔ اٹھی ہن تھی روانہ۔

ستواں منظر

[ڈھلدی شام دا ویلھا اے خدا بخش دے گھر ڈاندرنگدے کھڑن کہیں کہیں ویلھے اُلو

دے پولن دی آواز وی آویندی اے۔ دروازہ کھلن دی آواز آندی اے]

سانول: [ٹھڈا ساہ بھرتے] آحرمت آ۔ لنگھ آ کینویں بھل پیں؟

حرمت: [بے باکی نال] ماسی کتھاں اے سانول؟

سانول: شریفاں دی دھی پیارا اے اوکوں پھنٹ گئی اے

حرم: اچھا دل میں دیندی آں

سانول: پہہ آ ویسے نہیں۔ آہدی پی ہئی میں کھڑیں پیریں دل آساں۔ آندی پی ہوئے۔ اوڈے

کندھی تے نہ پہہ ایڈے کھٹ تے آن پہہ۔

حرم: [شوخی نال] کیوں؟ کندھی تیڈی بھج پوسے؟ تیکوں کندھی ڈھیر پیاری اے میں کنوں؟

سانول: [غمگین اواز اچ] حرم تہن برچھیاں نہ مار۔ مذاق دے ویلھے لنگھ گے

حرم: مذاق دے ویلھے تاں آئے نی سانول۔ توں آہدی لنگھ گے۔

سانول: بابے تیڈے آوٹ جونی ڈتے۔ اوہا سوداگریں آلی گشتری کیٹس نہ؟ اوہو کجھ تھیا نہ جیندا ڈرہا

حرم: جڈاں تیکوں پتہ ہا جو اے کجھ تھیسے دل شکایت کیوں کریندی؟

سانول: توں آہدی ہاویں۔ میڈی ماسجھا گھنسے بابے کوں۔ اوہ سنبھال گھنسے سب کجھ۔ پراو کجھ نہ کیتا

ذرہ نہ بولی ہوں ویلھے۔

حرم: اوکیا پو لے ہا۔

سانول: کیوں؟ اوکجھ نہ پو لے ہا۔ اوہا حق نہ بڈا ہا۔ آخر میں بھٹیجا ہاں اوہا۔ اوہ آکھے ہا جو میں

بھینٹ کوں نی چھوڑ سگھدی۔ حرم داپو آ۔ اے گالھ مٹی پوسی۔ اے کم اینویں تھیسے۔

حرم: اماں اے گالھیں تاں کرے ہا جو بابے کوں پتہ نہ ہووے ہا جو میڈی ماتے تیڈی ما آ پت اچ

بھینٹیں ان۔

سانول: تیڈا مطلب اے ماسی دا قصور وی کائے نی۔

حرم: میں اے نی آہدی۔

سانول: دل توں کیا آہدی؟

حرم: میں آہدی آں توں اتنی بدظنی نہ پال دل اچ ہر کہیں دی مجبوری ہوندی اے۔ ہر کوئی دھرتی

ڈیکھتے پیر رکھیندے۔

سانول: ہن توں میکوں اے ڈسٹ آئیں جو توں وی دھرتی ڈیکھتے پیر رکھیں؟ میکوں میڈی

اوقات یاد ڈیو یسیں؟

حرم: نہ سانول میں ایس ساگوں نی آئی

سانول: دل توں کیا آہدی؟ ڈسٹ تائیں کیا سوچے؟

حرمّت: توں ڈس تائیں کیا سوچے؟

سانول: میں سوچن جو گارہ گیاں بھلا؟

حرمّت: دل دی۔ آخر کجھ تاں ہو سے میڈے دل اچ؟

سانول: حرمّت! تاں امیر لوک او۔ تو ایڈے گھراج پا پیسہ اے تیکوں رشتیں دا کال کائے نی۔ تیڈا بیوہ
ہک سڈ مریسے اٹھ سانول نکلتے آسن ہر پاسوں۔ بابا نیڈے کیتے چوٹواں رشتہ گھن آسے۔ زردے
پلائیں دیاں دیگاں چڑھسن توں سونے اچ تلکسیں تے ریشم ہنڈ یسیں۔

حرمّت: میں اے نی پچھیا۔ میں پچھدی آں توں کیا کر یسیں؟

سانول: میں تیڈی شادی تے کاٹھیاں چیریاں، پانی بھریاں [آواز سنگھ اچ بہہ ویندی اس] لوکیں
دے ہتھ دھویاں

حرمّت: بس کر سانول: بس کر [آواز رقت خیز تھی ویندی اے] میں اے سنٹ نہ آئی ہم

سانول: [جھلاتے] دل توں کیا سنٹ چاہندیں میں توں [ڈکھ بھری موسیقی چلن پے ویندی اے] مائی!
اساں غریب لوک اوں۔ اساں تھاں دی تل اوں جینکوں ہر کوئی ویٹ چھڑیندے اساں چلھ دی کیری
اوں جیس کوں روڑی تے چاٹیندن۔ اساں بنے دی مٹی اوں جیس کوں پیریں نال لتزیندن۔ اساں
فجریں ٹر ویسوں۔ اے وتی چھوڑ ویسوں۔ اساں پردیسی لوک اوں۔ اسیڈے ڈکھ نہ پھول۔ حرمّت!
اساں اڈردے پکھی اوں جیس کیتے کوئی درنی کھلیندا۔ اساں او پاندھی اوں جہاں دی کوئی منزل نی
اساں ٹر ویسوں تے ساری وتی اسا کوں بھل ویسے۔

حرمّت: [آواز اچ کاڈتے ڈکھ ڈوہیں رلیے ملیے ہوون] سانول! ہنٹ میڈی گالھ وی سٹ۔ تائیں
ایہو آکھیے نہ جو اساں ٹر ویسوں تے ساری وتی بھل ویسے اسا کوں ہا بھل ویسے ساری وتی پر میں
تاں وتی کینم۔ تائیں میکوں کینویں وتی سمجھ گدھے۔ کیا میں تیڈے کیتے اونویں ہاں جینویں ساری وتی
اے؟ سانول! توں میڈا اندر پھولی؟ میڈے دل توں کچھی؟ میں تے کیا گزردی پی اے؟ قصور
میڈے بابے دا اے تے میںھیں توں میکوں ڈیندیں۔ گالھ میڈی اماں نی کیتی تے اُھیں توں میکوں
ڈیندیں۔ توں میکوں ہیں ساگوں گوڑا کرن چاہندیں جو میں تیکوں سارے جہان توں سچا منیندی
آں۔ میڈے نال اینویں نہ کر۔ میکوں دھکے نہ ڈے۔ حیاتی اچ وچھوڑے وی آندے رہندن پر
آپنیں کوں روواتے کوئی نی ویندا۔

اٹھواں منظر

اُور توں گھنٹیں دی آواز آندی اے جیرھیاں اٹھیں دے گل اچ ہوندیں - نال
ای کہیں ساربان دی 'لولی' دے پل دی سٹیندن - لولی وچھوڑے دی ہو دے تے
منظر شروع تھیونے]

شاداں: میں آہدی آں سانول! سارا سامان ہکا گاڈی تے کیناں آسکے -

سانول: ول کیا کروں؟ پیرن وی نی ڈتی آپنی گاڈی - عذر کر گے -

خدا بخش: ابا! عذر اوہیں سانگوں کر گے جو متاں زمیندار ناراض تھیوے -

شاداں: ڈیکھ دنیا دا حال - کینویں منہ پھیر گبن -

سانول: کوئی ویلھایا دیکھنی - اساں انہاں دیاں ونگاراں ڈیندے رہیوے -

خدا بخش: آ سانول - کلہو لے توں دانے کڈھ گھنوں -

شاداں: ہا - اے تاں میں ڈسیانی - سویرے جیس ویلھے تاساں نماز پڑھن گیومیت اچ، زمیندار دانشی

آیا ہئی جو پچھلے سال جیرھانج گدھا ہاوے اوتاں ڈیو - ترکڑی وٹا چائی آئے دانے تول تے چاہے -

ہن بس لپ دانیں دی پی ہو سے -

خدا بخش: [ٹھڈا شکارا بھرتے] رب سائیں آں - اساں توں کیرھا قصور تھی گے - اسیکوں بخش ڈے -

شاداں: کل اساں سبگ گھنٹ دیں ہواکیں اچ ہا سے - اچ گھر دے دانے کونیں -

سانول: پالٹتاں چا گھنوں - کم ڈے سے اگیے -

خدا بخش: بھالا پتر پالٹ کوں - اووی مینہہ دا پسا پے -

شاداں: ویہ سال توں ایس وستی اچ رہندے پے ہا سے پر زمیندار اینویں کڈھ چھوڑے جینویں مکھی

کڈھ چھڑیندی اے لسی توں -

خدا بخش: اچ کوئی کنال مرلہ آپناں ہو دے ہاتاں لڈتے اتھائیں نہ تھی بہوں ہا -

شاداں: کنال مرلہ آپنا ہوندا تاں وستی آ لے اینویں منہ نہ پھیر ویندے -

سانول: کنال مرلہ آپنا ہوندا تاں تاں خالی تھہ نہ آندے اللہ رکھیے دے گھروں -

شاداں: مینڈے پتر داسا نگا نہ تھی ویندا - میں تاں آپنی بھینڈیراں تے حیران آں جو اووی گوٹھ مار

تے پیٹھی رہ گئی پے کوں ذرانہ ولدی ڈلتس جو اے رشتہ ڈیوں چا -

سانول: اماں! حرمت وی کجھ نہ ہولی

سہ ماہی سرانیک کی بہاولپور

خدا بخش: پتر کلاتھی گئیں۔ دھیاں وی ہلیندین بھلا ایں موقعے تے۔
 شاداں: آرا چلا چھوڑیے نیس میڈے پتر تے۔ ڈیکھتاں ہی سکی کاٹھی آنگے منہ تھی گے ایندا اے
 ٹھہندی نہ ہئی انہاں کوں۔
 خدا بخش: کیا رنیں آ لے مٹھیں چاہیٹھیں۔ اٹھی کم کرمان بدھ۔
 شاداں: اٹھدا ساہ بھرتے [پرسا نول داپو آ] غمگین موسیقی وجہن پے ویندی اے | اسماں ویسوں
 کتھاں؟ اسیکوں جاہ کون ڈیے؟ ہڈھ پیسے اچ اے ڈیہہ وی ڈیکھناں ہا۔ اسماں تاں رل مرسوں۔
 پتہ نی ڈوگرز مین وی ملے یا نہ ملے؟

نانواں منظر

[اللہ رکھیے دا گھر۔ لالی دی آواز پیہو پیہو آندی پی اے]
 اللہ رکھیہ: اے لالی کیا پیہو پیہو دالو ہریندی پیٹھی اے نذیراں؟
 [لالی دی آواز پیہو پیہو ولا آندی اے]
 نذیراں: حرمت داپو آ لالی جیہیں گھر اچ پو لے آہن اٹھاں مہمان آندے پے ہوندن۔
 اللہ رکھیہ: اے عجب ڈھکو سلے ان رنیں دے۔
 نذیراں: لالی آہدی اے پیہو پیہو جو چکی تے اٹاپنہہ گھنومہمان آندے پن۔
 [لالی دی آواز ولا آندی اے پیہو پیہو]
 نذیراں: [لالی کوں ولدی ڈیندی اے] مائی لالی! اٹاپیٹھاپے، پیٹھاپے توں ونج گھن آ، مہمانیں کوں
 گھن آ۔

[دروازہ کھڑکن دی آواز آندی اے]
 اللہ رکھیہ: کون اے میاں دروازے تے؟
 خدا بخش: دووے سائیں اسماں آؤں پے۔ میاں گھر آ لے بیٹھو۔
 اللہ رکھیہ: اے تاں خدا بخش دی آواز اے۔ اچ مدتیں بعد سٹی اے۔ ہا اوڈیکھ خدا بخش نی۔
 نذیراں: شاداں وی نال آئی اے۔ پچھو آندی پی اے۔
 خدا بخش: سلام وعلیکم! میاں گھر آ لے او، سنجائی اللہ رکھیہ!
 اللہ رکھیہ: وعلیکم سلام! خدا بخش تیکوں نہ سنجیساں۔ نگھ آ۔
 نذیراں: ادی اچ کینویں بھل پیں۔ کئی سال گزر گبن تو ایڈانہ اتانہ پتا، نہ سلام نہ سنیہا۔ اسماں لہ لہ

تھکوں پتانی کیرھی روہی تے وٹج پٹھو۔

شاداں: بس بھیٹ اتجھے رُدھے رہ گیوں جو دیھ نی ملی۔

نذیراں: ادی توں تاں موٹی تھی گی ایں وجود بار تھی گے۔

شاداں: ہن کم کارگھٹ کریندی آن ہیں ساگوں۔

نذیراں: کیوں بیمار تاں ناکیں رہندی؟

شاداں: نہ اللہ دا شکر اے۔ چھوٹا موٹا قصور تھیندے تاں ڈاکدار کنوں دوا گھن آن دی آن

نذیراں: [مرعوب تھی تے] اچھا ڈاکدار توں؟

شاداں: حرمت دا کیا حال اے؟

نذیراں: اندرستی پی اے

شاداں: کیوں خیر اس؟

نذیراں: پتانی بھیٹ کیا تھی گس۔ ڈاڈھا دوا داروں کرائے سے۔ مولوی صاحب تعویذ پھل ڈتن حکیم

دے جو شانہ دے پیتے نس۔ پر بیماری چھڑیندی نیں۔ میڈی دھی کوں تاں سوی لگ گئی اے۔ سُرک تے

کانا تھی گی اے۔

شاداں: کوئی سا نگا کیتی اوند ا۔

نذیراں: کتھاں؟ چھو کری منے تاں۔ اونویں تاں کئی رشتے ان پر چھو کری کھڑدی نی کتھائیں۔ اسان

سمجھا سمجھا تھکوں پر لکھ نی منیندی۔

شاداں: کیا آہدی اے؟

نذیراں: آہدی اے میں شادی کریاں کائے ناں

شاداں: کیوں؟

نذیراں: آہدی اے بس میڈی مرضی [ٹھڈا ساہ بھریندی اے]

اللہ رکھیہ: سانول دا کیا حال اے خدا بخش؟

خدا بخش: بس ٹھیک اے اللہ رکھیہ!

اللہ رکھیہ: کیا کریندے؟

خدا بخش: پھلپیں دا وپار کریندے

اللہ رکھیہ: [مرعوب تھی تے] وپار کریندے۔ وپار تاں ڈھیر ساریں پیس نال تھیندے۔

خدا بخش: اللہ دا احسان اے پاپیے دا گھانا کینی۔

اللہ رکھیہ: [ہیا حیران تھی تے] بخول تاں میں ہیٹھا کریندا

خدا بخش: بخول کیا دا اللہ رکھیہ جڈاں دی سرکار اسیکوں پارہاں ایکڑ زمین ڈتی اے اساں سکھتے تھی گیوں۔

اللہ رکھیہ: اچھا زمین تیڈی آپٹی تھی گی اے۔ اووی کٹھے پارہاں ایکڑ۔

خدا بخش: ہاواں تے کھوہ لاتم۔ امہیں دا باغ لیندا اپیاں۔ ہیں پھیرے قسطیں تے ٹریکٹر گدھم۔

نذیراں: ادا سانول دی شادی کیہتی؟

خدا بخش: ادی نی کریندا او شادی۔ آہدے میں شادی کر گدھی ام و پارنال

اللہ رکھیہ: و پارنال وی بھلا شادی تھیندی اے؟ توں گدھی کیوں نی آیا میڈے پتر کوں

نذیراں: ہادی گدھی آنویں ہا ساڈے پتر کوں

خدا بخش: پتر کوں؟ اے کیا پے آہدو؟

اللہ رکھیہ: کیوں؟ میں کوئی پی زبان پلیندا ہیٹھاں

خدا بخش: پتر تاں تائیں آپ نہ بنایا اونکوں۔

اللہ رکھیہ: خدا بخش! ڈکھیں دے ورتے نہ پھول۔ اسا کوں زمانے ڈاڈھے سبق ڈتن۔ اساں ایں

نکلتے تے پنوں جو رشتیں اچ امیری غریبی نی ڈکھی ویندی۔

شاداں: کیا مطلب؟ بھرا اللہ رکھیہ!

اللہ رکھیہ: مطلب صاف اے۔ پہلوں ٹساں سانول دارشتہ گھن تے آئے ہاوے تے اچ میں

ٹساں توں سانول منگدا اپیاں۔ آٹاں پتر بناوٹ کیتے۔

خدا بخش تے شاداں: [کٹھے رل تے حیرانی نال] کیا؟ کیا آکھی ادا اللہ رکھیہ؟

[ایں مکالمے دے اندروں شہنائی دی آواز نکلے تے ساری فضا تے چھا ونجے۔ بچ

ست سیکنڈ بعد خواجہ غلام فرید دی کافی:

’آچنوں رل یار پیلوں پکیاں نی دے‘

دا ہک بند آونجے تے او شناختی موسیقی اچ تحلیل تھی ونجے]



بالا - وسیب دا ونگارو

چنگائی تے ہمدردی انسان دی خصلت وچ شامل ہے پر پتہ نہیں اچ دا انسان کہیں ڈرکنوں ایں خصلت کون لکائی ودے تے نفسانی خواہشاں دا شکار تھی تے ایں جذبے دے الٹ کم کریندا ودے۔ پر جڈاں ونی اندردی ایں چنگائی کون موقع ملدے او بھج تے باہر آندی ہے تے اپنی سچائی کر دیندی ہے۔ گالھ صرف اتنی ہے جو اساں اپنے اندر جھاتی پاؤں تاں اسا کون اے چنگائی مچکدی نظر آسی جیویں جو بک گاڈی دا ڈرائیور تیز رفتار نال ویندا اپنے ابر غمت اگوں سڑک تے گلروی آویندے تاں اچانک گاڈی روکٹ ناممکن وی ہے تے خطرناک وی۔ اندردی چنگائی جھمکدی ہے تے خطرے دی پرواہ نہ کریندیں ہوئیں سب توں پہلے پیر بریک تے ونج پوندن تے اوں کتورے کون بچاؤن کیستے اوکوں اپنی جند دی پرواہ وی نہیں ہوندی۔

ایں جہان فانی تے کجھ لوک اتجھے بے لوث ہوندن جیڑھے اپنی جند دی پرواہ نہیں کریندے نہ انہاں کون مال و دولت نال غرض ہوندی ہے تے ناں شہرت عزت نال کیوں جو انہاں کول شمس دی طلب تے ضرورت نہیں ہوندی تے اولوک انہاں اوپریاں شمس نال کوئی غرض نہیں رکھیندے۔ اتجھے لوک ماکھی دے گھٹن آلی کار ہوندن جیڑھا بک پھل توں ڈو جھے تو نہیں ملاپ دا وسیلہ بندے تے انہاں دے رنگ تے بیج کھنڈا تے بائیاں اچ بہاراں دا باعث بندے۔

میڈی ایں کہانی دا کردار وی بک اتجھا شخص ہے جیڑھا انہاں اوپریاں شمس کنوں بے پرواہ ہئی تے آپٹیاں اکھیں نوٹن دے بعد ایں احساس دی بھاکوں بیا تکھا کر گئے اے سیہا ڈے گئے جو دنیا اچ جیون صرف آپ لیوں نہیں ہوندا بلکہ اے حیاتی پیاں کون محبتاں و نڈن واسطے ہے تے غرض تے خود غرضی دے درمیان بہوں نکا جیہاں فرق ہے۔ اتھوں اساں کجھ چاتے نہیں ویندے کیوں جو کفن دے کھیسے نہیں ہوندے بلکہ اساں یاداں ڈے ویندے ہیں۔ تہاڈیاں اکھیں اچ چمکن آ لے موتی دان کرو ویندے ہیں۔

میڈی وستی دے اوں واسی دا اصل ناں محمد اقبال ہئی پر وستی دے سارے نکلے وڈے 'بالا'

سڈ پندے ہن تے 'بالا' سڈ تچ تے 'اقبال' خود اوکوں وی او پر اگدا ہئی۔ اے تاں معلوم نہیں جو اوندا پلپٹن کجھا گزریا ہوسی پر اوندی سچاں اوں ویلھے تھئی جیڑھے ویلھے او کم کار کرن جوگا تھیا ہئی۔ وستی دی کہیں پڈھڑکوں نسوار گھناتے ڈیوٹی ہووے ہایا کہیں دے عزیز رشتہ دار دے گھر کوئی خوشی غمی داسنیہا، وستی اچ کہیں دے مہماناں دی خدمت داری داکم کرنا ہووے یا کہیں دے مال ڈھانڈھے دا گھاہ پٹھا، بالا حاضر ہوندا ہئی۔ بک ویلے کہناں دے گکڑیں کوں وٹرنری ہسپتال ٹیکے لو اوڈ چائی ویندے تاں پنے ویلے کہیں دے نکے پال دابستہ چاتے پال کوں انگل لاتے سکول گدھی ویندے، انہاں ساریاں خدمتاں دامعاوضہ صرف اے پول ہن بالا! پتر، بھرامیڈا اے کم تاں کیتی آ۔ مینہہ ہے جھڑ ہے بالے ہر نکے وڈے دی خواہش دا احترام اپنے موڈھے چاتا ہویا ہا۔

ڈو جھے پاسے ڈیکھو تاں بک ویلے بالا جنازے گاہ دی چار دیواری دے اندر پانی دا ترکا کھڑا لیندے پنے ویلے وستی دی مسیت اچ پوہاری کھڑا ڈیندے۔ خود تاں شایت اوہ پڑھیا لکھیا کیناں ہئی پر بانگ ملٹ نال تکھے مسیت آ لے پاسے ٹردا ہئی تے نمازیاں نال اوندے سجدے اوندی محبت دا اظہار ہن۔

ہر ویلے خدا تے خلق خدا دے کماں کاراں اچ ردھیا نظر آندا ہئی۔ کہیں زمیندار دانو کر بھج ونچے باتاں اوندے مال ڈھانڈھے دے گھاہ پتر کیستے بالا سڈ تچ ویندا ہئی۔ تے زمیندار دے دیرے تے بالا کئی کئی ڈیہاڑے جتیار ہندا ہئی۔ تے اوکوں ویلے کویلے اتھاں روٹی مل ویندی ہئی۔ او انہاں شمس تے راضی ہئی تے خلق خدا دی خدمت بغیر کہیں جنت دوزخ دے لالچ تے خوف دے اوندی حیاتی دامقصد ہئی۔ ناں اوکوں نویاں کپڑیاں داشوق ہئی تے ناں نویاں جتیاں پاوڈ دا اگر کوئی اوکوں کم دے بدلے رقم دالالچ ڈیوے ہاتاں او کم کرن توں انکاری تھئی ویندا ہئی تے آہدا ہئی اسا کوں پیسیاں دی لوڑ کینی۔ اے گالھ جیڑھے انداز اچ او تھہ ہلاتے کریندا ہئی اوں ویلے او دولت، عزت، شہرت دے پچھوں بھجٹن آلیاں کوں اپنی اوقات یاد کر ڈیندا ہئی۔ اولوک جیڑھے انہاں چیزاں نال اپنا قد اچا کیتی ودے ہن بالا انہاں پسانگیاں دے آسرے توں بغیر اچاتے وڈا بندہ لگدا ہئی۔ اوندا اے جملہ، ہاتھی جیڑھے قد آلیاں کوں گھاہ تے ترپدے ہوئے اوں تڈے جیڈا بنا ڈیندا ہئی جیڑھے گھاہ دے اُتے اکڑکنوں چر چر کریندے تے ترپدے ودے ہوندن۔

بالا اچے تے گھالے ون آلی کار ہا جیڑھا خود دھپ اچ سڑدے پر بغیر کہیں تفریق دے ہر کہیں کوں چھاں ڈیندے رہندا۔

بالے دی حیاتی اچ بہوں اچ جھک آئے پر او اپنے دگ تے خوش خوش ٹردار یہا۔ بالے دی کلہی چھاں دی جاء اوندی ماء ہئی جیندے مرٹ دے بعد او ترٹ گیا ہئی۔ اوندی مادے بعد اوندی منگ دارشتہ اوندے رشتے داریں ختم چا کیتا تے ہن بالے دی حیاتی اچ عجیب موڑ جیہاں آ گیا ہئی۔ اوندے معمولات اچ فرق پئے گیا ہئی۔ وتی دے چوک اچ او ہن گھٹ ودھ نظر دا ہئی۔ ہن او لوکیں دی او پری گالھ برداشت نہ کریندا ہئی تے ہر کہیں نال نکھاتھی پوندا ہئی۔ وتی دے بال اوندے پچھوں تاڑیاں مارن لگ ویندے ہن۔ او اپنی مستی اچ مست تھی گیا ہئی تے لوکیں اوکوں ہک تماشا بنا گھدا ہئی۔ شایت اوندی ماء آلی چھاں مکٹ نال اوندی حیاتی ریت داحرا بن گئی ہئی تے اوندے پیراں تی ریت تے ٹردے ٹردے چھالے بن گئے ہن۔ تے انہاں چھالیاں اوندی ٹوراچ تبدیلی کر ڈتی ہئی۔

وتی دے لوک اپنی اپنی غرض پچھوں آندے ہن تے اوندی حالت ڈکھ تے افسوس کریندے ہن تے اپنیاں صلاحیں ڈیندے ہن کوئی آہدا ہئی جو بالے تے جن پری داسا یہ تھی گئے، کوئی آہدا ہئی جو ماء دے مرٹ نال ہاں کوں لئی پئے۔ بہاں تشیص کیتی جو منگ دارشتہ ختم تھیوٹ نال اے حالت تھی ہس۔ غرض جتنے منہ انتیاں گالھیں۔ پر کہیں وی بالے دے پھول نہ پھولے اوندی بیماری نہ بھسی۔

ہن تاں کئی کئی ڈیہاڑے بالا وتی اچ نظر نہ آندا ہئی جڈاں ولے ہاتاں اوندی حالت اجڑی پئی ہوندی ہئی اوندے بھراتے وتی دے پئے لوک اوکوں پکڑتے زور نال دھنواون ہاتے نویں کپڑے پواتیل کنگھی کرن ہا پر کتھاں ہن بالا ایں ڈکھاں دی وتی توں کہیں بنی جا آ لے پاسے ٹرٹ دی تیاری اچ ہئی۔ او جاء جتھاں اوں محبناں ونڈیاں ہن اوکوں ولدی محبت دے ڈوبول وی ناں ڈے سگی۔ آخر ہک ڈیہاڑے بالا لے عرصے واسطے غائب تھی گیا۔ وتی دیاں مسیناں اچ اعلان تھیندے رہے وتی دے لوک رشتے دار اوندی گول اچ گئے۔ شایت او اے سبھ کجھ اپنے کماں کاراں دے رُکے پئے ہووٹ دی وجہ کنوں کریندے پئے ہن۔

دلوں او وی خوش ہن جو اے بیکار پاگل شخص مغروں لتھا۔ کجھ ڈیہاڑے بعد وتی اچ سویلے سویلے دھاڑ دھاڑ پئے گئی جو نال دیاں فصلاں اچ ہک لاش پئی ہے۔ ساری خلقت بھج پئی لاش ڈٹھی تاں او لاش بالے دی ہئی۔ وتی دا اے ونگارو، کماں کاہاں کنوں ناں تھکٹن آ لا بلا شایت تھک تے آرام پیا کریندا ہئی۔



خوشحال خان خٹک

پاکستان دے اُتر ڈلاہی علاقے پشتونیں دا وطن ہن۔ انہاں علاقیاں دے پہاڑ، چشمے آبشار، وادیاں تے ڈھنڈا ایں علاقے دے فطری حسن کوں رنگ لیندن تے اتھوں دے عظیم سورما، جنگجو تے زندہ روایتیں دے امین پشتون، زندگی دے ہووٹ دا احساس ہمیشہ ڈویندے رہ ویندن۔ رزم تے بزم ہر میدان وچ ایں خطے دے لوکیں دے ہووٹ دا بھرپور احساس ملدے۔ انسانی تاریخ دا قدیم ترین نشان وی اہیں علاقے وچ لبھدے، گندھارا آرٹ ہووے یا بدھ مت دیاں تحریاں، وادی سون دے حجری دور دا انسان ہووے یا ٹیکسلا دے فلسفی تے قواعد دان انسانی تاریخ اچ ایں خطے دی اہمیت کنیں اکھ نہیں پھیری وچ سگھیندی۔ ترائے لکھ سالیں دا تاریخی پس منظر رکھن آ لے ایں خطے وچ رزم تے بزم دے میدان دا ہک شہسوار خوشحال خان خٹک ہے۔ پشتون معاشرے دے داخلی تضادیں دے باوجود خوشحال خان خٹک دے بغیر پشتو ادب دی تاریخ مکمل نہیں تھی سگھدی۔ 'جاوید نامہ' وچ اقبال خوشحال کوں خراج عقیدت پیش کریندیں ہوئیں آکھیا ہئی:

آں حکیم ملت افغانیاں آں طیب ملت افغانیاں
رازِ قوے دید و بیاباگانہ گفت حرفِ حق با شوخی زندانہ گفت

پشتونیں دا ہک مستند تاریخ نگار ارف کیرو "THE PATHAN'S" وچ لکھدے: "اوپشتونیں دا پشتون ہے تمام کمزور ہیں دے باوجود اوہک اتجھا شاندار بندہ ہے جو انسان کوں اوندی تعریف کرنی ای پوندی ہے تے ایندے نال نال بندہ مجبور تھی ویندے جو اوندے نال محبت کرے۔ جیڑھا بندہ پشتونیں کوں چاٹنا چاہندے اوندے کیئے ایندی سبھاں ابتدا ہے۔"

خوشحال خان خٹک دے بارے ہک پیا تاریخ نویس جادو ناتھ سرکار "HISTORY OF AURANGZEB" وچ لکھدے: "ہک گلہا بندہ، ہک عظیم تے طاقتور حکومت جیندی نہ چھڑا مخالف ہووے بلکہ اونکوں رگڑن ساکے، اپنے سبھ زور لا چھوڑے، تے ایندے نال نال اوند اپنا قبیلہ وی اوندی مخالفت وچ اٹھی کھڑے، اے توں جو اوندی اپنی اولاد تاکیں بدترین دشمنی تے لہہ آوے گھر،

وہی، اوار، قبیلہ، منصب، جاگیر، ریاست، ہر شے کنیں ہتھ دھو بہوے تے دل دی اٹھتر سال دی عمر وچ اوند احوصلہ نہ تر لے تاں او خوشحال خان خٹک ہوسی۔“

خوشحال دادو رستار ہویں صدی دادو رائے۔ ایں دور وچ ایشیا، افریقہ، یورپ، امریکہ دے براعظمتیں دے سبھ ممالک انج انج بادشاہیں دے اقتدار پٹھ ہن۔ ایں دور وچ طاقت داسرچشمہ بادشاہ دی ذات کوں سمجھیا ویندا ہئی بلکہ یورپ وچ انہاں دے اختیارات کوں "Devine Rights Of Kings" آکھیا ویندا ہئی تے ایشیائی ممالک وچ عام طور تے سمجھیندا ہئی جو بادشاہ کوں ست ولبیں دی طاقت ہندی ہے۔ ایں گالہوں انہیں کوں ظل الہی اکھیندا ہئی۔ اکھیندن جو ہر وڈا شاعر اپنے زمانے کنیں پہلے پیدا تھیندے تے اوندی شاعری وچ آوٹن آ لے وقت دیاں بشارتاں ملدیں۔ جیویں خواجہ فرید و سب دے لوکیں کیتے بشارت ہتی جو جھوکاں تھیں آبادول! اینویں خوشحال خان خٹک ستارہویں صدی وچ اے گالہ سوچی، آکھی تے ایندے کیتے جدوجہد کیتی جو جڈاں عوام متحد تھی ویندن تاں بادشاہ انہاں دے اگوں سرنگوں تھی ویندن۔

اولسو نہ چو سند وبلہ یو مکا بادشاہاں ورتہ سجود مکاندے اختیار

اے خوشحال دی زندگی دی جدوجہد مرکز ہئی۔ اوں قبائلی جمہوریت کوں عوامی جمہوریت دے فلسفے دی صورت ڈے کر اہیں ساری زندگی اوندے کیتے عملی جدوجہد کیتی۔ مغل سرکار دی منصبداری کنیں گھن کر اہیں بغاوت تائیں تے بغاوت دے بعد عملی جدوجہد تائیں اوندی زندگی دا عوامی رنگ اوندی شاعری تے چھایا ہویا نظر آندے، پریشان خٹک لکھدن جو: 'خوشحال خان چھٹرا شاعر کیناں ہئی بلکہ نہایت بہادر سپاہی، تجربہ کار جرنیل، فلسفی، حکیم، ماہر فلکیات، ماہر انساب، تاریخ دان، سیاستدان، جغرافیہ دان، معلم اخلاق تے اعلیٰ درجے دا شہسوار ہووٹن دے نال نال پیادی بہوں کجھ ہئی۔ اوندی شاعری اوندی آزاد طبیعت دا آئینہ ہے 'عزت یا موت' اوندی زندگی دا فلسفہ ہئی۔ او اکھیندے: 'میڈے خیال وچ آکھی زندگی کنیں موت چنگی ہے جیندے وچ انسان عزت نال نہ رہ سکھے۔'

مرگ زما تر فہمہ شہ تر دا ژوندوں دے دعت سرہ چرتہ دی زیست روزگار

میدان جنگ تے جنگی حکمت عملی بارے اوندی شاعری وچ بہوں عملی فلسفہ ملدے او اکھیندے جو غیرت مند بندے کیتے ایں جہان وچ ڈورستے بن جو یا تاں اوسر کپوا گھنے یا فخر مند تھی ونجے۔ بک ہی جاہ تے او اکھیندے جو جنگ لڑن دیاں جتھاں پیاں حکمتاں ہن انہاں دے نال جنگ

جین دا واحد ہنراے ہے جو سرتلی تے رکھ تے لڑنا چاہیدے۔ جنگ لڑن دا اے معیار قدیم اسپارٹا وچ تے ترکیں وچ وی ہئی تے ایہو معیار ویتنامیہ دے سامنے وی ہئی۔ خوشحال خان اکھیندے جو! شینہ اہیں گالہوں بہادر نہیں ہوندے جو انہاں کنیں لشکر ہوندن بلکہ ایں گالہوں جو دا اپنے زور بازو تے بھروسہ کریندن۔ ہک ہی جاہ تے او آہدے:

’ما تم تے گیت۔ ڈونا ہیں وچ چھڑا بہادر یں کوں یاد کیتا ویندے۔‘

پریشان خٹک لکھدن جو خوشحال کنیں پہلے پشتو زبان دی حیثیت ہک منہ زور گھوڑے وانگوں ہئی جینکوں لغام ڈیوٹ یا اوندے اُتے سواری کرن ممکن کیناں ہئی۔ کئی لوکیں کوشش ضرور کیتی پر گالہ نہ بن سگھی۔ امیر کروڑ کنیں گھن کراہیں بیٹ بابا..... لوہائی، ارزائی، تے وائل تیں سھنیں نظم تے نثر وچ تن ماری پر گالہ اُتھائیں دی اُتھائیں رہی۔ پر خوشحال خان جیویں آپ اکھیندے جو: ’میڈا پشتو زبان تے بہوں وڈا احسان ہے، تو نیں او نظم ہووے، نثر ہووے یا رسم الخط۔ نثر دے میدان وچ خوشحال دا ’دستار نامہ‘ ایں گالہ دا ثبوت ہے جو اوندے بعد اہیں کوں بنیاد بنا کراہیں نثر نگاری کیتی ویندی رہی ہے۔ رسم الخط دی تاں گالہ ای کیا اکھیہ جسے؟ اوں اپنے زمانے وچ پشتو دا شارٹ ہینڈ ’زنجیری‘ دے ناں نال ایجاد کیتا۔ جڈاں اسہاں اوندی نظم دی گالہ کریندے ہیں تاں اساڈیاں اکھیں پیچ ویندن تے ہک نویں دنیا کھلدی ہے۔ اوں پشتو دی ہر صنف وچ طبع آزمائی کیتی اے تے ہر پہلو کوں موضوع بحث بنائے۔ خوشحال دے کلام تے شخصیت ~~میں~~ تشکیلی عناصر کیا ہن؟ اوندے بارے اوند اک شعر اساکوں ڈسیندے جیندی تفصیل اوندی کتاب ’دستار نامہ‘ وچ ملدی ہے:

’اونویں تاں ہزاراں لوک دستاراں بدھیندن پر دستار دی اہلیت چھڑا چند لوکیں وچ ہوندی ہے‘ خوشحال جڈاں فلسفے دی دنیا وچ داخل تھیندے تاں اے آکھن تے مجبور تھی ویندے جو ’علم دی انتہا حیرت ہے‘ سقراط کنیں کہیں پچھیا ہا جو تاں ایں دنیا وچوں کیا سمجھیں؟ اوں جواب ڈتا ’کجھ کیناں‘ ول سوال تھیا جو ایں طرحاں تساڈے وچ تے ہک جاہل وچ کوئی فرق کینی سقراط جواب ڈتا ’فرق اے ہے جو اونکوں اپنی لاعلمی دا احساس کینی تے میکوں ہے‘ خوشحال آہدے: ’جڈاں میں ذرات تے موجودات تے دید بھنوائی تاں پتہ لگا جو میں ایں دنیا وچ ان چاٹ آیا ہم تے ان چاٹ مرساں‘ پر جیڑھلے او اپنے اندر دی کائنات دی پھول اچ نکلدے تاں اوندے اُتے اے گالہ روشن تھیندی اے جو: مَنْ عَرَفَ نَفْسَهُ فَقَدْ عَرَفَ رَبَّهُ۔ شاہ لطیف وی آکھیا ہئی جو توں اندر دا آئینہ صاف کرتاں تیکوں اوندی سدھ پوسی۔ خوشحال آہدے:

’اے عرش کنیں عظیم انسان! سبھ جہان میڈے دل وچ سمائے ہوئے ہن۔ اپنے دل دا آئینہ صاف کر
میڈی جند! تہاں اوندی سُدھ پوسی۔ بے اے تماشا ڈیکھ سکھیوں تاں تو اللہ کنیں انج کینی۔
خواجہ فرید آکھیا ہئی جو:

نہ کافی چاٹ کفایہ نہ ہادی سمجھ ہدایہ
کر پرزے جلد وقایہ ایہا دل قرآن کتابے
ہے پریم گیان وی دلڑی ہے بید پران وی دلڑی
ہے جان جہان وی دلڑی دل بطن بطون دا بابے

خوشحال دا تصور انسان اے ہے جو دنیا وچ ایندے مقابلے دا کوئی دیدہ ورتھی ای نہیں سکھدا
تو ٹیئیں اے خدا کینی پر خدا کنیں ذرا جیہاں تلے ہے۔ تے اے انسان خوشحال دے نزدیک مرد ہوونا
چاہیدے۔ او لکھیندے جو: ’میں مردناں صحرائیں وچ گم تھی وچن کون نامردناں مکے چنن تے تر جیج
ڈینداں‘ تک ہی جاہ تے اکھیندے جو: ’موت دے بعد میں مرد دے قد میں وچ پُر یجن کون تر جیج
ڈیساں۔ خدا نہ کرے جو میڈی قبر نامرد دے نال بنے۔‘ اوندی شاعری وچ ایں مرد دا معیار اے ہے
جو گفتار نال کوئی مرد نہیں بندا، جڈاں تائیں کردار پیدا نہ کرے۔ جیندے وچ غیرت نہ ہووے اوں
مرد دی کوئی لوڑ کینی۔ چنگے مرد تاں ناگ و انگوں ہوندن جیڑھے زہروی رکھیندن تے زہر مہرہ وی۔
مرد کون زرتے دینار دی نہیں بلکہ اپنے ہنردی فکر ہندی اے۔ نامرد نسب تے فخر کریندے۔ مرد دی
نہ ماء ہندی اے تے نہ پیو۔ خوشحال دے ایں مرد دا تصور جزوی طور تے اقبال دے مرد مومن وچ
ملدے۔ شیت اہیں فکری مماثلت جاوید نامہ وچ اقبال کفوں خوشحال دی تعریف اچ اشعار لکھوائن۔

میر عبد الصمد ’تاریخ ادبیات مسلمانان پاکستان و ہند‘ (جلد ۱۴) وچ لکھدن جو: خوشحال خان
باز یا شاہین کون اعلیٰ صفتیں آلا پکھی سمجھیندن تے ایسے صفتاں او اپنے تصور انسان وچ ڈیکھنا
چاہندے۔ خوشحال اکھیندے:

شہباز جہیں شوکت پیدا کر
تے ہمت اچ عنقا و انگوں بن
کاں اپنے کھنیں دی وجہ کنیں باز نہیں تھی سکھدا
تو ٹیئیں او پھر پھر کرتے اڈ دا ہووے!
اقبال عقل تے عشق دے حوالے نال آہدے جو:

بے خطر کوڈ پڑا آتش نمرود میں عشق عقل ہے محو تماشا لئے لب بام ابھی
 خوشحال دے بک شعروچ ایس گالہہ کوں اینویں بیان کیٹا گئے جو: اے عشق توں کتھاں ہیں؟
 آتے ایندی کھاڈی بھن سٹ۔ اے نارسا عقل ول اپٹیں تدبیریں نال میں کنیں آئی کھڑے اے
 خوشحال خان دے کلام دا بک سوہٹا پہلو اوندی رومانی شاعری اے۔ میر عبدالصمد لکھن جو خوشحال دی
 عشقیہ تے رومانی شاعری وی بے نظیر ہے۔ شہر لیلیٰ دا کوئی ایجھا کوچہ کیسی جتھاں خوشحال ناں لگیا ہووے
 یا محبوب دے درتے شوق دیدار وچ نہ پیٹھا ہووے۔ عشق دے میدان وچ خوشحال اذہیں عالمی
 نظریے دا پابند اے جو عشق تاں عاجزی تے انکساری نال ای حاصل تھیندے۔ محبوب دے دربار وچ
 سر نواتے ای وچ سگھیندے۔ خوشحال آہدے:

ترجمہ: عشق وچ خانی تے تلوار ڈوہیں بیکار ہن۔

اے خوشحال اپنے محبوب دا غلام بن تے رہ۔

یا چمکدیاں ہو یاں تلواراں دا مرد بن یا عاشق تھی وچ

تاں جو توں نعمیں تے گتیں وچ یا تھیند ارہ ونجیں۔

اوں دے کلام وچ محبوب جیندا جا گدا تے ایس دنیا وچ رہندا نظر آندے۔ اوندیاں زلفاں،
 لب و رخسار ناز و اداتے حسن تے مان کرٹ دا ذکر خوشحال دییں غزلیں وچ جا جاتے ملدے۔

ترجمہ: ایس شہر دے ناز میں میڈیاں اکھیں کنیں فتنے اُدھار گھنن

میڈیاں ڈوہیں خمار بھریاں اکھیں میگوں جام مے کنیں وی ودھ مست کریندین

جڈاں نازتے ادا نال ٹر پوندیں تاں ہرئی کوں ٹور بھل ویندی اے۔

مہر دی بک نگاہ سٹ، خوشحال تیکوں سلام کریندے۔

ترجمہ: جیڑھے لوک میڈے سوہٹے مکھڑے دے عاشق ہن

اوساری رات چند رنال گاہیں کریندن

بے میں ہو لیں الاواں تاں کوئی میگوں ڈوس نہ ڈیوے

کیوں جو سخت زخمی ہمیشہ ہو لیں الیندے

خوشحال چلیں داد و ردا نمی ہوندا

حسین کڈاں تاں ایسے حسن تے ناز کر یسیں؟

ایس عشق دے مجاز تے حقیقت نال رشتے دا ذکر کریندیں ہونیں خوشحال آہدے:

راشہ و کمورہ نن دا طراز ما حقیقت سرا قرین مجاز ما
ترجمہ: آوازِ میڈا طریقہ دیکھو۔ میڈا مجاز حقیقت دانگوں اے

اگوں آہدے جو:

’تمام دنیا گلے لیں، بزاریں وچ اوند اذکر کریندی اے پر میڈا راز ہن تائیں کہیں
تے نہیں کھلیا..... مسجد دی محراب تاں عابد کیسے ہے، اوندے ابرودی محراب وچ
میڈی نماز تھیندی ہے..... توں معشوق ہیں تیکوں ہمیش میں نال ناز دا حق حاصل ہے
میں خوشحال خان خٹک تاں عاشق ہاں، نیاز مندی میڈا کم اے۔‘

خوشحال دی شاعری تے زندگی اپنے ماحول تے لوکیں نال گنڈھی ہوئی ہئی تے او عوام دی
زندہ تے بھرپور طاقت تے یقین رکھیندا ہئی تے ایہو اوندانظر یہ فن ہئی۔ جیویں جو میکسم گورکی
لکھدے ’عوام روحانی قدریں داسدا کیں و ہندا دریا ہے۔ جیڑھا وقت دا حسن تے ذہن دا پیووی
ہے تے وڈے کنیں وڈا شاعر، فلسفی تے دنیا دیاں داستان دا خالق وی۔ تے ایندے ای ترکے
وچوں دنیا دے ادیب، شاعر تے فنکار اپنا تخلیقی وجدان حاصل کریندے رہے ہن۔‘



دلیاں تے دیداں سوہنا تیڈڑے دیرے

ہر دم وں پیا توں ساڈڑے نیڑے

سینگیاں سرتیاں حق ہمسائے - گلوے کرن وکھوے

ماپو ویرن بھین پھنٹ جیاں جڑ جڑ لاون جھیرے

جگتاں مارن پیکے پتھڑے ہاسے کرن سورجے

اٹھدیں پھندیں ٹردیں پھر دیں سس نناٹ کھیرے

چوچک چاک تیڈا توں مالک سر سرواہ دا وارث

مجھیاں تیڈیاں جھوکاں تیڈیاں کوڑے چھوڑ بکھیرے

کون ہے قاضی رشوت راضی کون سیال تے کھیرے

ہاجھ خدا دے جھگڑے جھیرے ساڈے کون نبیرے

ڈوں ڈنہیں دے نا حق دعوے اوڑک ناحق تھیندے

راجنھن تے میں ہس رس دسوں سڑ سڑ مرن کھیرے

سنہ ماہی سوانیکی بہاولپور

مرکزی پاکستان دی سرائیکی زبان

-----ہک ریفرنس گریمر-----

انسانی ابلاغ دا وڈا ذریعہ زبان ہے۔ انسانی معاشرے دی تبدیلی نال اے وی تبدیل تھیندی راہندی اے۔ کہیں وی خطے وچ وسدے لسانی گروہ دے سماجی کردار وچ جیڑھلے کوئی تبدیلی امدی اے تاں زبان وی اوندے مطابق اپڑے کردار دا تعین کریندی اے۔ سرائیکی زبان پولیٹ والا لسانی گروہ جغرافیائی حوالے نال پاکستان دے مرکزی علاقیں وچ وسدے تے ایندا ماحول کثیر لسانی اے۔ ایندے چودھار ساریاں پاکستانی زبانان سنڌی، پنجابی، بلوچی، پشتو، مارواڑی کھنڈیاں پئن، انہیں زبانیں دے اثرات سرائیکی تے پئن تے سرائیکی وی انہیں زبانیں کون متاثر کریندی اے۔ پاکستانی زبانیں بارے تحقیق تے انہیں دے سماجی کردار دی تفہیم، سرائیکی زبان دی تفہیم پاچھ ادھوری ہوسی۔

سرائیکی زبان دی تفہیم دے کئی رستے ہن۔ انہیں وچوں ہک اکیڈمک طریق کار لسانیات (Linguistics) دا وی ہے، جیڑھا زبان دا سائنسی مطالعہ کریندے۔ ایجھا سائنسی مطالعہ بے سمت پروپیگنڈہ ادب کون علمی سیدھ ڈیوٹ دا سوب وی پٹدے۔ این گالھوں این رخ تے کم کڑ دی پھوں لوڑ اے۔ این حوالے نال سرائیکی زبان تے کم تقریباً نہ ہووے دے برابر ہے۔

ڈاکٹر کرسٹوفر شیکل لندن یونیورسٹی دے سکول آف اورینٹل اینڈ افریکن اسٹڈیز وچ پروفیسر ہن۔ پاکستانی زبانیں وچوں اردو، پنجابی، سنڌی تے سرائیکی زبان بارے کم کیتے نیر۔ "اُتلی سندھ تے لمے پچادھی پنجاب وچ، سرائیکی تے سرائیکی لٹریچر، ۱۹۵۰ء کنیر ۱۹۰۰ء انہیں دی پی ایچ ڈی دا موضوع ہئی۔ اے سرائیکی زبان بارے جدید تے حقیقت دے نیڑے تحقیق ہے۔ بھانویں جو اینکوں وی تریہہ سال تھی گئیں۔ ڈاکٹر شیکل سماجی لسانیات دے حوالے نال سرائیکی زبان تے کجھ مقالے وی لکھن۔ انہیں دا اے سارا

کم انگریزی وچ چھپے - کجھ کتاباں بزم ثقافت ملتان چھاپن - 'فریدیات' تے انہیں دا کم بیش قیمت ہے - جدید لسانیاتی معیار تے پورے لہن آلیں کمیں وچوں ہک اہم کم ڈاکٹر کرسٹوفر شیکل دی کتاب "دی سرائیکی لینگویج آف سنٹرل پاکستان، اے ریفرنس گرائمر" ہے - ۱۹۷۶ء وچ لندن یونیورسٹی وچوں چھپن والی این کتاب 'تعارف' دا ترجمہ پیش ہے - اے 'تعارف' سرائیکی زبان دیں لہجیں دے حوالے نال ایندے لسانی جغرافیے بارے وی معلومات دیندے تے ایندے سماجی ماحول بارے وی کجھ سوچھلا تھیندے - لسانی جغرافیہ تے سیاسی جغرافیہ ڈوں انج انج علمی اصطلاحاں ہن - لسانی جغرافیہ، سیاسی جغرافیہ کنیں مختلف وی تھی سگھدے - عام طور تے لوک انہیں علمی اصطلاحیں تے ایندے نال وابستہ نقشیں وچ فرق نہیں کر سگھدے - مثلاً سرائیکی زبان بلوچستان، سندھ سرحد تے پنجاب دے دور دراز علاقیں وچ وی الہندی اے پر اے سارے علاقے سرائیکی زبان دے سیاسی جغرافیے دا حصہ نہ تھی سگھسن پر لسانی جغرافیے دا حصہ ضرور ہوسن - این حوالے نال ہن تئیں ابتدائی کم 'سندھی پولی دی لسانی جاگرافی' دے حوالے نال ڈاکٹر جی الانہ کیتے -

زبانان دے ودھارے کیتے کم کرن آلیں سیانیں دے آکھن موجب، زبان اپنے معاشرے دیاں تمام ضرورتاں پوریاں کرن جوگی ہوسی تے ترقی کریسی - کمہیں زبان وچ موجود ادب تے لکھتاں اوں زبان دی طاقت تے زور کون ظاہر کریندین - کیا اوں زبان دیاں باقاعدہ علمی لغتاں، اصطلاحاں موجود ہن - او تعلیمی اداریں، سرکاری دفتریں، روز ڈہاڑی دیں کمیں کاریں، تے ہابری دنیا دے نال ڈے گھن، وٹج وپار دیاں لوڑاں پوریاں کریندی ہے - سرائیکی زبان دے ودھارے یا ترقی کیتے پہلا تے بنیادی کم ایندا ڈاٹا تے اعداد و شمار کٹھے کرن اے - جیویں جو ڈاکٹر شیکل این زبان دے 'تعارف' وچ لکھیے جو پاکستان دے آدم شماری دے محکمے وچ سرائیکی زبان پولن آلیں لوکین دی صحیح تعداد دا ریکارڈ وی موجود کینی - صحیح ریکارڈ نہ ہووے دی وجہ کنیں این زبان دی اہمیت تے ایندی ترقی بارے کوئی صحیح منصوبہ بندی تھیون او کھا کم ہوسی - نویں دور وچ زبانان دے زندہ رہن دے حوالے نال ایجھیاں رپورٹاں موجود ہن جو کئی وڈیاں زبانان کنیں چھوٹیاں زبانان دے وجود کون خطرہ ہے - اے علیحدہ گالھ اے جو زبانان بردیاں تان نہیں کہیں بے روپ وچ ٹرانس فارم تھی ویندین ول وی کجھ زبانان بارے مردہ ہووے دا لیل موجود ہے - جیویں سنسکرت، قدیم عبرانی تے

لاطینی بارے آہدن جوہن کتھائیں انہیں دے ہولڈ آلے موجود کینی پر انہیں دیاں لکھتاں موجود ہن، دنیا دے کجھ سیانے انہیں لکھتیں دے ماہر ہن۔ قومیں دے عروج و زوال دا وی زبانیں تے اثر پوندے۔ سیاسی، سماجی تے جغرافیائی تبدیلیاں وی زبانیں کور متاثر کریندیں۔ کہیں وی زبان دی حیاتی، اوندے ارتقاء یا ودھارے بارے مطالعے تھی سگھدن تے انہیں زبانیں بارے منصوبہ بندی وی۔

ترقی یافتہ معیاری (Standardized) زبانیں نال سرائیکی زبان دا جوڑ کرن کیتے، پہلے اوندے وچ موجود سارے ادب تے اور معاشرے وچ زبان دے عملی کردار بارے ریکارڈ کٹھا کرن دی لوڑ اے، جیندی بنیاد تے کوئی درست تحقیق تھی سگھے۔ سرائیکی زبان دے لسانیاتی مطالعے نال دلچسپی رکھن آلیں لوکین کیتے سی شیکل دے تعارف دا ترجمہ تے مزید تحقیق کرن آلیں کیتے اوندی ببلو گرافی وی پیش کریندے پیوں۔

ایں ترجمے وچ لسانیاتی اصطلاحات دے متبادل وضع نئیں کیتے گئے۔ اکثر انگریزی اصطلاحیں کون سرائیکی وچ ڈھال دے بجائے اونویں ای رہن ڈتا گئے۔ لسانیات وچ زبان کون بیان کرن سانگے Language, Speech, Variety, Qolloquial دیاں باقاعدہ اصطلاحاں ہن تے انہیں دے متعین معانی ہن۔ ایں گالھوں جیکر کتھاپیں کوئی ترجمہ کیتا وی ہے تاں بریکٹ وچ انگریزی اصطلاح وی لکھ چھوڑی اے ول وی کتھائیں غلطی دا امکان ہوسی پیا۔ چھوٹا لسانیات دیاں اصطلاحاں وضع کرن کیتے وی ماہرین لسانیات دی کہیں انفرادی یا اجتماعی کمیٹی دی لوڑ ہے قی الحال تاں کجھ انگریزی اصطلاحاں ای سوکھیاں رہ ویسن؟ ایں گالھ دا نتار ماہرین ای کر سگھدن۔ ڈاکٹر اسلم انصاری ایں حوالے نال موزوں عالم ہن تے انہیں کجھ اہم کم کیتے جیندا ویلھے سز چھین وی ضروری اے۔ جملیں دی ساخت وی انگریزی دیں درگھیں جملیں دے رنگ وچ ہے

اساں کوشش کریسوں جو آئندہ شماریں وچ وی سرائیکی زبان بارے انگریزی وچ تھیل کم دا ترجمہ ترے ماہی 'سرائیکی' دے پڑھن آلیں کیتے پیش کیتی رکھوں۔ جیکر ترجمے دے ماہرین تعاون کرن تاں ہک خاص ترجمہ نمبر وی چھپیج سگھیندے۔

[چیف ایڈیٹر]

تعارف

جیویں جو کتاب دے ناں کنوں ظاہر اے جو ایندے وچ وچلے پاکستان دے ہک وڈے حصے دی ہند آریائی بول چال دی زبان (Speech) سرائیکی بارے وضاحتی بیان ہے۔ اکثر پڑھن آئے ایں زبان کو ملتان، 'ڈاکھنی لہندا' یا وت پچا دھی پنجابی، جیسے ناں زیادہ جانڈے ہون۔

ایں زبان کون ہک عام ماہر لسانیات دے نقطہ نظر نال نہیں بلکہ ہک ڈکھن ایشیائی دے نقطہ نظر کنیں واضح کیتا گئے اتے اے کتاب وی اصل وچ آنجھیں ای پڑھن آلیں دیاں لوڑاں پوریاں کریندی اے۔ ایں سانگے جیڑھیاں اصطلاحیں ذریعے ایں وضاحت کون جوڑیا گئے او زیادہ تر روایتی ہن تاں جو تقابل وچ سہولت تھیوے۔ کیوں جو کتاب دے مصنف دی مکھ لسانیاتی دلچسپی سماجی لسانیات (Sociolinguistics) دے نال ہے پئی تے ایں حوالے نال وی جے تائیں تھی سکھے، ایں تعارف دے نال نال اصل کم وچ وی، خاص جاہیں تے زبان دا سماجی پچھو کڑ واضح کیتا گئے۔ اوں کثیر لسانی ماحول تے وی خاص توجہ ڈتی گئی اے جیندے وچ سرائیکی الیندی اے۔ ڈکھن ایشیاء دیاں گھٹ ترقی یافتہ یا گھٹ معیاری (Less standardized) علاقائی زبانوں دے اکثر تذکریں وچ موجود کجھ عام مغالطیں تے دھیان ڈیون دی لوڑ نہیں مثلاً اے جو او، اردو یا ہندی ٹاپ دے ہم معیار ہن۔

سرائیکی تر اوندے پڑیچر

پاکستان دے آدم شماری دے محکمے کڈا ہیں سرائیکی لوکیں دا انج کھاتہ نہیں رکھیا۔ ایں گالھوں سرائیکی الاونڈ آلیں دی صحیح گنتری ڈساوٹ ناممکن اے پر اے اندازاً گھٹ کنیں گھٹ ڈڈھ کروڑ ہون سرائیکی علاقہ پاکستان دے ادھانج دریائے سندھ دے ڈوہائیں پاسوں تقریباً $28^{\circ}N$ کنیں $33^{\circ}N$ تائیں کھنڈیل ہے جیندے وچ چنانہ تے ستلج دے تلوں علاقے (Lower reaches) وی شامل ہن تے اے پنجاب صوبے دے لے پچا دھی حصے اتے اوندے نال گنڈھیل علاقیں تائیں پچ ویندے۔

ایں علاقے دا وقوع نقشہ نمبر ہک وچ ڈکھایا گئے جیندے وچ پڑیچیاں بولیاں وی ڈکھایل ہن۔ اے نظر دے جو سرائیکی، ہند آریائی زبانوں دے علاقے دی پچا دھی کنی تے پئی اے اتے سلسلہ

۰۰۔ میان دے ذریعے ایرانی پشتو اتے بلوچی دے نال ایندیاں صداں صاف بیان تھی سگھدین۔
 زمین پوادمی پائے کنیں قدرتی پناں تھردا صحرا، جیوہا ہٹ پاکستان تے اندیادے ادھ وچ سیاسی سرحد
 (Political Frontier) منپندے، سرائیکی زبان دارا جستھان دے مارواڑی لہجے نال اکھیرا کریندے۔
 ایں تحقیق وچ انہیں ترناہیں زبانیں نال سرائیکی دی سکاوت کون نہیں پھرو لیا گیا۔ توہیں جوہند آریائی
 حوالے نال ظاہر اے انہیں وچ کجھ سکاوت تے گانڈھے ہن۔ جیویں جو سرائیکی، مارواڑی اتے
 گجراتی Sigmatic future دے معاملے وچ ہک ڈوجھے نال سانجھ رکھیندین۔

روہیں تے صحرا دے ادھ وچ، سندھ تے پنجاب دے اچو کے صوبائی پنے تے، جتھاں سندھ
 وادی سوڑھی تھیندی اے، سندھی نال، اتے ٹوٹے پہاڑی سلسلے دی لمی کنی دے، ابھیہ چٹو لہندا لہجیں
 نال، ایندیاں سرحدیں حد تائیں غیر واضح لیکیل ہن۔ جڈاں جو پوادمی پاسوں اینویں آکھوں جو،
 پنجابی تے سرائیکی دے ادھ اچ کوئی قدرتی پناں کینی۔ تاریخی تقابل دے نقطہ نظر نال پنجابی تے
 ابھیہ چٹو لہندا زبانیں دے سرائیکی نال بہوں گھائے سانگے ہن، جیندے پے نویکلے مہاندے
 سندھی نال وی رلدن۔ سرائیکی تے اوندے پاڑے وسدیں انہیں زبانیں دے سنگ بارے، خاص کر
 انہیں دے بارے جنہیں دے اثرات تے واسطہ سدھا سنواں ہے، وی گالھ کرن دی لوڑ ہے۔

سندھی تے سرائیکی دے ادھ اچ نہ لچھڑا اے جو ڈر گھے عرصے کنیں نافذ تھی ہوئی سیاسی سرحد
 تے ایندی قدرتی حد بندی واضح اے پر انہیں ڈوہائیں وچالے بہوں سارے نشا برلسانی فرق وی ہن
 پے۔ اے ونڈ سرائیکی الاونڈ آ لے گروہیں دی وڈے پیمانے تے ہجرت دی وجہ کنیں کہیں حد تائیں
 دھندلی تھی گئی اے، جیندے وچ خاص کر ۱۶ ویں صدی کنیں ۱۹ ویں صدی تائیں بلوچ قبیلیں دی
 ڈکھن آ لے پائے سندھ اچ ہجرت وی شامل ہے۔ ایندے نتیجے وچ اچ کل سندھ دی آبادی دا تقریباً
 ۲۵٪ سرائیکی الیندے جیرھی ہن عام طور تے سندھی دے نال نال ڈولسانی حیثیت وچ الیندی ہے۔

اہیں صورت حال دی وجہ کنیں 'سرائیکی' دی اصطلاح دارا احتیاجیند اعام مطلب اکھیندے جو:
 'ابھیہ پائے دی زبان' (سندھی وچ 'سرو' دریا دے ابھے یعنی 'اُتر' کون اکھیندے) پچھلے کجھ سالیں
 کنیں سرائیکی الاونڈ آ لیں دے مرکزی علاقے وچ ایں اصطلاح کون وڈے پیمانے تے رواج
 ملیے۔ تاں جو لوک سرائیکی دے منڈھلے دور دے ونکوونگی نانویں دے بگڑدھال وچوں نکل سگھن۔
 جنہیں وچ 'چٹکسی' اتے 'ہندکی' جیہیاں بے جاہیاں اصطلاحیں اتے ملتان دی 'ملتان' دیرہ
 غازیخان دی 'دیرے والی' اتے بہاولپور دی 'ریاستی' جیہیں علاقائی نانویں کنیں سواماہرین لسانیات

۰۰۔ یمن دے ذریعے ایرانی پشتو اتے بلوچی دے نال ایندیاں حداں صاف بیان تھی سگھدین۔
 ذہن پوادی پاسے کنیں قدرتی پناں تھردا صحرا، جیڑھا ہٹن پاکستان تے انڈیا دے ادھ وچ سیاسی سرحد
 (Political Frontier) منیندے، سرائیکی زبان دارا جستھان دے مارواڑی لہجے نال نکھیرا کریندے۔
 ایں تحقیق وچ انہیں ترناہیں زبانیں نال سرائیکی دی سکاوت کون نہیں پھرو لیا گیا۔ توئیں جو ہند آریائی
 حوالے نال ظاہر اے انہیں وچ کجھ سکاوت تے گانڈھے ہن۔ جیویں جو سرائیکی، مارواڑی اتے
 گجراتی Sigmatic future دے معاملے وچ یک دوجھے نال سانجھ رکھیندین۔


روہیں تے صحرا دے ادھ وچ، سندھ تے پنجاب دے اچو کے صوبائی پنے تے، جتھاں سندھ
 وادی سوڑھی تھیندی اے، سندھی نال، اتے ٹوٹے پہاڑی سلسلے دی لمی کنی دے، اُبھی۔ چٹو لہندا لہجیں
 نال، ایندیاں سرحدیں حد تائیں غیر واضح لیکھیل ہن۔ جڈاں جو پوادی پاسوں اینویں آکھوں جو،
 پنجابی تے سرائیکی دے ادھ اچ کوئی قدرتی پناں کینی۔ تاریخی تقابل دے نقطہ نظر نال پنجابی تے
 اُبھی۔ چٹو لہندا زبانیں دے سرائیکی نال بہوں گھائے سانگے ہن، جیندے پے نویکے مہاندے
 سندھی نال وی رلدن۔ سرائیکی تے اوندے پاڑے وسدیں انہیں زبانیں دے سبک بارے، خاص کر
 انہیں دے بارے جنہیں دے اثرات تے واسطہ سدھا سنواں ہے، وی گالھ کرٹ دی لوڑ ہے۔

سندھی تے سرائیکی دے ادھ اچ نہ لچھرا اے جو ڈر گھے عرصے کنیں نافذ تھی ہوئی سیاسی سرحد
 تے ایندی قدرتی حد بندی واضح اے پر انہیں ڈوباکیں وچالے بہوں سارے نشا برلسانی فرق وی ہن
 پے۔ اے ونڈ سرائیکی الاونڈ آ لے گروہیں دی وڈے پیمانے تے ہجرت دی وجہ کنیں کہیں حد تائیں
 دھندلی تھی گئی اے، جیندے وچ خاص کر ۱۶ ویں صدی کنیں ۱۹ ویں صدی تائیں بلوچ قبیلے دی
 ڈکھن آ لے پاسے سندھ اچ ہجرت وی شامل ہے۔ ایندے نتیجے وچ اچ کل سندھ دی آبادی دا تقریباً
 ۲۵٪ سرائیکی الیندے جیڑھی ہن عام طور تے سندھی دے نال نال ڈولسانی حیثیت وچ الیندی ہے۔

اہیں صورت حال دی وجہ کنیں 'سرائیکی' دی اصطلاح دارا جستھیا جیندا عام مطلب اے گھندن جو:
 'اُبھی۔ چٹو' دی زبان (سندھی وچ 'سرو' دریا دے اُبھے یعنی 'اُتر' کون اکھیندن) پچھلے کجھ سالیں
 کنیں سرائیکی الاونڈ آ لیں دے مرکزی علاقے وچ ایں اصطلاح کون وڈے پیمانے تے رواج
 ملیے۔ تاں جو لوک سرائیکی دے منڈھلے دور دے وکھوونکی نانویں دے گڑدھال وچوں نکل سگھن۔
 جنہیں وچ 'چٹکی' اتے 'ہندکی' جیہیاں بے جا ہیاں اصطلاحیں اتے ملتان دی 'ملتان' دیرہ
 غازیخان دی 'دیرے والی' اتے بہاولپور دی 'ریاستی' جیہیں علاقائی نانویں کنیں سواماہرین لسانیات


MAP 2

Local varieties of Siraiiki



MAP 1

Siraiiki and its neighbours



دے آپے گھڑیے ہوئے ناں وی شامل ہن جنہیں کنوں تل وطنی لوک اصولوں واقف کینی۔ جیویں جو گریسن دار کھیل ناں 'لموچڑ لہندا'۔

اُبھے آلے پاسے، ایندے نال تھولی مطابقت رکھن آلیں لہجیں کیتے وی، ہن تائیں 'اُبھیچڑ لہندا' دا کوئی تسلی بخش متبادل موجود کینی۔ بھانویں جو پاکستان وچ 'پوٹھوہاری' دی کہیں حد تائیں بھلا ندرے پاوٹن آلی اصطلاح ورتیندی پئی اے۔ توئیں جو سرائیکی اتے انہیں 'اُبھیچڑ لہجیں' دی قربت ظاہر ہے پر انہیں دی سکاوت دا اٹھیک ٹھیک انت تاں سر میدان کھوج کرن دے بعد ای نکل سگھدے۔ اساں ایندے بارے اتھاں لمبر کیناں کریسوں۔ کیوں جو اتھاں انہیں دے سنویں سدھے رابطے یا قول سانجھ رکھن آلے نشا بر اثرات دی صورتحال نہیں بندی۔

انہیں بھنیں کئیں ودھ پیچیدہ سرائیکی اتے پنجابی دا آپت اچ تعلق ہے۔ انہیں ڈوناہیں زبانی دیں لسانی علاقیاں دے درمیان کوئی قدرتی حد بندی نہ ہووٹن دی وجہ کئیں، انہیں دے ادھ اچ بہوں سارے وچلے لہجے لبھدن جنہیں وچ ڈوناہیں زبانیں دے مکھ مہاندرے موجود ہن۔ ایں کئیں سوا ۱۹۴۷ء وچ تھیوٹن آلی ونڈ دے نتیجے وچ آبادی دے تبادلے ایں صورتحال کوں پیا گنجا چھوڑیا، سرائیکی الاوٹن آلے ہندو ہندوستان آلے پاسے کڈھ ڈتے گئے، جنہیں دی زبان وچ کجھ نشا بر خاصیتاں وی ہن، انہیں تے سرسری توجہ ہوسی۔ انہیں دی جاہ تے اتھاں مشرقی پنجاب وچوں مسلمان مہاجرین دی ہک وڈی لودھ آئی، جنہیں دی گبٹری چنگی بھلی ہئی، خاص طور تے جیکر انہیں نال او مسلمان آبادکار وی رلا چھوڑوں جیڑھے نہری نظام دی توسیع دے بعد، بہوں وسیع رقبے تے، زراعت دی چھک پچھوں پوادھی ضلعیں کنوں لڈ آئے۔ پنجابیں دی ہک وڈی آبادی تے مشتمل مرکزی سرائیکی علاقے دی موجودہ صورتحال، کجھ حوالیاں نال ہن سندھ دی صورتحال دا شیشہ ڈکھیندی اے جتھاں سرائیکی الاوٹن آلے ہک وڈی اقلیت ہن۔ ایں علاقے دیں شہریں تے قصبیں وچ خاص طور تے، سرائیکی پنجابی دے وڈے اثرات دے وات اچ ہے۔ جیویں بہوں عرصے کئیں اے سندھ وچ سندھی دے اثر پٹھہ ہئی۔ پنجابی دے اہیں دعوے دے جواب وچ کجھ عرصہ پہلے سرائیکی زبان دی ہک تحریک اُبھری اے جیندا چرچا ہر پاسے ہے۔ (ڈیکھو شیکل: ۱۹۷۷ء)

چھیکوئی اے جو پنجاب وچ اردو ہک صدی کئیں ودھ عرصے انتظامیہ دی دفتری اتے تعلیمی زبان رہ گئی اے تے نال نال ہر قسم دیں لکھتیں دامکھ وسیلا رہ گئی اے۔ ظاہر اے ایں علاقے دی زور آور معیاری زبان ہووٹن دے ناطے اردو وی آپنے اثرات استعمال کیتن۔ ایں گالھوں اے ضروری

اے جو جدید سرائیکی تے کم کرن ڈیہے پنجابی اتے سندھی دے اثرات دے نال نال اردو دے اثرات دا جائزہ وی گھنہ جے۔

پچھلیاں پڑھائیاں

ایں علاقے تے برطانوی قبضے کنیں پہلے ایں زبان تے سنجیدہ کھوج دا منڈھ کیناں ہمدردی، بالبت پرانے مآخذ وچ کھنڈیے پنڈیے حوالے وی لبھدن اتے سرائیکی-فارسی دیاں نکیاں لغتاں وی تعلیمی مقصدیں سانگے جوبجیاں۔

سبھ کنیں پہلا چھپیل مواد ۱۸۴۹ء برٹن داملدے جیڑھا اوں، سندھ سروے دا افسر ہودن دے تجربے دے دوران کٹھا کیتا ہئی۔ اپنی سندھی دی قابلیت کوں ور تیندیں ہوئیں برٹن اُتلے سندھ دی سرائیکی بارے ہک واضح اتے جامع مواد مہیا کریندے جیندیاں بہوں ساریاں تفصیلات اصلوں درست ہن۔ توہنیں جو ایندے وچ ونکو ونک دیاں کئی صورتاں (Variant forms) بنا کہیں مقامی حوالے دے وی موجود ہن۔ سندھ دے سرائیکی الاوٹ والیں نسلیاتی گروہیں بارے اوندالسانیا تی مشاہدہ توقع دے مطابق بھرپور توجہ دے قابل ہے۔ ایں زبان نال اوندے تعلق کوں ترغیب ڈواوٹن آلی گالھ، پک نال اوندالے یقین ہئی، جو پکھی واسیں دا اصل دیس ایہو علاقہ ہے۔ پر بد قسمتی نال ایں مضمون کوں ہک مکمل کتاب دی شکل ڈیون ڈا اوندالارادہ توڑ نہ چ سگھیا۔

برٹن دے بعد ایں زبان تے کم کرن آلیں دا تجربہ پنجاب دے پچھوکڑ وچ ہئی۔ ایں وچلے عرصے وچ متعلقہ ضلعیں دیاں سیٹلمنٹ رپورٹاں (۱۸۹۴ء-۱۸۷۶ء) وچ کجھ مواد شائع تھیا ایں سلسلے وچ زیادہ ٹھوس کم ۱۸۸۱ء وچ او برائن کیتا جیڑھا مظفر گڑھ وچ سیٹلمنٹ افسر ہئی۔ ملتان وچ اوں اپنے سنگتیاں دے کٹھے کیتے ہوئے کم کوں ور تیندیں ہوئیں ہک کارآمد 'لفظی تندی' وی بٹائی تے ایندے وچ چٹکے اکھان (Rustic Sayings) اتے ضرب المثالاں (Proverbs) دا ہک مجموعہ شامل ہے اتے زبان دی گرائمر تے اوں ہک غیر منظم 'مہاگ' وی شامل کیتا۔

بمفورڈ او پیلھا مشنری ہا جیں ۱۸۹۵ء وچ ایں کم وچ حصہ رلایا۔ او ملتان وچ C.M.S. (چرچ مشن سوسائٹی؟) دا نمائندہ ہا، اوں ایں زبان دی معقول تے بھرویں وضاحت کیتی، توہنیں جو ایندے وچ ڈریگھ اتے بے ترتیبی ڈوہیں موجود ہن۔ ۱۸۹۷ء وچ بمفورڈ ایندی ترتیب وچ ول کیفورڈ ہئی پرول وی ہنٹ تائیں سرائیکی دے ضمیری لاهیں (Pronominal Suffixes) بارے مکمل مطالعہ اوہیں دا ای ہے۔

سہ ماہی سرائیکی بہاولپور

ایندے بعد شاہپور دے لہجے بارے، اپنی گرامر تے گلاسری وچ، ہک پنے اہلکار ولسن تازہ مواد مہیا کیتا۔ جیندے وچ مختلف علاقیں وچوں تقابلی مواد وی شامل ہے (ولسن: ۱۸۹۹ء)۔ اے کتاب منظم انداز وچ گرامر دا خاکہ اتے مرکزی پنجابی کنیں ایس زبان دے فرق دے اہم نکتے پیش کریندی اے پر ولسن چھڑا ہک بھلا ندرے پاؤن آلی Vowel-notation دے ہتھوں رہ گیا، جیندے وچ ہک Sub-Phonemic اختلاف ہئی۔

۱۹۰۰ء وچ جیوکس دی پیلھی ڈولسانی ڈکشنری سامنے آئی۔ اوں دیرے غازیخان وچ ہک ڈرگھے عرصے تائیں CMS مشنری دے طور تیں، قیام دے دوران جیڑھی چاٹ گھدی ہئی، اوندے نال نال اوں او برائن اتے ولسن دیاں جوڑیل گلاسریز کنیں وی کم بگدھا اتے او ہک ٹھوس کم کرن جوگا ہئی۔ ایس ڈکشنری وچ سرائیکی دے مخصوص Implosive Consonants کوں ترتیب نال ریکارڈ کیتا گئے۔ ’مہا بگ‘ وچ گرامر تے لکھیل بہوں مختصر نوٹ آلی اے ڈکشنری ہک ناگزیر حوالے دی حیثیت رکھیندی اے۔

ہک بیا کم جیڑھا ہن تائیں معیاری حیثیت رکھیندے، او برائن دی نظر ثانی شدہ کتاب اے جیڑھی ۱۹۰۳ء وچ چھپی۔ ایندے اُتے نظر ثانی ولسن کیتی۔ ایندے وچ گلاسری دی نویں سروں ترتیب تھی اتے ولسن دی شاہپوری گرامر دی طرز تے گرامر وی شامل کیتی گئی۔ باقی اے او بااصل کتاب اے۔ نظر ثانی شدہ نسخہ عملی طور تے زیادہ کارآمد اے۔ انگریزی ایچ ایس زبان تے لکھی جیجی آلی اے آخری کتاب اے۔

اے انہائیں ہنرتے حکمت دے شوقین لوکیں دے کم ای ہن جنہیں دی بنیاد تے لسانیات دے پہلے سنجیدہ ماہر گریئر سن ایس علاقے دیں زبانیں ڈے توجہ کینی تے انہیں زبانیں دے موروثی تعلق (Genetic Relationship) کوں واضح کرن دے کم دامنڈھ پدھس۔ سندھی تے کشمیری نال ایندے تعلق آ لے پاسے گریئر سن دا دھیان، بمفورڈ دی تحقیق چھکایا۔ اپنے مضمون وچ (گریئر سن: ۱۸۹۵ء) اوں پچا دھی پنجاب دی زبان اتے وچلیں اتے پوا دھی ضلعیں دی زبان وچ فرق بولیا اتے غور فکر دے بعد، ہک مزید فرق اوں کوں تڈاں لدھا جڈاں اولنگیو نیٹک سروے آف انڈیا (LSI: 1916-1919) دیاں متعلقہ جلدیں مکمل کریندا پیا ہئی۔

مختصر اے جو گریئر سن بہوں باریکی نال پنجابی کنوں ’لہندا‘ کوں نشا بر کیتا۔ ’لہندا‘ دی اصطلاح اوں پچا دھی پنجاب دی زبان کیتے گھڑی ہئی۔ ایس فرق دا اظہار، جیڑھا پہلے مشکوک اتے دھندلا ہئی،

بہوں اہمیت اسے قدر و قیمت رکھتا ہے۔ گریمرس دی کیتی ہوئی 'لہندا' دی ذیلی ونڈ ولہا زیادہ قبولیت نہ مان سکھی۔ خاص طور تے اے بد قسمتی ہی جواں 'شاہپوری' کوں معیار بنا گدھا۔ جیڑھا حقیقت وچ کب مضامانی لہجہ (Peripheral Dialect) ہی جینکوں ولسن دی اعلیٰ ترین وضاحتی خوبی نصیب تھی ہئی تے ایں کالھ وچ کوئی شک نہیں جو گریمرس ایں کوڑی ونڈ وچ بھل پیا ہئی۔ LSI وچ شامل ایندے وضاحتی مواد دی نوعیت ڈوجھے درجے دی ہے اتے ایندی کوئی زیادہ وقعت کینی۔

لینگوئسٹک سروے آف انڈیا دے پہوں عرصے بعد ۱۹۳۶ء وچ کب ملتان ہندو پابل (Bahl) ایں زبان تے قابل قدر کم کیتا۔ اے کم چھڑا Implosive Consonants دے صوتیاتی اتے تاریخی تجزیے تے مشتمل ہے۔ زبان وچ انہیں دی وقوع پذیری (Incidence) اتے ونڈ ولہا کوں چھیکو اچ واضح طور تے بیان کیتا گئے۔ بد قسمتی نال اے کم وڈی شہرت نہ مان سگھیا۔ شیت ایندی وجہ اے تھی سگھدی اے جواے فرانسیسی وچ ہے۔

اینڈے پچھوں تھیون آلا کم اصل اچ گریمرس دی 'لہندا' دی بے تھتی ونڈ دی اصلاح نال تعلق رکھیندے۔ درما (۱۹۳۶ء) اتے باہری (۱۹۶۳ء-۱۹۶۲ء) ڈوناہیں دا بنیادی تعلق اُبھیچو لہجیں نال اے پر انہیں، اوندی پوری ساری ونڈ کوں تکھیں تنقیدیں پٹھ آندے۔ ایہو موضوع ۱۹۷۰ء وچ سمرنوف دی چاتے، جیندے نال انہیں لہجیں دی، زیادہ مناسب ترتیب نو تھئی۔ بہر حال کتاب دا وڈا حصہ بنیادی طور تے 'ایل ایس آئی' دے ڈوجھے درجے دے مواد دی نقل (روسی زبان وچ) ہے۔ چھیکو اچ روسی (Rossi: 1974) اے۔ تو نیں جواو سمرنوف تے کجھ معقول اعتراض وی کریندے پر ولا انہائیں پر انہیں حوالیں تے بھروسے دیاں زنجیراں پیریں وچ پا گھندے۔

ایں گالھوں پچا دھی زبانناں وچ ایں موضوع تے لکھتاں، 'لہندا' دی اندورنی ونڈ دی فضول بحث وچ پھس کھڑیاں ہن۔ پر ایں بحث دا معنی خیز نتیجہ کڈھن کیتے تازہ انگ اکھر (Data) لویندے ہن۔ امید اے جواے کم ایں معاملے وچ مددگار ثابت تھیسے۔

ہندوستان تے پاکستان وچ وی سرائیکی زبان تے کوئی بہوں تازہ تحقیق ڈیکھن وچ نہیں آندی پئی۔ جڈاں جو ڈھیر زور پیلھے کنیں موجود تحقیق دی نیم سیاسی مقاصد کیتے تعبیر تے لگدا پئے۔ ڈوناہیں ملکنیں دیں پنجابی لکھتیں وچ ایں زبان دے پنجابی کنیں فرق کوں گھٹاؤں کیتے اونویں ای زور لیندن جیویں جواو پنجابی اتے اردو یا ہندی وچالے فرق کوں ودھاؤں دا ترلا کریندن۔ بے پاسوں سندھی لکھتیں وچ سرائیکی دی سندھی نال قربت تے پہوں زور ڈیوٹن دارحجان نظر دے۔ پر

سندھی دے اُبھیچڑ لہجے تے سرائیکی اثرات بارے آڈوائی (۱۹۵۶ء) داکم دلچسپ ہے۔
 سرائیکی الاونڈ آلیں دیاں اپنیاں لکھتاں ایں زبان بارے فضول بھکاں ریڑھن نال اکثر
 مسخ تھیل ہوندین جیویں جو اکرام الحق (۱۹۶۳ء) دی تحقیق۔ یا ڈول تحقیق وچ کہیں زیادہ پرانے
 شجرے دی گول کیتے ہند آریائی لسانیات کنیں بے پرواہی ورتیندی ہے۔ کجھ ابتدائی سرائیکی قاعدے
 دی ترتیب ڈتے گئیں انہیں وچوں ۱۹۳۳ء وچ قاضی راضی دا قاعدہ ۱۹۵۳ء وچ اختر وحید دا اتے
 ۱۹۶۴ء وچ ظامی بہاولپوری دا قاعدہ چھپیا جنہیں وچ مختصر قواعد دا خاکہ وی موجود اے۔ کجھ جنہیں
 کتابیں دا ذکر بیلوگرانی وچ تھیا کھڑے۔ جڈاں جو کجھ اہم موضوعات تے سرائیکی رسالیں وچ
 مضمون وی چھپدے رہ گئیں۔ جنہیں وچ 'سرائیکی ادب' ملتان اتے 'سرائیکی' بہاولپور شامل ہن۔
 بہوں عرصے بعد ۱۹۶۷ء وچ مہر عبدالحق دی اردو تحقیق ہک بہوں ٹھوس ودھارا ہے جیندے وچ ابتدائی
 مسلم مآخذ اتے پچا دھی لکھتیں دے نال نال، تازہ مواد وی ایں طرح شامل کیتا گئے جو ایندی بنیاد تے
 امید کیتی وچ سگھدی اے جو مقامی سطح تے کجھ ودھارا تھیں۔

سرائیکی دیاں مقامی ونکاں

جیویں اے گالھ تاں نشا برکرا آویں جو 'لہندا' دیں لہجیں دی ستر (Classification) سوکھ نال
 نبرٹن آلا کم کینی۔ بھانویں جو اے لہندا دیں چھڑیں لموچڑ لہجیں بارے اے، پراکھاں اساں کلاسی فی
 کیشن دے کم کون تھولے جہیں تامل نال لگوں تے ٹوریے۔ جیندے مزاج وچ اے یقین وی شامل
 اے جو پہلے دے جوڑیل سسٹم موقع تے ہمیشہ ٹھیک نہیں بہندے۔

سرائیکی دیں مقامی ونکیں (Varieties) دی اساڈی طرفوں کیتل ونڈ نقشہ نمبر ۱۲ اچ موجود
 اے۔ انہیں ونکیں کون مقامی لہجیں (Localized dialects) دی وسیع علاقائی گروہ بندی سمجھیا ویندے
 تے کجھ سادیں نشانیں (Simple shibboleths) دی بنیاد تے انہیں کون ہک پئے کنوں نشا برکیتا وچ
 سگھیندے۔ نقشے تے shades دے ذریعے ڈکھایل علاقے چھڑا عارضی ہن۔ جغرافیائی طور تے
 نشان زدہ (Pin Point) آکسو گلاسز دے ذریعے انہیں دیاں ٹھیک ٹھیک حد اں طے کرن کیتے بہوں
 زیادہ فیلڈ ورک دی لوڑ اے۔ جغرافیائی منکھ مہاندریں دی نقشہ بندی قصد انہیں کیتی گئی تے چھڑے
 دریا اتے وڈے شہر ڈکھائے گئیں۔

اساں چھی مختلف ونکیں دی جغرافیائی ونڈ دا ٹھیک ٹھیک بیان، کہیں حد تاں انہیں دی متعلقہ
 اہمیت دے تلوں مواد وچ ڈیندے پئے ہن، جیندے وچ انہیں ونکیں بارے پہلے تھیون والی تحقیق وچ

جیڑھی توجہ ڈتی گئی ہے اوئد ایمان وی ہے تے اچو کے دور وچ انہیں دی مطابقت دا احوال وی ہے۔

۱- مرکزی ونک (Central Variety)

ایندے وچ ملتان تے مظفر گڑھ دے ضلع اتے دیرہ غازیخان اتے بہاولپور دے اُبھے علاقے آویندن۔ توئیں جو ایندے وچ وی پنجابی مہاجرین دی وڈی آبادی موجود ہے پرول وی اے چھی دے چھی علاقیں وچوں سبھ کنیں وڈا علاقہ اتے سرانیکی آبادی داسبھ کنیں وڈا مرکز اے۔ ایں علاقے وچ ملتان شہر دی موجودگی نال ایندی اہمیت مزید ودھ ویندی ہے۔ جیڑھا گھٹ توں گھٹ پچھلے ہک ہزار سال کنیں ایں پورے خطے دامنکھ شہری مرکز اے۔ سرانیکی دی اے ونک 'ملتان' دے نال چنگی طرح سنجانی ویندی اے اتے اینکوں LSI اتے سرنوف وی اینویں ای بیان کیے۔

لموچڑ ونک (Southren Variety)

ضلع رحیمیارخان دے علاوہ ایندے وچ بہاولپور اتے دیرہ غازیخان دے لے علاقے اتے مظفر گڑھ دی اصلوں لمی کئی شامل ہن۔ اے مرکزی علاقے دی نسبت چھوٹا ہے۔ جیڑھا دور افتادہ وی ہے اتے نسبتاً غربت زدہ وی۔ ایہں گالھوں اتھاں باہر لے اثرات کیے گھٹ گنجائش اے۔ دریائے سندھ دیتیں ڈوناہیں بھریں تے رہن آلیں لوکیں دیں لہجیں وچ کجھ فرق ہن۔ پر جڈاں اساں مرکزی تے لموچڑ ونک دا مجموعی تقابل کریندوں تاں اے فرق بہوں گھٹ نشا برتھیندے۔ توئیں جو لموچڑ ونک ہولن آ لے لوک مرکزی دے مقابلے وچ تھولے ہن پر ادبی اظہار دے وسیلے دے طور تے ایندی اہمیت مرکزی سرانیکی دے برابر رہ گئی اے۔ جیندے وچ تھولا بہوں ہتھ سابق بہاولپور دی عظیم الشان ریاست دے دور وچ ایندی غالب حیثیت دا وی ہے جیڑھی ول ۱۹۵۴ء وچ پاکستان وچ شامل تھی گئی۔ ہن وی ایں علاقے وچ تل وطنی جاگرتا دیاں ڈونگھیاں پاڑاں ہن۔ لموچڑ اتے مرکزی سرانیکی دے حد پنے دے شہر بہاولپور دی زبان وچ Forms دے ملاپ دا اولوں نظر دے۔

لموچڑ سرانیکی کوں LSI وچ باضابطہ طور تے جاہ نہیں ڈتی گئی تے سرنوف اینکوں نظر انداز کیے۔ انگریزی وچ ایندے اتے ایں کتاب وچ پیلھی واری صحیح توجہ ڈتی گئی اے۔ سرانیکی بارے اساتذے ایں کم دی بنیاد وی مرکزی سرانیکی تے ای ہے پر جتھاں لموچڑ سرانیکی دا مختلف انداز سامنے آندے اتھاں اوئدے اتے وی بھرپور توجہ ڈتی گئی اے، کیوں جو ایہے ڈونہیں ونکیاں ای سرانیکی لکھتیں اتے پڑھیے لکھیے لوکیں دے الاہول وچ غالب حیثیت رکھیندین۔

کجھ Mid Front حروف علت دے Closer-realization وچ لموچڑ سرانیکی، مرکزی

سہ ماہی سرانیکی بہاولپور

سرائیکی کیں مختلف اے۔ اے اسماء اتے ضمائر دے Oblique Plural دے معاملے وچ ہک نشا براتے مختلف Case-Morpheme رکھیندی اے۔ ایندے سوا فعل دی مارفالوجی دے کجھ نکے جہیں مکھ مہاندے، جنہیں وچ Conjunctive participle تے واحد متکلم دا morpheme _ Tense اتے Present auxiliary اتے اوندیاں سنگوڑاں دیاں کئی شکلاں وی شامل ہن۔

سندھی سرائیکی

اے پورے سندھ وچ خاص کر اُبھے سندھ اچ الیندی اے۔ ڈکھن آ لے پاسے ودھو تال سندھی دا اثر جیڑھے تناسب نال ودھدا ہویا نظر دے اوہیں تناسب نال سرائیکی الاون آلیں دا اثر چھڑا تھیندے ویندا۔ سندھی سرائیکی وچ بہوں سارے لہجے رل مل گئیں کیوں جو اے ہجرت دے نتیجے وچ وجود اچ آئی اے۔ کجھ گروہیں دی زبان دی بنیاد ظاہر اے مرکزی تے رکھی ہوئی اے اتے باقی گروہیں دی زبان لموچڑ نال قربت رکھیندی اے۔ سندھی سرائیکی دا وڈا مقصد گھریلو زبان دے طور تے ورتیے جیڑا اے اتے عام طور اے سندھی نال ڈولسانی طور تے ورتیندی اے۔ پر پہلے اے زبان قابل ذکر ادبی اہمیت وی رکھیندی ہئی۔ LSI وچ سندھی سرائیکی کوں مختصراً 'سرائیکی ہند کی' دے طور تے بیان کیتا گئے۔ مرکزی اتے لموچڑ کیں اینکوں نشا برکرن آلیں اہم نکتیں دا خاکہ ایں کتاب دے نانویں باب وچ کٹھا کر ڈتا گئے۔

اُبھیچڑی ونک (Northern Variety)

ایندا علاقہ ضلع میانوالی اتے صوبہ سرحد دا ضلع دیرہ اسماعیل خان ہن جیڑھے مزید دور افتادہ اتے پسماندے علاقے ہن اتے جنہیں دی زبان دی کوئی ثقافتی معتبر وی کینی۔ اُبھیچڑی ورائٹی، مرکزی نال گھاٹی مشابہت رکھیندی اے پر ایندے کجھ مکھ مہاندے نال دے علاقے دی اُبھیچڑی لہجہ 'ا' دے لہجیں نال وی رلدن۔ خاص طور تے پٹے حروف (disyllabic) دے، Post_tonic چھوٹے حروف علت دی، کثرت نال Rounding دا معاملہ۔ اُبھے وچ کجھ بیا اگوں تے اے کہیں حد تک پشتو بولن آلیں علاقیں وچ رابطے دی زبان دے طور تے کم کریندی اے۔ اُبھیچڑی کوں LSI وچ وِس دی ڈتل اصطلاح 'تھلی' دے ذریعے بیان کیتا گئے۔ جینکوں سرنوف برقرار رکھینے۔ اساں اپنی تحقیق وچ اُبھیچڑی دیں چھڑیں نکھریل قسمیں کوں بیان کیتے۔

۵۔ جھنگی

اے جھنگ ضلع دے ہک وڈے علاقے وچ الیندی اے۔ جیندے اپنے کجھ خاص مکھ

مہاندرے وی ہن خاص کر صوتیات (Phonology) وچ (جھٹاں Implosive) کوں ترجیح حاصل اے اتے ایندی انفرادیت خالص دندانی (Implosive) دا ورتار اے (تے ایندے وچ آسے پاسے دئیں علاقیں دین مختلف شکلیں (Forms) دین خاصیتیں دی رلاندوی ہے۔ LSI وچ جھنگی دا ذکر مختصراً کیتا گئے تے اسوں وی اینداز کر سہری ای کریوں۔

۶۔ شاہپوری

اے سرگودھے ضلع اتے جھنگ تے لائلپور دین کجھ حصیں دی زبان اے، توئیں جو ایندے وچ کجھ مہاندرے مرکزی دے وی ہن پرہن عموماً اتے درست طور تے ایں کوں سرائیکی خاصیتاں رکھن آلی پنجابی دی وکی سمجھنا چاہیدے۔ اتے گریسن اینکوں جیڑھا 'لہندا امرکزی' (معیاری) لہجہ قرار دتے او اصلوں گمراہ کن اے، اصل وچ تاں اے ہک وچلی کڑی اے۔ شاہپوری کوں ولسن (۱۸۹۹ء) چنگی طرح بیان کر چکے، تے خاص سرائیکی نال اینداسا نگاہوں پرے دا ہے۔ اینداز مزید ذکر کیناں تھیں۔

سرائیکی ادب

ایں خطے دی مکھ ادبی زبان فارسی رہ گئی ہئی، اے توئیں جو پچھلی صدی وچ، پنجاب وچوں اینکوں اردو کڈھ چھوڑیا اتے سندھ وچوں سندھی۔ مقامی زبانیں وچ لکھن دی روایت ہک درگھ عرصے تاں چھڑا شعاعری دین کجھ صنفیں تیں محدود رہ گئی اے۔ ایں کنیں سوا پنجاب دیاں قدیم کتاباں دا اکثر حصہ واضح طور تے ڈوناہیں زبانیں دین رلوڑ خاصیتاں رکھیندے تے عام طور تے جنہیں دے ہم عصر قلمی نسخے وی نہیں لبھدے، ایندانتیجہ اے نکلدے جو پنجابی تے سرائیکی ڈوناہیں زبانیں دے، اچ کل دے جو شیلے لوکیں دے دعوے کیتے راہ کھلیل اے جیڑھے انہیں تحریریں کوں پنجابی یا سرائیکی ثابت کرن کیتے کوئی مناسب کم پیش نہیں کریندے۔ ایندے کیتے آدی گرنٹھ (۱۹۵۴ء) وچ شامل 'شلوک فرید' دا حوالہ ڈے سگھدوں جیندا تجزیہ سی۔ شیکل (۱۹۷۷ء) کیتے۔

چھڑا اٹھارہویں صدی دی اوکھی سیاسی صورتحال، جڈاں سلطنت مغلیہ مخالف تے آزاد ریاستیں وچ وندج گئی ہئی، سرائیکی لکھن دی ہک نشاں ریت کوں ابھاریا۔ اے ادب، ہن کجھ عرصے پہلے تاں وی، تقریباً سبھ داسبھ شعر دی صورت اچ اے جیندا بہوں وڈا حصہ اسلامی نظریات نال تعلق رکھیندے۔ ادبی سرگرمیں دے ترائے وڈے مراکز سامنے آندن۔

اتلے سندھ وچ سرائیکی اچ لکھن دی تحریک ٹالپر میریں دے دور وچ پھل چاتے، خاص طور

تے خیر پور دے پچل سرمست (۱۸۲۷ء-۱۷۳۹ء) دی متانہ صوفی شاعری تے حمل خان لغاری (م-۱۸۷۹ء) دی لٹکدی ہوئی مزاحیہ شاعری دی زبانی ریت بہوں اہم ہن۔ انہیں سو دھے کئی نہیں شاعریں دی زبان سرائیکی سندھی ہئی تے تقریباً سبھنیں سندھی وچ وی لکھیا۔ انہیں دی شاعری وچ مرکزی اتے لموچڑ ڈونہیں دیاں ہیچیاں آزادی نال ورتیاں گئیں تے انہیں دی زبان تے سندھی دے اثرات ظاہر اے قابل فہم ہن۔ موجودہ صدی دے سندھ وچ روایتی یا جدید ادب کیتے، سندھی زبان وچ لکھن تے ودھدے ہوئے زور دی وجہ کنیں، سرائیکی دے ورتارے دی حوصلہ افزائی نہیں تھئی۔

ملتان تے اوندے آسوں پاسوں دیں علاقیاں وچ اٹھارہویں تے اُنہویں صدی عیسوی وچ، بھانویں گھٹدی ہوئی طاقت نال ای سہی، صوفیانہ لکھتیں دی ہک ریت مستقل طور تے موجود رہ گئی اے جیندا منڈھ علی حیدر (۱۷۸۵ء-۱۶۹۰ء) کنیں بدھیندے۔ ایں پورے علاقے دا سبھ کنیں وڈا Contribution شیعیں دے مرثیے ہن جیڑھے ہیئت دے اعتبار نال نثر دے ملاپ نال وجود اچ آندن۔ سرائیکی، خاص کر مرکزی، ای اتجھی زبان اے جیڑھی مرثیے دی صنف کیتے پنجاب دے نہیں علاقیاں وچ وی مناسب سمجھیندی ہے۔

سرائیکی ادب دی ترتجھی متوازی ریت دا گھر بہاولپور اے جیڑھا ۱۹۵۴ء تا کیں ہک شاہی ریاست ہئی تے ہک عیندہ انتظامی حیثیت رکھیندا ہئی۔ اتھوں دیاں ادبی تخلیقات وچوں مقبول ترین تخلیق لطف علی دی بیانیہ نظم 'سیفل نامہ' (۱۷۸۱ء) ہے جیڑھی 'الف لیلة ولیلہ' دے ہک قصے وچوں گدھل اے۔ ایں ریت دا مہاندرا تاں خواجہ غلام فرید (۱۸۴۵ء-۱۹۰۱ء) اے جیڑھا سندھ وادی دیں مقامی زبانیں وچ صوفیانہ لکھتیں دی درگھی ریت دا چھیکو دی عظیم صوفی شاعر اے۔ اوندییں صوفیانہ مناجاتیں دا اکثر حصہ اوں تل دی حیاتی تے مقامی صحرا دے منظریں دی روح نال بھرل ہے تے ایہی کافیاں ای سرائیکی ادبی ورثے دا اصل ماٹن ہن جیندے اثرات اوندے بعد تھیون آلی شاعری تے وی پوندے پچن۔

خواجہ فرید دے وصال دے بعد اوندے مقابلے وچ کوئی اتجھی شخصیت اگوں نہیں آئی جیندی شاعرانہ زبان وچ مرکزی تے لموچڑی دا ملاپ تھیا ہووے۔ انہائیں سالیں وچ ملتان تے بہاولپور دیں علاقیاں وچ سرائیکی دے ورتارے وچ بہوں ودھارا تھئے تے زبان کون تخلیقی نثر تے فکشن کنیں سوا، زیادہ وسیع مقاصد سانگے ورتن دا منڈھ ہدھا گئے، جیڑھے ایں کنیں پہلھے کڈا ہیں

کیناں ہن۔ ہن چھڑا بہا و پور وچ مرکزی تے لمو چڑی دامیل نظر دے، جیندے وچ لمو چڑی کون غلبہ حاصل اے۔

ایں زبان دے ادب دیاں تفصیلی تاریخاں چامپوری (۱۹۶۹ء) تے میدری (۱۹۷۱ء) لکھیاں ہن، جڈاں جوائنگریزی وچ مزید مختصر تذکرہ شیکل (۱۹۷۲ء) دی تحقیق وچ شامل اے۔

کتاب دیاں حداں تے ترتیب

ایں زبان دی پوزیشن بارے جیڑھیاں گالھیں اساں ہن تائیں کینیں انہیں وچوں اے صاف ظاہر تھیندے جو اینکوں اصلوں اردو یا ہندی جیڑھیں، بھرپور تحریری ریت اتے پختہ معیاری صورت رکھن آلیں، زبانیں وانگوں پرکھن غیر حقیقی رویہ ہوسی۔ تاں وی ایں کتاب دما مقصد ایہو اے جو بے تائیں تھی سکھے ہک 'معیاری' سرائیکی کون واضح کرتے تے ایں یقین نال جوائیں وضاحت سانگے زبان بارے کجھ فیصلے آپوں وی کرن ضروری ہن۔

اتھاں اساں جیڑھی 'معیاری' زبان گدھی ہسے، شہر دے ہوشیار تے پڑھیے گڈھینے جوائیں دی آپت دی الاہول دی زبان اے۔ زبان دامنونہ حاصل کرن سانگے سوچ سمجھ تے اتجھے لوک چٹھیں بگن جنہیں دی زبان جدید ترین نثری لکھتیں نال مطابقت رکھیندی اے۔ اے معیاری زبان بہوں حد تائیں اداسرائیکی ادبی زبان نال وی ٹھیک ٹھیک رلدی اے، تو تائیں جو کجھ جاہیں تے فرق وی تھی سکھدے، کیونجو اداسرائیکی ادب تے شاعرانہ مزاج دی حکمرانی اے۔ ایں معیاری زبان دی تعریف وچ مقامی وٹکیں وچوں مرکزی تے لمو چڑی کون خاص طور تے شامل کرن اتے ایندے نال تعلق رکھن آلیں اردو، پنجابی تے سندھی زبانیں دے اثرات دا ذکر کرن وی ضروری اے۔

ایں معیار وچ شہری ترتیمتیں دی زبان وچوں وی کئی پہلو شامل کیے بگن، تو تائیں جو اتھاں سخت پردے دی وجہ کنیں ترتیمتیں دی گالھ بول وچ بہوں رجعت پسندی نظر دی ہے۔ پرگھت توں گھٹ ڈوونکیں کون تاں ایں معیاری زبان وچوں کڈ چھڑو تے۔ جنہیں وچوں ہک تاں وستیں دیں ان پڑھ ترتیمتیں دی چٹکسی بولی (Rustic Speech) ہے تے ڈووجھی او زبان جیڑھی شہریں وچ غیر سرائیکی لوکیں نال رابطے دی زبان دے طور تے لیندی اے۔ انہیں ڈوہیں قسمیں داسر سری ذکر کیتا گئے۔ پہلی کون معیار توں گھٹ (Sub-standard) تے ڈووجھی کون روزمرہ الاہول دی زبان (Colloquial) آکھیا گئے۔

پنجابی نال ایندے تقابل دی سوکھ سانگے، کتاب دی تیاری بہوں حد تائیں گل تے گلین

دی جدید گریمر (۱۹۶۹ء) دے معیار تے تھئی اے تے اینکوں روایتی ترتیب وچ پیش کیتا گئے ۔
 ایندے پہلے باب وچ صوتیاتیات (Phonology) تے ڈوجھے کنیں پنجویں باب تائیں مارفالوجی
 تے گالھ تھئی اے، پنجویں باب کوں اساں ضمیری لاہئیں کیتے وقف کریندے پئے ہیں، جیڑھے ہند
 آریائی سیاق و سباق وچ سرائیکی نال دلچسپی پیدا کرن آ لے اہم نکتیں وچوں بک نکتہ بندن ۔ پھیویں
 کنیں اٹھویں باب تائیں دا اہم مواد محاورے (Phrase) اتے جملے دی نحوی ساخت (Syntax)
 دے تجزیے تے بدھل ہے جیندے کجھ حصے نہیں ہند آریائی زبانیں وچ ساگی عمل نال متعلق تھی
 سگھدن ۔ نانویں باب وچ مرکزی تے لموچڑی کنیں سندھی سرائیکی دے فرق دا مختصر بیان اے
 جیندے وچ کجھ اتکھے پرانے مکھ مہاندرے وی شامل ہن جیڑھے قدیم شاعری وچ وی لبھدن ۔

زبان دے اسلوب (Style) وچ کئی ممکنہ تبدیلیاں (Variations) کوں ظاہر کرن کیتے، اصل
 کتاب وچ ہک بیا باب شامل کرن دی صلاح وی ہئی جیندے وچ نمونے دے طور تے مختلف تفصیلی
 حوالے تے انہیں دی تشریح وی شامل ہئی تے ایندے ذریعے زبان دیں مختلف وکیں کوں ٹھیک ٹھیک
 وچ سگھیسے ہا۔ Specialist academic publishing دیں مالی مجبوریاں دی وجہ کنیں ایں منصوبے
 کوں مختصر کرتے اٹھویں تے نانویں باب دے چھیکڑ وچ انہیں دی کجھ مختصر چون شامل کیتی گئی اے ۔ ❖

پردیس ڈیہوں دیداں اڑیاں وے یار

ساڈیاں دلیں کنوں دلیں سڑیاں وے یار

خبر نہیں انہاں کملیاں لوکاں تیغاں تیز برہوں دیاں نوکاں

درد منداں سر کھڑیاں وے یار

جے تیں موت کرسم ٹالا ڈیکھاں نال اکھیں دے شالا

شہر ارم شہ پریاں وے یار

ڈیکھ کے چالیں یار بچن دیاں ناز خراماں من موہن دیاں

کبکاں روہیں وڑیاں وے یار

میں جیہاں تیڈیاں سوٹھ سہیلیاں ناز نہیاں راج گہیلیاں

تھیاں دیوانیاں چریاں وے یار

کسئی چایم نیہڑا لایم جندڑی مفت فرید گنوایم

نبھ گیاں سکھ دیاں گھڑیاں وے یار

ما تے ان/کوں چھوڑ کراہیں سرائیکی زبان وچ ترائے لُونیاں (Nasal) اوازاں آجھیاں ہن
جیڑھیاں سندھی تے سنسکرت نال سا جھیاں ہن۔

اچ، گ، ٹ، ٹھ

انہیں وچوں/ٹ/ پنجابی نال وی سانجھا ہے، باقی ڈوں (جیڑھیاں سندھ وچ سرائیکی سندھی رسم الخط موجب ایں لکھیندن/اچ، گ، ٹ/) سرائیکی، سندھی تے سنسکرت کیے سا جھیاں اوازاں ہن۔ پنجاب وچ شامل مرکزی سرائیکی علاقے وچ ورتجٹن آلی سرائیکی صورت خطی یا الفبا بیٹ وچ انہیں اوازیں دے اظہار سانگے علامتی حروف/خ/تے/نگ/درتیندے پئن۔ کجھ بزرگ تے ہمعصر لکھاری، انہیں اوازیں کوں 'نون' آمیختہ گاف یا 'نون' آمیختہ جیم' دے طور تے بیان کریندن تے انہیں اوازیں کیے سرائیکی الف بے وچ نیلجھہ حروف مقرر کر ٹ دے حق وچ ہن۔

ترے ماہی 'سرائیکی' دے ایں شمارے وچ اساں کرسٹوفر شیکل دی ہک کتاب دے 'تعارف' دا ترجمہ وی چھپیندے پیوں۔ ایندے وچوں اسا کوں ایں گالھ دی لوڑ دا اندازہ تھیسے جو سرائیکی زبان دی لسانیاتی حد بندی یا صوتیاتی جوڑ جک چھڑا ملتان یا بہاولپور یا کہیں پے شہر وچ ہکی جاہ تے پہہ کراہیں نہیں تھی سگھدی۔ ایں زبان دے کئی لہجے ہن تے مختلف لہجیں وچ اسا کوں مختلف اوازیں دا زور لہسی۔

سرائیکی زبان دیاں ڈوں لُونیاں (Nasal) اوازاں/اچ/تے/گ/لے سرائیکی وسیب، ضلع رحیمیارخان، تے اوندے نال وسدی سندھی سرائیکی وچ بہوں ورتیندین تے اونویں وی پورے وسیب وچ اے اوازاں ورتیندیاں پئن۔ مثال دے طور تے کہیں وی علاقے دے سرائیکی الاونڈ والے کنیں/وچ/خ/تے/سنگ/سنگ/دا اچار کرا ڈیکھوں تاں، سا کوں سدھ پوسی جواے/وچ/خ/وچ 'نون' آمیختہ جیم' دی اوازاں/ان+وچ/نہیں پر ہک انج اواز اے جیڑھی اپنی انج لکھت منگدی اے بھانویں اونکوں/وچ/دی صورت وچ لکھوں تے بھانویں/ان+وچ/خ/دی صورت وچ۔

اپنیوں ای ڈو جھی اواز 'نون' آمیختہ گاف، نہیں۔ لفظ/سنگ/دے اچار وچ/ان+گ/دی جاہ تے کوئی ترتجھی تے منفرد اواز ہے ہن اونکوں بھانویں/گ/لکھوں تے بھانویں/ان+گ/نگ/لکھ گھنوں، اے تاں اختلاف تھی سگھدے پر ایں گالھ دا اختلاف عقلی تے سائنسی طور تے نہیں بٹدا جواے ڈوں اوازاں سرائیکی زبان وچ کینی۔

صدر الدین اصلاحي سندھی سرائیکی وچ ہک سانجھا قلی جوڑا (minimal pair) لہیے

/سنگ/ = پتھر، میل جول، محبت، دوستی وغیرہ

/سنگ < سنگ/ = رشتہ، نسبت وغیرہ

کیا اے نون تے گاف دی رلواں اواز/نگ/اے یا کوئی ترتجھی تے نویکی اواز؟ بھانویں اچ کل دی لکھت

موجب/جب/دی اواز ہے؟ جیڑھی لفظیں دے مطلب دی دنا چھڑندی اے۔ جیڑھ لے کہیں اواز نال لفظیں دے مطلب تبدیل تھی دہن تاں اوز زبان دے الفاہیت تے قاعدہ وچ اوز اواز کیے علیحدہ نشانی ضروری ہوندی اے۔

عبداللطیف بھٹی ہوریں اکیسویں صدی دے پہلے سال ۲۰۰۱ء وچ اے گالھ سمجھ کراہیں پہلا مکمل سرائیکی قاعدہ چھاپے جیندے وچ سرائیکی دیاں وادھوست اوازاں شامل کیتیاں نیں تے نوٹ لکھیے نیں جو ہن سرائیکی زبان دا ہر قسم دا لہجہ سرائیکی اکھریں وچ لکھیج سگھیندے۔

انہیں اے فیصلہ صحیح تے عقلی دلیل موجب کیے۔ ایندے نتیجے وچ ہر علاقے دی سرائیکی زبان یا سرائیکی زبان دے سارے لہجے تے انہاں دا ادبی ذخیرہ صحیح لکھت وچ آسگھسی۔ اصل مسئلہ اوازاں کون منٹ دا نیں پر انہیں اوازاں دی لکھت کیے 'اکھریں' دی صورت ڈیوٹ دارہ گئے۔ عام طور تے انہیں اوازاں دی لکھت/نگ/تے/نچ/رہ گئی اے جیڑھی اچ کل عام رواج وچ ہے۔ جڈاں جو سندھی صورت خطی وچ تے مولانا عزیز الرحمن کمیٹی تے کجھ بنہیں پر انہیں لکھاریں دی صورت خطی وچ اے/نگ/تے/نچ/دی صورت وچ لکھیندے رہ گئیں تے ایہا صورت خطی عبداللطیف بھٹی ہوریں وی لکھی اے۔ پر لکھن ویلے/نچ/دے عام رواج کنیں متاثر تھی کراہیں انہیں دے قاعدے اندر چھپیل/چچ/وچ/ان/وی لکھیج گئے تے ایندی لکھیل صورت اے ہے/چنچ/۔

ایں مغالطے وچوں ایں گالھ دا اندازہ تھیندے جو اساڈے عوام تے لکھاری آسختگی نال رنج گئیں اتجھی صورت حال وچ جیکر/ج/دی صورت خطی/نچ/تے/نگ/دی صورت خطی/نگ/مستقل طے کر گھنہ جے تاں وی کوئی وڈا فرق نہ پوسی کیوں جو لکھاریں دی اکثریت تے عوام ایندے تے راضی تھی گئیں تے اتجھے مسائل دنیا دیں ترقی یافتہ زبانیں دے رسم الخطیں وچ وی موجود ہن۔ ہاواں ویلے فرق ضرور پوسی جیڑھے ویلے انہیں اوازاں کون سرائیکی قاعدے وچوں دیس نکالا ڈے ڈیسیوں۔ ایندے بعد اے سوال پیدا تھیں جو کیا کہیں قاعدے وچوں کڈھن نال سرائیکی زبان دیاں ہزاراں ورہیاں پرانیاں اے اوازاں وسیب دے الاپول وچوں وی نکل ویس؟ ہن تاں تاں اینویں نہیں تھیا

عبداللطیف بھٹی ہوریں، انہاں دی ہانہہ بلی سنگت محمد حیات چغتائی تے فدا حسین خان گاڈی اچ دے ویلے وچ، انہیں اوازاں ہا جھوں کہیں 'سرائیکی قاعدے' کون 'مکمل' نہیں سمجھدے کیوں جو انہیں کوہاں ایں گالھ دی سدھا اے جو انہیں دی روز ڈھاڑے دی حیاتی دا بہوں سارا الاپول لکھت وچ ادھورا تھی ویسی تے زبان اپنا درشن یا اظہار مکمل نہ ڈے سگھسی۔ قاعدے دی لکھائی چھپائی تے پنے اتجھے ہن جو کجھ نکلیاں موٹیاں درستیاں کرن دے بعد سدھا سنواں اے دعویٰ تھی سگھدے جو اے سرائیکی زبان بارے چھپن والا سبھ کنیں سوہنا قاعدہ اے۔ جیکر پالیں کون اے قاعدہ پڑھن دی اجازت ہووے، ماء پیودی طرفوں وی تے محکمہ تعلیم دی طرفوں وی ❖

جھوٹے جوڑوں چک کھپ تھڈے تے

جھوٹے جوڑوں چک کھپ تھڈے تے
ایجھان نہ ہووے سارے ملے تے
نہ وکڑے نہ بند تے پھسار
نہ گٹھ پاڑ دی کھڈے تے
سانوں آن سو پھسار روپی
سندھڑوں سنگھری لڈے تے
جے پانی کھٹ ویسی پھسوں
ڈھائے تے کل اڈے تے
شہر بھنبھور وی کھاوے اوسم
بوت نہ جاوین چھڈے تے
تیغ فرید برہوں دی ویسہ گئی
چم چم تے ہڈے ہڈے تے

سرائیکی ادبی مجلس (رجسٹرڈ) بہاولپور

فہرست مطبوعات

۱: سرائیکی شعری گلدستہ	۲۳: سرائیکی اردو دشنری	۴۵: قرآن پاک داپہا سپارہ ترجمہ سرائیکی
۲: سرائیکی کتابیات	۲۴: سرائیکی اردو بول چال	۴۶: ڈوجھا سپارہ
۳: شان آسودہ بلوفان	۲۵: سرائیکی اور اس کی نثر	۴۷: ترنگھا سپارہ
۴: شاطر نماٹاں	۲۶: سرائیکی زبان تے ادب	۴۸: اجرک (خولجہ فرید ایوارڈ یافتہ)
۵: صابر پتر علی دا	۲۷: سرائیکی شاعری اوزان تے قوافی	۴۹: جھلار (خولجہ فرید ایوارڈ یافتہ)
۶: بچپال	۲۸: سرائیکی سمل	۵۰: ڈکھ ڈول (خولجہ فرید ایوارڈ یافتہ)
۷: ارم خان اوچہ	۲۹: سرائیکی مطالعے دے سو سال	۵۱: ترکہ
۸: اوئے ہوئے چرسٹ	۳۰: فردوس ٹھگالی	۵۲: خن فرید دا
۹: رقص سمل	۳۱: خواہاں وچ خیال	۵۳: سانجھ
۱۰: اٹی رت جو پانی تھکی	۳۲: بیج پھلاندی بیج ڈکھاندی	۵۴: سوچاں خشبو لفظ غائب
۱۱: نالہ نارسا	۳۳: رستم تے سہراب	۵۵: دیوان فرید
۱۲: شہکار	۳۴: کنکالیاں	۵۶: فتوحات فرید یہ
۱۳: نازو ڈوجھا چھاپہ	۳۵: توبہ زاری	۵۷: ویورے
۱۴: صادق نامہ (انگریزی)	۳۶: کوڑا خواب	۵۸: زمین آسمان
۱۵: صادق نامہ اردو ڈوجھا چھاپہ	۳۷: سوہنے داخلق	۵۹: سرائیکی ادب دی چنگیر
۱۶: العینق العینق ڈوجھا چھاپہ	۳۸: خیابان خرم ڈوجھا چھاپہ	۶۰: قطب تارا
۱۷: رت دیاں بنجوں ترنگھا چھاپہ	۳۹: قصے تے پڑ قصہ	۶۱: پرکھرا
۱۸: سرائیکی قواعد تے زبان دانی ڈوجھا چھاپہ	۴۰: رسول کریم دے معجزے	۶۲: گوہر شب چراغ
۱۹: سرائیکی بول چال	۴۱: دل بہار	۶۳: روح روبی دی کونج
۲۰: پاک مشاعرہ	۴۲: بہاولپور دی تاریخ تے ثقافت	۶۴: قصہ قصولی
۲۱: ہالوسٹو سمجھو	۴۳: تنواراں	۶۵: خولجہ فرید
۲۲: لغات فریدی	۴۴: سنجھ صبا حیں	۶۶: خولجہ غلام فرید (انگریزی)